

झीगु व्याकरण

तुयुवहादुर महर्जन

नेपालभाषा गुथि

किपू

झीगु ब्याकरण



तुयुबहादुर महर्जन



नेपालभाषा गुथि

किपू

☐ श्री गुब्बाराण
तुयुबहादुर महर्जन

☐ सफूया व्याक्क वां
चवमियाके

☐ पिकाकः
नेपालभाषा गुथि
किपू

☐ न्हापांगु संस्करण
द्वः छि
ने० सं० १११०, मोहनी

☐ मूः १६।-

☐ थः कूः
एकता प्रेस
न्येत पाचो, येँ ।

धलःपौ

१. भाय्लखं (Grammar)	१
२. मामाखः (Vowel)	२
३. बामाखः (Consonant)	५
४. निलाफुति व सिन्हाःफुति (Nasalization and Nasal)	७
५. लिफुति	१०
६. चीहाः ताःहा (Short long)	१२
७. चिना आखः (Cluster)	१३
८. मामाखःखः हना (Vowel Sequence)	१५
९. नां (Noun)	१८
१०. मंकाःनां (Pronoun)	२३
११. ब्वाय्सु (Adjective)	२८
१२. यासु (Verb)	३६
१३. कर्मकाः यासु व कर्ममकाः यासु	३९
१४. काल (Tense)	४१
१५. डजं थुङ्का यासु (Imperative)	४५
१६. स्वभाव/अवस्था बोत्रक यासु (Habitual verb)	५३
१७. हःपाः थुङ्का यासु (Causative verb)	५६
१८. पूर्वकालिक यासु	६०

१९. अन्वय	६३
२०. जा: (Gender)	७५
२१. वचं Number	८२
२२. कारक (Case)	८८
२३. खँव: ज्याना	९७
क.) वृदन्त खँव:	
ख.) तद्वित खँव:	
२४. पाहाँ खँव: (Loan word)	१०८
२५. समास	११४
२६. खँवा इव: छुना (Word order)	१२०
२७. खँत्वा: (Phrase)	१२४
२८. कचाखँपु (Clause)	१२६
२९. खँपु (Sentence)	१२९

भाय्लचं (Grammar)

छु नं भाषाया आखः, खँवः, खँपुया रूप, दयेकीगु धाँचा, थःथवय् दइगु स्वापू अले थ्वयात पाय्छि जुइक भाषाय् गथे यानाः छप्लेगु धकाः स्यनीगु शास्त्रयात व्याकरण धाइ । व्याकरणायात नेवाः-भासं 'भाय्लचं' धाइ ।

भाय्लचंया मू स्वंगु कचा दुः-

- १) सःग्वः कचा Phoneme
- २) खँवः कचा Morpheme
- ३) खँपु कचा Syntax

१) वर्ण कचाः- थुके माम्राखः, बाआखः, बागः आखः, मिलाफुति, सिल्लःफुति, लिफुति, चिना आखः इत्यादिया बारे व्वनेगु याइ ।

२) खँवः कचाः- थुके खँवःया ताजि, खँवःया रूप, खँवः दयेकेगु ज्या, खँवः गय् वल, गनं वल, उकेया अर्थ छु इत्यादिया विषय-लय् अध्ययन याइ ।

३) खँपु कचाः- थुके खँपु धयागु छु, खँपु गय् यानाः दयेकेगु, खँपुइ दुने खँवःयात गय् यानाः इवः छुइगु, छगू खँपुया मेगु खँपुनाप छु गथे स्वापू दइ इत्यादिया बारे व्वनेगु ज्या याइ ।

माआखः

(Vowel)

मेगु आखःया ग्वाहालि मकाःसे थःथमं याउँक न्वंवाये फुगु आखःयात 'माआखः' धाइ । माआखःयात संस्कृत भाषां 'स्वर' धाइ । अ, आ, इ, ई, उ, ऊ, ए, ऐ, ओ, औ इत्यादियात माआख धाइ । छांय्धाःसा 'अ' अथवा 'आ' धायेबले मेगु आखःया ग्वाहालि म्वाः । थःथमं हे याउँक न्वंवाये फु । अलेन्हाक्व धया च्वंसां 'अ' या 'अ' नातुं जुया च्वनी । तर 'क' अथवा 'का' अथेहे 'त' अथवा 'ता' धायेबले 'अ' अथवा 'आ' यागु ग्वाहालि मदयेक मगाः । भतीचा ताहाकलं धाये धुनेवं 'क' अथवा 'का' यागु सः तनाः 'अ' अथवा 'आ' यागु सः वइ । तर 'अ' अथवा 'आ' धायेबले सुयागु ग्वाहालि मदयेक हे याउँक न्वंवाये फु । उकिं अ, आ, इ, ई, उ, ऊ इत्यादियात माआखः धाःगु खः ।

ह्लापांनिसें व्वनाः वनाः च्वंगु कथं नेपालभाषाय् क्षिनिगः माआखः दु । व थथे खः— अ, आ, इ, ई, उ, ऊ, ए, ऐ, ओ, औ, अं, ञः ।

माआखः न्वंवायेबले ई (time) काइगु ल्याखं निव्व थले ज्यू । छगू, न्वंवायेबले भतीचा जक ई काइगु । मेगु ताहाक ई (time) काइगु । भतीचा जक ई काइगुयात चीहामाआखः धाइ ।

श्व यथे दु- अ, आ, इ, उ, ए, ओ ।

अले मेगु, न्वंवायेवले ताउ ई काइगु । श्वयात ताहाः माआखः
धाइ । श्व यथे खः - ई, ऊ, ऐ, औ, अं, अः ।

नेपालभाषाया स्वभाव कथं स्वयेबले श्व व्वथला उलि पाय्छि
मजू । गथे 'अं' धयागु ताहाः रूप खःसा थुकेया चीहाः रूप छु ?
'आ' धयागु गथे जुयाः चीहाः जुल ? अले श्वया ताहाः रूप छु ?

उकि नेपालभाषाया थःगु हे कथंया माआखः दु नेपालभाषाय्
मूमाआखः न्यागः जक दु धाइ - अ, आ, इ, उ, ए । गन 'ओ' नापं
तयाः खुगः दयेकाः तःगु दु । 'ओ' या पलेसा 'व' आखलं ज्या
काःगुलि न्यागः माआखलं चायेका व्वःगु खः । मेगु माआखः धयागु
थुकेया हे ताहाः रूप खः । गथे 'अ' या ताहाः रूपः 'अः' । 'आ' या
ताहाः रूप आः । 'इ' या ताहाः रूप 'ई', अले 'उ' या ताहाः रूप
'ऊ' खः ।

आः ल्यं दनि 'ऐ' व 'औ' । श्व ऐ धयागु अ+इ=ऐ;
अ+उ=औ खः ।

च्वय् च्वंगु माआखःया इवल्य् दकले ल्युने पाखे च्वंगु 'अं' छगः
नं दनि । श्व ह्लासं श्वःगु दीर्घ खः । श्वया चीहाः रूप 'अँ' जक खः ।
उकि 'अँ' धयागु ह्लासं श्वःगु चीहाः रूप खः । अले 'अ' धयागु ह्लासं
श्वःगु ताहाःरूप खः । थुकथं च्वय् च्वंगु माआखः ह्लासं श्वइगु ल्याखं
चीहाः ताहाः धकाः व्वथले जिल - चीहाः इवः - अँ, आँ, ईँ, उँ, एँ,
ऐँ, ओँ, औँ । ताहाः इवः - अं, आं, इं, उं, एं, ऐं, ओं, औं ।

माआखः इवःया दकले ल्युने च्वंगु 'अः' नं ताहाः खः । श्वया
चीहाः रूप 'अ' जक खः । थुकथं लिफुति (विसर्ग) दुगु 'अ' ताहाः
रूप, अले लिफुति मदुगु 'अ' चीहाः रूप खः । लिफुति धयागु

अ-बानय् व आ- बानय् जक वड्गु जुयाः 'अ' या ताहाः रूप 'अः' जुइ । अले 'आ' या ताहाः रूप 'आः' जुइ । चकिं नेपालभाषाय् 'आ' धयागु ताहाः मजुसे चीहाः जुइ ।

थ्वया बिस्कं नेवाःतसें न्वंवानाः वयाः च्वंगु मेगु निगः माआखः नं दनि । व खः - 'अय्' व 'आय्' । थ्व निगः आखः नं मदयेक मगाः खय्, छय्, फय्, लय् इत्यादि च्वयेत थ्व 'अय्' माः । अथे हे काय्, खाय्, छाय्, ताय्, थाय्, नाय्, बाय्, माय् इत्यादि च्वयेत थ्व 'आय्' माः । थ्व 'अय्' व 'आय्' यात छगः आखलं च्वयेगु मदयाः निगः आखलं चायेकाः तःगु खः । वास्तवय् थ्व नं नेपालभाषाया माआखः हे खः ।

बाभ्राखः

(Consonant)

माभ्राखःया ग्वाहालि कयाः जक न्वंवाये फइगु आखःयात 'बाभ्राखः' धाइ । श्वयात संस्कृतभाषां 'व्यञ्जन' धाइ । गथे क, ख, ग, घ, ङ, च, छ, ज, झ, ञ इत्यादि । श्व आखःयात बाभ्राखः धाइ । श्व आखःत न्वंवायेबले माभ्राखःया ग्वाहालि मदयेकं न्वंवाये फइ मखु । 'क' धायेबले थुके 'क' बागः व 'अ' छगः त्वाकज्यानाः जक 'क' छगः जूगु खः । अथे हे 'ख' धायेबले ख् + अ = ख; 'ग' धायेबले ग् + अ = ग । अथे हे क् + आ = का; ख् + आ = खा; ग् + आ = गा, क् + इ = कि, ख् + इ = खि इत्यादि ।

आःतक बाभ्राखः घकाः छ्यलाः वयाः च्वंगु सुइखुगः आखः दु । व थथे खः - क, ख, ग, घ, ङ, च, छ, ज, झ, ञ, ट, ठ, ड, ढ, ण, त, थ, द, ध, न, प, फ, ब, भ, म, य, र, ल, व, स, ष, श, ह, क्ष, त्र, ज्ञ ।

नेपालभाषायात थुलिमछि फुक्कं म्वाः । थन क्वय् च्वया कथंया जक बाभ्राखः दयेवं गाः । व थथे दु - क, ख, ग, घ, ङ, च, छ, ज, झ, त, थ, द, ध, न, ह, प, फ, ब, भ, म, ह्य, य, र, ह, ल, ल्ल, व, ह्व, स, ह ।

त्यंदुगु ञ, ट, ठ, ड, ढ, ण, ष, श, क्ष, त्र, ज्ञ नेपालभाषा-यात म्वाः । तर 'त्र' छगः अनुकरणात्मक खँवः व मेमेगु नाम खँवः

छ्यलेथाय् धासाः मदयेक मगाः । च्वय् न्ह्यथंगु आखःत नेपालभाषा-
यात म्वाःगु खःसा मेगु भाय्यागु खँखःत तत्सम कथ नालाः कयाः
. च्वल धाःसा व हे आखः च्वयेगु चलन दु । गथे - ख - सञ्चालन,
ट - टपरी, ठ - ठकुरी, ड - डम्फु, ढ - ढाक्रे, ण - चण्डाल, प -
पछ्ठी श - शुक्रवार, क्ष - क्षमा, त्र - त्रिशुली, ज्ञ - ज्ञानमाला ।

थ्य आखः त नेपालभाषायात छाय् म्वाःगु धाःसा थ्व आखःत
नेवातय्गु म्येच्चकाय् मदु, न्बंवायेगु मयाः । उकिं थ्वयात म्वाः धाःगु
खः ।

मिलाफुति व सिन्हःफुति

मुनानं छुं न्वंवाइबले दवव सः म्हुतुं जक पिहां वलं मयाः । गुलि-गुलि ह्वासं श्वयाः सः पिहां वः । थथे ह्वासं श्वया पिहां बइगु सः यात 'ह्वासंश्वःसः' (Nasal sound) धाइ । गथे - सँ दुगु छयं; कं दुगु स्वां; तँव्व छ दुगु फँ । थुके सँ, तँव्व छ, फँ छता धाँचा, छयं, कं, स्वां मेगु हे धाँचा । सँ, तँव्व छ, फँ न्वंवायेबले चीहाकलं ह्वासं श्वय्का न्वंवायेवं गाः । तर छयं, कं, स्वां ताहाकय्क ह्वासं श्वय्काः न्वंवायेमाः । उकि थुकें छु सी दत धाःसा ह्वासं श्वइगु सः निता दु ।

१) अनुनासिक २) अनुस्वार

१) अनुनासिकः- श्वयात नेवाः भासं 'ह्वाय्लिउ' धकाः नां छुनाः तःगु दु । श्व भतिचा जक ह्वासं श्वइ । उकि श्व चीहाकलं ह्वासं श्वइथाय् छ्यली । श्व अनुनासिक स्वरया चि थथे (ँ) जुइ । श्व चियात नेवाःभासं मिलाफुति धाइ । छाय्धाःसा श्व मिला अथवा तिमिला बांलू । गनं-गनं श्वयात इंचाफुति नं धायेगु याः । श्व मिलाफुति गन चीहाकय्क ह्वासं श्वयेक न्वंवाइ अन जक श्व चि छ्यली अथवा गन मिलाफुति छ्यली अन चीहाकय्क ह्वासं श्वयेका न्वंवाइ । गथे -कँ, खँ, दँ, बँ, सँ इत्यादि । थुकथं श्व चीहाकल ह्वासं श्वइथाय् जक छली । उकि श्व मिलाफुतियात चीहाःया चि धकाः हनाः तःगु दु ।

१) स्तरीय नेपालीभाषाया नियमावली-काशीनाथ तमोट, देगः सिचा सफू, ने० सं० ११०१ सिह्लाचह्रे, पौ ७, इवः २३ ।

२) अनुस्वारः— श्वयात नेवाः भासं 'माग्राखः लिउ' धकाःनां छुना तःगु दु ।^१ श्व ताःहाक जुइक ह्लासं श्वइथाय् छ्यली । श्वया चि थये () जुइ । श्व चियात सिल्लःफुति नं धाइ ।^२ छायाःसा श्व सिन्हः तियेथे आखःया च्वसं छगू फुति तइ । श्वयात नेपाली भाषाय् शिरविन्दु धकाः छ्यलाः तःगु दु । सिन्हःफुति दुथाय् न्वंवायेबले ताहाक जुइक न्हासं श्वयेकाः न्वंवायेमाः । मेकथं धायेबले गन सिन्हःफुति दइ अन ताहाक जुइक न्हासं श्वयेकाः न्वंवाइ, अले गन ताहाक जुइक न्वंवाइ अन सिन्हःफुति तइ । गथे — कं, गं, नं, दं, बं व अथे हे मेमेगु ।

मिलाफुति व सिन्ह फुतिया विशेषता

१) मिलाफुति चीहाकय्क ह्लासं श्वइ, सिल्लःफुति ताहाकय्क ह्लासं श्वइ । उकिं मिलाफुति चीहाःया चि जुइ, सिल्लःफुति ताःहाःया चि जुइ ।

२) मिलाफुति व सिल्लः फुतिया थःथःगु हे मू दु । मिलाफुतिया थासय् सिल्लःफुति व सिल्लःफुतिया थासय् मिलाफुति तये मज्यू । थये तल धायेव अर्थ हे पाइ ।

३) नेपाली भाषाय् ड, ञ, न, म या पलेसा कथं जक अनुस्वार च्वइ । अले अनुस्वार न्वंवाइबले नं श्व हे ड, ञ, न, म हे बागः वयेक न्वंवाइ । नेपालभाषाय् थुकेया अर्थ हे पाः । नेपालभाषाय् अनुस्वार व अनुनासिकया अर्थ ड, ञ, न, म या पलेसा मखु । श्व ला ताहाकय्क व चीहाकय्क ह्लासं श्वयेकाः न्वं वायेगु छः ।

१) स्तरीय नेपालभाषाया नियमावली — काशीनाथ तमोट, देगः ह्लिचा सफू, ने० सं० १९०९ सिलाचःह्ले, पौ ७, इवः २४ ।

२) श्वयात 'म्वलफुति' व 'चय्फुति' नं धाः । सफू वहे, पौ ७, इवः २४ ।

४) नेपालभाषाय् गन सिल्लःफुति छ्यली अन आखः तना च्वंगुया ल्याः जुइ । उकि सिल्लःफुति जक लिकायेव वया ल्युने तनाः च्वंगु आखः लुया वइ । थथे लुयाः वइबले नेपाली भाषाय् थें ड, ज, ण, न, म मजुसे च, त, थ, न, म, स जुइ । गथे - कुइ/किव- कुच्च; पुइ/पिच-पुच्च । भ्वं-भ्वंत; यं-यंत । कं-कथ; पं-पथ । गं-गन, असं-असन । तं-तम, नां-नाम । इ-इस ।

५) इ-बां, उ-बानय् सिल्लःफुति व मिलाफुति छ्यलेबले चीहाः इ-बां उ-बानय् जक छ्यली ताहाः ई-बां ऊ-बानय् छ्यली मखु ।^१

१) थ्व विशेषताया निति 'च्वसा' पिकाक नेपालभाषा गुर्थि, ने० सं० ११०६ 'मिलाफुति व सिल्लःफुति' (पौ ३५) नांगु थ्वज्या स्वयाः दिसँ ।

लिफुति

ताहाकः जुइक न्वंवायेया निंति आखःया ल्यूने निगू फुतिचा तइगुयात लिफुति धाइ। थ्वयात संस्कृतं विसर्गं धाइ। थ्वयागु चिं थथे (:) जुइ। लिफुति धयागु अ-बानय् व आ-बानय् जक तइ। मेथाय् गननं छ्यली मखु। थुक्थं अ-बां व आ-बांयात ताहाःयानाः न्वंवाये माल धायेवं जक छ्यली। उकिं थ्व ताहाःया चिं खः। ताहाकः यानाः न्वंवायेगु निगू धाँचा दु - छगू, गन आखः तनाः चवनी अन ताहाक यानाः न्वंवाइ। मेगु गन आखःयात जोड बियाः न्वंवाइ अन नं ताहाकः न्वंवायेगु याः। दसु-ख्वाः व त्वाः व त्वःह्य मिसाया जातः नं यो धकाः बः यायेगु ला ? थन थ्व लिफुति फुक्क आखः तनाः च्वंथाय् छ्यःगु खः। थन छु आखः तनाः च्वन धकाः मालाः स्वयेबले थथे लुयाः वइ। ख्वाल व त्वाल व त्ववह्य मिसाया जातकनं यो धकाव बल यायेगु ला ? थथे आखः तनाः जक लिफुति छ्यःगु खः। अथे हे जोड बियाः लिफुति तःगुया दसु - वं जितः हाःहू यात। थ्व लिफुति जोड बियाः व अनुकरण यानाः जक लिफुति तःगु खः।

संस्कृत भाषाय् आ-बां धयागु ताहाःया रूप खः। तर नेपालभाषाय् आ-बांयात धयागु चीहाःया रूप खः। आ-बांयात चीहाकलं न्वंवाइ। उकिं आ-बांयात नं ताहाःया रूप बी माल धायेव लिफुति तयेमाः।

नेपालभाषाय् लिफुतिया तःधंगु मू दु । लिफुति तये माःथाय्
 मतल धायेव अथवा तयेम्बाःथाय् तल धायेव खँवःया अर्थ हे
 पाइ । गथे — ‘सा’ व ‘साः’ । ‘सा’ धाल धायेव धाय् नइह्य प्यपां
 चूह्य दुरु न्हाये दइह्य मेय् पाय्धिकःह्य छह्य पशु । ‘साः’ धायेबले
 वामा, बछना, स्वांमा, तरकारीमा इत्यादि बांलाक बुइकेत तइगु
 वनस्पतीया नसा ?

थ्व दसुं छु सी दत धाःसा लिफुति हिलाबला यात धाःसा थ्वया
 अर्थ हे मखु—मखुथे विज्जइ ।

चीहाः ताहाः

(Short — Long)

चीहाकलं न्वंवाइगु न्ह्योनेपाखें कुइकाः तःगु व न्ह्योनेपाखें तुति सालाः तःगु आखःयात 'चीहाः' धाइ । संस्कृतं ध्वयाय ह्रस्व (Short) धाइ गथे कि, चि, जि, फि, चु, तु, पु, सु इत्यादि । ध्वया चि 'ि,ु' जुइ ।

ताहाकलं न्वंवाइगु ल्युंनेपाखें कुइकाः तःगु व ल्युंनेपाखें तुति सालाः तःगु आखःयात 'ताहाः' धाइ । ध्वयात संस्कृतं दीर्घ (Long) धाइ । गथे की, जी, झी, ती, थी, मी, तू, धू, मू इत्यादि । ध्वया चि 'ी,ू' जुइ ।

चीहाःया अर्थ चीहाकलं न्वंवायेगु, ताहाःया अर्थ ताहाकलं न्वंवायेगु । उकिं गन चीहाकलं न्वंवाइ अन चीहाः च्वइ । अले गन ताहाकलं न्वंवाइ अन ताहाः च्वइ । उकिं नेपालभाषाया भाय्लचं कथं गन चीहाः च्वयेगु, गन ताहाः च्वयेगु धयागु न्ह्यसल्य बाजाः (Masculine Gender) जुल धायेव चीहाः च्वयेगु, माजाः (Feminine Gender) जुल धायेव ताहाः च्वयेगु मखु । नेपाल-भाषाय् चीहाकलं न्वंवाइथाय् चीहाः च्वइ । ताहाकलं न्वंवाइथाय् ताहाः च्वइ । उकिं चीहा, च्वयेमाःथाय् ताहाः च्वये मज्यू । ताहाः च्वये माःथाय् चीहाः च्वये मज्यू । यथे योयोथे च्वल धासाः पाय्छि अर्थ पिहां वइ मखु ।

चिनाआखः

निगः वा निगलं अप्वः आखः छथाय् हे स्वानाः तःगु आखः-
यात चिना आखः धाइ । गथे - थौं कल्लय् द्यो तुइगु यक्व न्ह्यथ्याः ।
थ्व दमुइ द्यो धइगु खँग्वः द् + य् + ओ = द्यो जूगु खः । थथे हे
'यक्व' खँग्वलय् क् + व् + अ = क्व 'न्ह्यथ्याः' खँग्वलय्
न् + ह् + य् + अ = न्ह्या थ् + य् + आ + : = थ्याः ।

थथे बाआखः व बाआखः स्वानाः वया ल्युने हानं छगः माआखः
स्वानाः चिनाआखः दयेकी ।

थुकथं न्ह्यागु बाआखः नं न्ह्यागु बाआखः नाप स्वानाः
चिनाआखः दयेके ज्यू । तर थथे दयेकागु दक्व आखःत व्यवहारय्
छ्यलेम्बाः । बरू 'बागः माआखः' (Semi Vowel) या रूपय्
वयाः च्वंगु 'य' व 'व' लय् धाःसा आषाः हे बाआखः स्वानाः दयेकाः
तयेमाः । गथे - कय, खय, गय, घय; क्व, ख्व, ग्व, घ्व इत्यादि ।
थ्व आखःत नेपालभाषाय् आपालं छ्यलेगु याः ।

थ्वयात छखे तयाः मेगु ल्ल, ह्य, ल्ल, स्वंगः आखः दनि । थ्व
स्वयेबले चिना आखः थें च्वंसां थ्वयात छगः आखः हे ल्याःख्याइ ।
च्वय् न्ह्यथना थें थुके नं 'य' व 'व' स्वाना हानं मेगु चिनाआखः दयेके
ज्यू । थुके 'य' आखः चिनेबले थथे जुइ — ल्ल + य = न्ह्या ।
दमु—थया न्ह्यथुकाय् छहा दु । न्ह्याथाय् वंसां मुयात छु वास्ता ।

म्हयूवाः वःहा छय् ।

म्हय=म्ह्+य—जिगु छैय् न्यापाः म्हय दु । वया म्हयाय्
यां मदु ।

ल्हय=ल्ह्+य— वया म्हयाय् ल्हययाःवनै सल ।

आः हानं 'व' चिकाः स्वये—ल्ह=ल्ह+व ।

ल्ह=ल्ह+व । वयात नयाः तःगु हे ल्हक्क दाल । बांमलाःगु
लैय् मोतरं ल्ह्वाकाल्ह्वाकां संकेयो ।

म्ह=ह्+व । म्हनं वयाके न्यातका धेबा दु । थुके 'ल्ह'
छगः चिना आखः दयेके ज्युसां थवया अर्थ लूगु खँवः मदु ।

बाआख ब्वनेबले दकले ल्युने वइगु क्ष, त्र, ज स्वंगः आखः नं
चिना आखः खः । नेपालभाषाय् थ्व स्वंगलं गनं छयलेम्वाः । तर
तत्सम कथं छयलेबले जक थ्व आखः छयली । थ्व आखः थथे यानाः
चिनाः तःगु दु । क+ष=क्ष । त्+र=त्र । ज्+ञ=ज्ञ । थ्व
निगः — निगः आखः छथाय् स्वानाः छगः हे आखः च्वयेगु याःगुलि
चिना आखः थें खने मदुगु खः । थ्व चिना आखः जूगुलि खँवः
धुकुतिइ 'क्ष' यात 'क' या ल्युने, 'त्र' यात 'त' या ल्युने अले 'ज्ञ' यात
'ज' या ल्युने हे दुश्चाकाः तःगु खः ।

चिना आखः दयेकेबले देवनागरी आखलय् निगू कथं दयेकी ।
छगू, च्वय्त्नं क्वय् । मेगु खवं जवय् । च्वंक्वय्या दसु अद्दा, भट्ट,
शङ्ख इत्यादि । खवं जवय् स्वायेगु दसु— स्वां, फत्रः, थक्कर इत्यादि ।
थौकनय् आपाः धयार्थे आखः जवं खवय् स्वाकौगु चलन दु । नेवाः
आखलय् धाःसा फुक्कं च्वय्त्नं क्वय् स्वाकाः यनी । तर थौकनय्
कम्प्युटर आखः थाइबले थ्व च्वय्त्नं क्वाय् थाये मछिनाः खवं जवय्
हे चिना यनेगु यानाः हल । देवनागरी आखलय् आः नं बागः याये
मछिगु ड, छ, ट, ठ, ड, ढ, द, ह इत्यादि आखलय् धाःसा च्वय्त्नं
क्वय् हे चिकी ।

'र' आखः चिकेबले ल्हापलाक 'र' या उच्चारण जुल धाःसा
ल्युने च्वंगु आखःया च्वय् रेफ 'र' तइ । तर 'र' या उच्चारण ल्युने
लात धाःसा चिके माःगु आखःयां क्वय् (र), (र) यानाः चि तइ ।

माआखःग्वः हना

(Vowel Sequence)

उमलागु (ज्वःमलाःगु) निगः माआखः छथाय् हे हनाः तःगुयात 'माआखःग्वः हना' धाइ । थ्वयात 'स्वर क्रम' अथवा 'संयुक्त माआखः' नं धाः । अंग्रेजी भासं Vowel Sequences धाइः । गथे— 'वं बिउगु धउ पाउँसे च्वं ।' थ्व दसुइ 'बिउगु' धयागु व्+इ+उ+ग्+उ खः । धउ (धौ) धयागु ध्+अ+उ खः । अथे हे पाउँसे धयागु प्+आ+उ+^३+स्+ए खः ।

थ्व च्वय्या दसुइ 'बिउ' या थासय् इ+उ नापं वल, 'धउ' या थासय् अ+उ वल अले 'पाउँ' या थासय् आ+उ वल । थ्व हे इउ, अउ, आउ हे माआखःग्वः हना खः ।

थथे छगः माआखःया नापं मेगु माआखः हनाः वल धाःसा वयात हे माआखःग्वः हना धायेगु याइ । थथे धायेबले न्ह्यागु माआखः-नं न्ह्यागु माआखः नाप हनाः माआखःग्वः हना दयेके जी । तर थथे हनेवं दक्वं अर्थ लूगु माआखःग्वः हना जुइ मखु । उकिं अर्थ लुइकथं गुगु माआखः गुगु माआखः नाप स्वाये जी बिचाः यायेमाः ।

आः थन छुं दसु कयाः स्वये । अ नाप इ, उ स्वानाः, उ नाप इ स्वानाः इ नाप उ स्वानाः अथे हे आ नाप इ, उ स्वानाः माआखःग्वः हना दयेके ज्यू । अले थथे खने दइ — अइ, अउ, उइ, इउ, आइ,

आउ जुइ । थुके अइ व अउ यात छगः हे आखलं ऐ श्री धकाः न
 चवयेगु दु । तर उइ व इउ यात छगः आखलं चवयेगु माआखः महु ।
 बाआखः नाप तयाः चवयेबले 'व' व 'य' या ग्वाहालि कयाः छगः
 आखलं चवयेज्यू ।

आः श्रवयात छसिकथं छ्यलाः स्वये :-

अइ

कइ/कै - बया ख्वालय् स्यः कइ दु ।

खइ/खै - वं कथुइ खइ थाकाः खँह्लायेयो ।

फइ/फै - छं श्रव ज्या याये फइ मखु ।

- वया न्याह्य फै लहिनाः तःगु दु ।

अउ

कउ/कौ - कौतसे नँया ज्या याइ ।

गउ/गौ - वं बौया गौ काल ।

- वया तुति च्वंगु गौ तःगः ।

घउ/घौ - वं पुखुलि घौन्या लात ।

- जिला अन घौछि हे चवने मंमहु ।

उइ

कुँइ (क्वि) - तरकारि तायेत कुँइ माः ।

गुँइ (ग्वि) - वा गुँइ नं ववछुइवं वा लये त्यइ ।

दुँइ (द्वि) - नेपालय् दुँइ धयागु नं छता जात दु ।

इउ

खिउँ (ख्युं) - छोनिभाः बीवं खिउँसे चवनी ।

लिउँ (ल्युं) - अंगलय् लिउँ तयेवं बांलासे चवनी ।

हिउँ (ह्युं) - हिमालय धयागु हिउँ दुगु थाय् खः ।

माइ

ध्वाँइ - च्याम्पति ह्यितेत ध्वाँइ छगः माः ।

दाँइ - धेबायात मचातसेँ दाँइ धाइ ।

हाँइ - छं छुधया हाँइ, जिला मताल ।

आउ

चाउ - मचातसेँ चकलेटयात चाउ धाइ ।

पाउँ - जित हिँपाउँ तसकं यो ।

स्याउ - त्वगितसेँ स्याउ नये जिउ (ज्यू) ।

थ्वया बिस्कं एइ, ओइ, एउ, अय्, आय्यात नं 'माआखः ग्वः हना' धकाः ल्याः यानाः तःगु दु ।⁴

(४)	(क)	(ख)	(ग)
	अइ	अइ	अइ
	अउ	अउ	अउ
	आइ	आइ	आइ
	आउ	आउ	आउ
	उइ	(उइ)	(उइ)
	इउ		
	अय्		
	आय्		
		एइ	एइ
		एउ	एउ
		ओइ	

क) लबु-दँ १५, ल्याः ३०, ने. सं. १९९० जला-कौला-कछला, पौ ८ ।

ख) नेपालभाषा व भाषा विज्ञान - डा. तेजरत्न कंसाकार, पिकाक -देगः ह्याचा सफू, ने. सं. १९०२ बालाचःह्ने, पौ ७ ।

ग) The Newari language: A working outline-
Kamal P. Malla. 1985 पौ ३ ।

नां

(Noun)

मिखां खंके फुगु वस्तु, ह्लासं नँ तायेके फुगु बास्, में थुइके फुगु सवाः, ह्लाप्पनं तायेके फुगु सः, थियाः चायेके फुगु वस्तु व मनं जक खंके फुगु दक्व-दक्व ज्याखँयात नां (Noun) धकाः धाइ । थ्वयात 'नाम' अथवा 'संज्ञा' नं धायेगु याः । गथे — छेँ, बुँ, त्वहं, फय्, सः, लुँ, वह, सफू इत्यादि फुकं नां खः । थ्वयात मिखा, ह्लाप्, मे, ह्लाप्पं, ह्यं थियाः सीके फु । अथे जुयाः थ्व फुकं नां (Noun) जुल ।

नांया ता (Kinds of Noun) नां फुकक यानाः न्याताजि दु —

१) जाति थुइका नां Common Noun

२) व्यक्ति थुइका नां Proper Noun

३) पुचः थुइका नां Collective Noun

४) द्रव्य थुइका नां Material Noun

५) भाव थुइका नां Abstract Noun

१) जाति थुइका नां — छुँ छगू नां कायेबले व जातयागु फुकक वस्तु नं घयेपुनाः व जातयागु धकाः थुइकल धाःसा व नां (Noun) यात जाति थुइका नां (Common Noun) धाइ । गथे — सा, मेय्, छेँ, सफू, भ्वं, च्वसा, लं, लासा इत्यादि फुकं जाति थुइका नां खः ।

छाय्धाःसा थुके थुगु हे जक, उगु हे जक धकाः मक्यसे व जातयागु न्ह्यागु धकाः क्यन । हानं मेगु दसु काये — 'सा सोझाह पँसु खः ।' थथे धायेबले थुहा हे सा सोझा, उहा हे सा सोझा धकाः मधासे संसारय् दुम्ह न्ह्याह्म सा नं सोझा धाःगु खः । उकिं थन सा धायेवं सा जातया दक्वं घय्पुनाः धाःगु खः । उकिं च्वय् न्ह्यथंगु दक्वं नां 'जाति थुइका नां' जुल ।

२) व्यक्ति थुइका नां— छुं छता नां कायेबले गुगु नां कयागु खः व हे छता जक जुल धाःसा वयात 'व्यक्ति थुइका नां' (Proper Noun) धकाः धाइ । छुं छगू दसु काये 'सगरमाथा पहाड' धायेबले व हे छगू जक पहाड खः गुगु संसारय् दकले तःजाःगु, नेपालय् जक दुगु पहाड खः । उकिं थ्व 'व्यक्ति थुइका नां' जुल । अथे हे 'बुद्ध भगवान' । थन 'बुद्ध' नांयापि मनूत यक्व दइ । तर संसारय् बुद्ध भगवान धयाह्म व हे छहा जक दु गुहा जुजु शुद्धोधनया काय्, लिपा छेँ त्वःता पिहां विज्यानाः बौद्ध धर्मया प्रवर्तक जुयाः विज्यात । उकिं बुद्ध भगवान धायेबले 'व्यक्ति थुइका नां' जुल । थथे हे सूर्य, चन्द्रमा, अन्नपूर्ण, पहाड, नेपाल देश, जापान, बागमति खुसि इत्यादि फुक्कं 'व्यक्ति थुइका नां' जुल ।

३) पुचः थुइका नां — छुं छताजिया वस्तु छथाय् हे लानाः छगू पुचः थुइकल धाःसा उकेयात 'पुचः थुइका नां' (Collective Noun) धाइ । गथे फँया बथां, मनूया हुल, जाकिया द्वँ इत्यादि पुचः जुइमाः । अले जक पुचः थुइका नां जुइ । उकिं यदि पुचः थुइका नामय् च्वंगु वस्तु स्थंकल धाःसा जाति थुइका नां जुइ ।

पुचः थुइका नांया थःगु हे कथंया विशेषता दु । गथे— मनू-मनू मिले जुइवं पुचः जुइ । थ्व 'पुचः' हे पुचः थुइका नां खः । हानं 'थ्वः' नं पुचः थुइका नां खः । गथे, 'च्वभाः देके वनेत थ्वः थ्वः

मनूत मुनाः वल । 'थुकथं ध्वः' व 'पुचः' निगुलि पुचः थुइका नां जुल । थुलिजक मखु मेमेगु नं दु । व थथे खः -

क) मनूया पुचः थुइका नां - खलः, गुथि, इवः, ध्वः, पट्टन, पासा, पुचः, फुकी, बथां । अले छःतय् जूसा 'ग' ।

ख) निगू अथवा निता वस्तु छथाय् तयाः जुइगु पुचः थुइका नां - जु (लं, लाकां), ज्वः (सा, बखुं निहाया ल्याः), पा (च्याम्पतिया पा), ज्वलं (पुजा) ।

ग) चीपुचा ताहाकःगु वस्तु गथे कि-सु, व्छालि, घाँय्, सँ, कथि इत्यादिया पुचः लूगु वस्तु छथाय् तयाः जुइगु पुचः थुइका नां - कले, थु, देगः, पुइं, प्वाँय्, प्वाः, म्हू, ल्वाँय्, घय्पु इत्यादि ।

घ) चिचीकूचागु वस्तु छगू थासय् लानाः पुचः थुइका नां जुइगु — द्वँ, पुचः, प्वः ।

ङ) ल्हाःतं कयाः पुचः थुइका नां — कय्का, कुचु, पासः, भ्वाः, म्हू, यो इत्यादि ।

च) छथाय् प्यय्पुना पुचः थुइका नां जुइगु — धी (lump of soil), पाँय् (lump of cooked rice) ।

छ) पाःचा - पाःचागु वस्तु छथाय् लानाः पुचः थुइका नां जुइगु — थ्यः (निता चतांमरिया द्याँ), द्याँ, पँ ।

ज) वनस्पति वस्तुतय्के खने दुगु पुचः थुइका नां — गुँइ (वायागु गुँइ), ज्वाय् (दाखया ज्वाय्), ध्वाय् (वाया ध्वाय्), फं (केराया फं), बका (सिमाया कचा) ।

४) द्रव्य थुइका नां — प्रकृतिइ दइगु वस्तुयान 'द्रव्य थुइका नां' (Material Noun) धकाः धाइ । थ्य स्वयेबले जाति थुइका

नां थें चवनी । तर थवया थःगु हे कथया विशेषता दु । लुँ, वह, सिजः, नँ, चा, सिँ, चिकं, लः, त्वहँ इत्यादि द्रव्य थुइका नां खः । थवयात लनाः (by weighing) व दनाः (by measureing) जक ल्याः ख्याये फड । द्रव्य थुइका नां धयागु छु धकाः सीकेत वव्य बिया कथं विचाः यायेमाः ।

क) द्रव्य थुइका नां ल्याःख्यायेवले १, २, ३, ४ यांनाः ल्याःख्यायेगु मयासे तात्जुइ तया लनाः अथवा थल्य तयाः दानाः जक ल्याःख्याये जी । लुँ, वह, सिजः, नँ, चा, सिँ, चिकं, लः, त्वहँ इत्यादि फुकक लनाः व दानाः जक ल्याःख्याइ ।

ख) थवया निगूगु विशेषता खः कुचा कुचा यायेगु । द्रव्य थुइका वस्तुयात न्ह्याक्व कुचा-कुचा याःसां नां छुँ पाइ मखु । लुँयात न्ह्याक्व कुचा-कुचा याःसां लुँया लुँ हे धाइ । तर लुँयागु चाःचायात कुचा-कुचा यायेवं चाःचा धाइ मखु । अथे हे मेगु दसु मनू । छकलं धायेवले जक मनू । कुचा यायेवं छ्यं, ह्य, ह्लाः, तुति जुइ । उकिं मनू द्रव्य थुइका नां मखुत ।

ग) स्वंगूगु विशेषता खः छुँ न्हूगु वस्तु दयेके जी थव छगू कच्चा पदार्थ जुइ । उकिं थवया पाखें हरेक वस्तु दयेके जी । गथे लुँ, वह पाखें न्हून्हूगु तिसा दयेके ज्यू, नँ पाखें ज्याभः, लः पाखें बरफ, सिँ पाखें इयाः लुखा इत्यादि दयेके ज्यू । थुजःगु विशेषता दुगु वस्तुयात द्रव्य थुइका नां धकाः धाइ ।

५) भाव थुइका नां - सुं मनू अथवा प्राणी अले छुँ वस्तुयागु गुण, अवस्था, ज्या वयन धाःसा उकेयात भाव थुइका नां (Abstract Noun) धकाः धाइ । थवयात मेकथं धायेवले थव नां चव्य कनागु मेमेगु नां थें मिखां खंके फडगु मखु । मनं जक खकेगु नां खः । अथवा

सुयागु व्यवहार, चहैपह, ज्याख जक सीके माःगु नां खः । थ्व नांया स्वता खँ दु । व थये खः—

गुण—सुख, दुःख, तं, ग्यां (ज्ञान), विद्या, धैर्य (मन थातं तयेगु पह ।)

ज्या—नपाः (नकेगु ज्या), कापाः (कायेगु ज्या), सुपा (सुकेगु ज्या) जिपा (गंकेगु ज्या) ।

अवस्था—मचामू, ल्याय्हानू, ल्यासेमू, बुरासू इत्यादि ।

मंकाःनां

(Pronoun)

नांया पलेसा छ्यलीगु खँग्वःयात 'मंकाःनां' (Pronoun) धाइ । थ्वयात संस्कृतं 'सर्वनाम' धाइ । गथे, 'रामया दाजु छह्य दु, रामया किजा छह्य दु । रामया केहेँ छह्य दु ।' थ्वयात मेकथं धायेबले 'रामया दाजु छह्य दु । वया किजा छह्य दु । वया केहेँ छह्य दु ।' थुकथं 'राम' नां (Noun) या पलेसा 'वना' धयागु खँग्वः वल । छकः पति 'राम, राम' धकाः, लिसा कयाः च्वने बांमलाः । 'राम' अथवा नां छकःपति लिसा काये म्वायेक नांया पलेसा गुगु खँग्वः वइ उकेयात मंकाःनां (Pronoun) धाइ । नेपालभाषाय् थयागु मंकाःनां खँग्वः यक्व दु । गथे—गनं, गुलि, गुगुं, छ, छलपोल, छि, छु, छुं, जि, झी, थः, थःगु, थःह्य, थ्व, थुह्य, थुगु, थ्वय्क, थ्वसपोल, थ्वःह्य, व, उह्य, उगु, उलि, उगुं, उजुं, उम्हं, उलि, वय्कः, वसपोल, सुं, हुं इत्यादि ।

मंकाःनांया ता

मंकाःनां खुताजि दु, व थथे खः—

- १) ह्य थुइका मंकाःनां Personal Pronoun.
- २) स्वापू थुइका मंकाःनां Relative Pronoun.
- ३) ववःज्यू मंकाःनां Demonstrative Pronoun.
- ४) ववःमज्यू मंकाःनां Indefinite Pronoun.

५) न्ह्यसः थुइका मंकाःनां Interrogative Pronoun.

६) थः थुइका मंकाःनां Reflective Pronoun

१) म्ह थुइका मंकाःनां - खँ ल्हायेत स्वता माः । छता खँ ल्हाइह्य, निता खँ फइह्य, स्वता सुयागु विषयल्य् अथवा छुयागु विषयल्य् खँ ल्हानागु खः 'व' थुकथं खँ ल्हाइह्य, खँ फइह्य, सुयागु खः 'व' । थ्व स्वतायात 'ह्य' (Person) अथवा 'पुरुष' धाइ । थुकथं ह्य थुइकीगु मंकाःनांयात 'ह्य थुइका मंकाःनां' (Personal Pronoun) धकाः धाइ । थ्वयात संस्कृतं पुरुष वाचक सर्वनाम धाइ ।

क) च्वय् न्ह्यथना थें सुनां खँ ल्हाना च्वन अथवा च्वंवाना च्वन वयात ल्हापम्ह (First Person) धाइ । जि, जिपि, जिमि, झी, झिपि इत्यादि फुक्कं 'ल्हापम्ह मंकाःनां' (First Person Pronoun) खः । थ्वयात संस्कृतं 'उत्तम पुरुष सर्वनाम' धाइ ।

ख) सुनां खं न्यना च्वन अथवा खँ फया च्वन वयात 'लिपाम्ह' (Second Person) धाइ । थ्वयात संस्कृतं मध्यम पुरुष धाइ । थ्व धयागु छ, छिपि, छि, छिपि, छलपोल, छलपोलपि, छिस्कर इत्यादि । थ्व खँवःत सजीव्य् जक छली । तर कवि व मेपि असाधारण मनूतक्षें निर्जीव वस्तुयात नं सजीव खंकाः अथवा त्वहंया मूर्तियात नं सजीव खंकल धाःसा अन नं थ्व 'लिपाम्ह मंकाःनां' (Second Person Pronoun) छ्यली ।

ग) सुयागु विषयल्य् खँ ल्हाइ वयात 'मेम्ह' (Third Person) धाइ । थ्वयात संस्कृतं प्रथम पुरुष धाइ । थ्व धयागु व, इपि, वय्क, वसपोल इत्यादि । थ्व सजीव निर्जीव निथासं छ्यली 'वय्क', इपि, वसपोल थ्व स्वतां सजीव्य् छ्यली । अले 'व' छता सजीव व निर्जीव निथासं छ्यली । 'व मिसा जित मयो' थन व 'सजवी थुइका मंकाःनां' (Animate Pronoun) जुल । तर 'व

क्वःजिक स्वां जित मयो' धायेबले 'व' 'निर्जीव थुइका मंकाःनां'
(Inanimate Pronoun) जुल ।

घ) हना थुइका मंकाःनां (Honorific Pronoun)
— थ्वया खास् थःगु हे कथंया मू मदु । ज्वय् वने धुकूगु 'लिपाम्ह'
(Second Person) व 'मेम्ह' (Third Person) य् छ्यलाः
तःगु खँग्वःया लिधंसाय् जक व्वथला तःगु खः । थथे धायेबले छि,
छलपोल, छिस्कर, वय्क, वसपोल, थ्वय्क, थ्वसपोल इत्यादि 'हनाः
मंकाःनां' (Honorific Pronoun) खः । छाय्धाःसा थुके
सुयातं हनेगु याइ अथवा बचं तयाः खँल्लाइ ।

२) स्वापू थुइका मंकाःनां— छगू खँपुया मेगु खँपुनाप स्वापू
दु धकाः क्यनेत गुगु मंकाःनां वइ वयात 'स्वापू थुइका मंकाःनां'
(Relative Pronoun) धाइ । थ्वय्मत संस्कृतं सम्बन्ध वाचक
सर्वनाम धाइ । गथे, गुम्ह मनुखँ छेँ दनेगु ज्या याइ वयात दकःमि
धाइ । गुम्ह मचा स्कूलय् वनी वयात विद्यार्थी धाइ ।' थ्व निगू खँपुइ
'गुम्ह' धयागु खँग्वःलं त्युने च्वंगु खँपु अथवा 'वयात दकःमि धाइ' व
'वयात विद्यार्थी धाइ' नाप स्वापू तयाः क्यन । उकि थ्व 'गुम्ह' 'स्वापू
थुइका मंकाःनां' जुल । थ्व स्वापू थुइका मंकाःनां निगू खँपुया न्हयने
नं वः दथुइ नं वः । गथे, 'जित धायेकूम्ह मिसा वहे खः गुम्हसित जि
मयो धयाः व्वया ।' थुके निगू खँपुया दथुइ वल ।

नेपालभाषाय् थुज्वःगु खँग्वः निगू दु - गुम्ह व गुगु । सजीव
धकाः ध्वाथुइकाः क्यनेमाल धाःसा 'गुम्ह' वइ । निर्जीव धकाः क्यने-
माल धाःसा 'गुगु' वइ । गथे, गुगु लँपु जि नालाः वना वला जितः
इवाकलय् जकं थुनीगु जुयाः च्वन । थन 'गुगु' खँग्वःलं लँपुयात अथवा
निर्जीव वस्तुयात ध्वाथुइकल ।

६) क्वःज्यू मंकाःनां— गुगु मंकाःनामं थुगु उगु धकाः क्वःजिक

तयाजिक खँ कनी उकेयात वदःज्यू मंकाःनां' (Demonstrative Pronoun) धकाः धाइ । 'थ्व', 'व', 'हु' स्वंगू वदःज्यू मंकाःनां खः । थ्व जिगु सफू खः । थ्व छंगु च्वसा खः । थन 'थ्व' खँग्वलं छुं वस्तु अथवा सफू, च्वसा थ्वयागु हे धकाः वदःजिक वनं । उकिं थ्व वदःज्यू मंकाःनां जुलू । थ्व खँग्वः खँपुया दकले न्हयने वइ । अले वयां ल्युने न्हयागुसां छगू 'म्ह' (Person) वइ । थथे धयागु मतलव ह्यापम्ह (First Person), लिपाम्ह (Second Person), मेम्ह (Third Person) न्हयागु नं जुइफु । अले तिनि छु वस्तु कयने त्यनागु खः उगु वइ ।

'व' व 'हु' या नियम फुक्क थ्व' या थें हे खः । पाःगु खँ थुलि हे खः कि 'थ्व' धयागुलि लिक्क च्वंगुयात कयनी, 'व' धयागुलि तापाक्क च्वंगुयात कयनी । अले 'हु' धयागुलि वसिकनं तापाक्क च्वंगुयात कयनी । 'व जिगु सफू खः । हुं छंगु सफू खः । व रामयागु छें खः । हुंकन गुँइ धुँ दु ।

४) वदःमज्यू मंकाःनां— गुगु मंकाःनां थुगु उगु धकाः वदःजिक खँ कनी मखु उकेयात 'वदःमज्यू मंकाःनां' (Indefinite Pronoun) धकाः धाइ । मथे, त्वायेसा त्वाये जि सु खनाः नं मग्याः । छुं जुयाः रिता मय्गु जाँचय् फेल जूसा ह्लूपुखुली कयन्वाना सी हं । सुनां नं छुं मधाःसां व मनू अथे हे तं चायाः जुल । छुके नं थ्यूगु होस मदु धाः जुयाः हि वल । जि यथे सनाः जुल धकाः सुयातं कपाः स्याये म्वाः । यम्ह यथे सनाः जु जित छु मतलव । यगु यानाः हेय्कि रीतां वया भाःत यो हे मयो हं । यम्हसें यगु या थ्व देय्या मया सुयात नं मदु ।

चवय्या दसुइ दुथ्याका तःगु छसिकथं सु, छुं, सुनां, छुकै, सुयातं, यम्ह, यगु, खँग्वःतसें यम्हसें थुम्ह हे मनू, थुगु हे वस्तु धकाः

मधाः । अथे जुयाः थुकेयात वःमज्यु मंकाःनां' (Indefinite Pro - noun) धकाः धाःगु खः ।

५) न्ह्यसः थुइका मंकाःनां- गुगु न्ह्यसः खँग्वः मंकाःनांया रूप्य् छ्यले हइ वयात न्ह्यसः थुइका मंकाःनां (Interrogative Pronoun) धकाः धाइ । गथे, कुने सु वल ? छु याः वल ? छु भव्य ? छु चाकु ?

चव्य बिचाः तःगु दसुइ 'सु', 'छु' न्ह्यसः थुइकाः मंकाःनां खः । 'सु' धयागु सजीव्य् छ्यली, 'छु' धयागु निर्जीव्य् छ्यली । थन थाय् लाक्क छता छु खँ बिचाः यायेमाः धाःसा 'सु', 'छु' या ल्युनेसं यासु (Verb) वयेमाः । अले जक न्ह्यसः थुइकाः मंकाःनां जुइ । सु, छुया ल्युनेसं यासु मवसे 'नां' (Noun) वल धाःसा 'व्वाय्सु' (Adjective) जुइ ।

६) थः थुइका मंकाःनां- थः धकाः थुइकीगु मंकाःनांयात 'थः थुइका मंकाःनां' (Reflective Pronoun) धकाः धाइ । थः थःम्हं, थःगुः, थःत, थःपाखें इत्यादि फुक्क थः थुइका मंकाःनां खः ।

थ्व मंकाःनां न्ह्यागु म्ह (Person) य् नं छ्यली । गथे, जि थः हे वना । व थ हे वन ।

थ्व 'थः' हरेक वचनय् नं छ्यो । तर वचं अनुसार पाइ । 'थः' छव्वं, थःपिं तःवचं । गथे, जि थः हे वन, जिपिं थःपिं हे वन । छ थः हे स्यन, छिपिं थःपिं हे स्यन । व थः हे स्यनी । इपिं थःपिं हे स्यनी तिनी ।

'थः' खँग्वलय् नं कारकया विभक्ति चि चवनी । थुके विभक्ति चि चवनीबले न्ह्यने चवंगु नां अथवा मंकाःनांमय् छु विभक्तिया चि चवनी व हे विभक्तिया चि नं थ्व 'थः' लय् चवनी ।

थ्व 'थः' खँग्वः छु नां अथवा मंकाःनांया न्ह्यने ल्युने न्ह्याथाय् नं चवनाः वयेफु गथे, थःगु ज्या सुनां याइ ? थःगु खँ जक ल्लानाः मज्यु इत्यादि ।

व्वाय्सु

(Adjective)

नां (नाम), व भंकाःनां (सर्वनाम) या छुं गुण,
दोष, अवस्था, ल्याः इत्यादि छुं खँ तनाःबीगु खँवःयात व्वाय्सु
(विशेषण) धकाः धाइ । दसु-व भिम्ह मनू खः । थुके व मनू गथे च्वं
धकाः धायेवले 'भिम्ह' धकाः कन । अथे जुयाः 'भिम्ह' यात व्वाय्सु
धकाः धाइ । अथे हे व मनू बांलाक वन । थन व मनू गथे वन धाःसा
'बांलाक' वन । उकिं 'बांलाक' खँवलं वनेगु ज्यायात छुं खँ तनां विल
उकिं थवयात नं व्वाय्सु धाइ । चवय्या निगू दसुलिइ 'भिम्ह' धइगुलि
मनू (नाम) या बारे छुं खँ तयेगु यात । लिगायागु दसुइ 'वन' (यासु)
या बारे छुं खँ तयेगु यात । उकिं व्वाय्सु निधिकं दइगु जुल । छगू
नांयां बारे छुं खँ तनेगु मेगु यासुया बारे छुं खँ तनेगु । नांयां बारे छुं
खँ तनीगु खँवःयात 'व्वाय्सु' (नाम विशेषण) धाइ । अले यासुया
बारे छुं खँ तनीगु खँवःयात 'व्वाय्यासु' (क्रिया विशेषण) धाइ ।

(चवय्यात व्वाय्सुयात संस्कृतं नाम विशेषण धाःसां व्यवहार्य
विशेषण जक धाइ ।)

भाय्लचनय् व्वाय्सु प्यतानि दु ।

१) गुण थुइका व्वाय्सु (Qualitative Adjective)

२) न्हयसः थुइका व्वाय्सु (Interrogative Adjective)

३) मं ताःतां थुइका व्वाय्सु (Pronominal Adjective)

४) ल्याः थुइका व्वाय्सु (Numeral Adjective)

क) गुण थुइका व्वाय्सु—सुयागु व छु वस्तुयागु गुण, दोष, रूप, रंग, रस इत्यादि थुइकीगु व्वाय्सुयात गुण थुइका व्वाय्सु (Qualitative Adjective) धाइ ।

गुण दोष थुइकीगु व्वाय्सु—मि, ममि; खः, मखु; त्वः, मत्वः, सकलि, नकलि ।

रूप थुइकीगु व्वाय्सु—छ्याकः, पिचु, ल्ह्वं, गंसि, कां, ख्वाय्, ख्रिसि, चाकुलाः, प्यकुलाः, स्वकुलाः, च्वामु, थुथ्या, तप्यं, वेक्त्रः, चिद्व्या, तद्व्या, दुने, पिने, च्वय्, ववय्, न्ह्यंने, ल्युने, जव, खव ।

रंग थुइकीगु व्वाय्सु—ह्यउँ, वाउँ, वँचु, ह्य सु, सियू, तुयू, हाकु ।

रस थुइकीगु व्वाय्सु—चाकु, माकु, फाकु, खायू, पाउँ, पालु ।

यासुं दयेकाः तःगु व्वाय्सु—नये-नइह्य, नयेगु; त्वने-त्वनीह्य, त्वनेगु ।

थाय्या नामं दयेकाः तःगु व्वाय्सु—किपू-किपूमि; येँ-येँमि; बुँग-बुँगमि । थुजःगु व्वाय्सुयात गुण थुइका व्वाय्सु धाइ ।

ख) न्ह्यसः थुइका व्वाय्सु—गुगु खँग्वलं न्यनेगु ज्यायाइ उकेयात न्ह्यसः थुइका खँग्वः धाइ । छु, गुह्य, गुगु, गन, सु इत्यादि खँग्वः न्ह्यसः थुइका खँग्वः खः । थुजःगु न्ह्यसः थुइका खँग्वलं व्वाय्सुया ज्या यात धाःसा उकेयात न्ह्यसः थुइका व्वाय्सु धाइ । थुजःगु खँग्वलं नांया न्ह्यंने च्वना नांया बिषदलय् छुं खँ धायेगु याइ । दसु, छु खँ ह्लानागु छं ? गुह्य ज्यामियात ज्या या धयागु ? गुगु सफू यो ? च्वय्या दसुइ छसिकथं खँपुया न्ह्यंने 'छु',

ज्यामिया न्हयने 'गुहा', सफूया न्हयने 'गुगु' धकाः छुँ खँ न्यनेगु यात । उकि थ्वयात न्हयसः थुइका ब्वाय्सु (Interrogative Adjective) धाइ ।

ग) मंकाःनां थुइका ब्वाय्सु—नांया पलेसा च्वं वइगु खँग्वःयात मंकाःनां (Pronoun) धाइ । छ, जि, व, हूँ, झी, थः, थ्व इत्यादि यात मंकाःनां खः । थुजःगु मंकाःनां खँग्वलं छुँ नामया न्हयने च्वना ब्वाय्सुया ज्या यात धाःसा उकेयात मंकाःनां थुइका ब्वाय्सु (Pronominal Adjective) धाइ । गथे, छ मनू मिह्य मखु । जि मनू खःसां छुँ हे यायेमफु । व खिवा हाकुसे च्वं । झी मनूत खया नं देसया निंति छुँ हे ज्या यायेमफु । थःगु खँ जक ल्लानाः नं मज्यू । थ्व जिगु खः । च्वय्या दसुइ छ, जि, व, झी, थःगु, थ्व इत्यादि फुक्क मंकाःनां खँग्वलं नांया बारे छुँ खँ धायेगु यात । अथे जुयाः थ्वयात मंकाःनां थुइका ब्वाय्सु धाःगु खः ।

परिमाण थुइका ब्वाय्सु

छुँ नं वस्तुयात लनाः, दानाः सीकेगु ज्यायात परिमाण (Quantity) धकाः धाइ । थथे यानाः सीकेगु ज्या स्वथिकं दु । छता थलभलं दानाः, थथे धयागु मतलब मना, फाँ व विभिन्न थलं बाचकं, चकछि, बामना, कूछि, त्योछि, फाँ, मुरि धयागु नामं विभिन्न अन्न व अन्न थें नचुगु वस्तु दानाः कालबिल यायेगु याइ । मेगु नं दानाः हे ल्याः ख्यायेगु खः थ्व थलभलं मजुसे फूटं, ल्लानां दानाः हाकःया ल्याः काइ । थथे ल्याः काइबल्य् लंगू (छलंगू, निलंगू धकाः पति नं दाइगु), च्वलाक्वलाछि (च्वला पति नं थियाः क्वलाछि), क्वलाछि, म्हुकुछि (म्हूल्याना कुछि), कुछि, ह्यधुछि व फूटं एक फूट, दुइफूट यानाः दानाः ल्याः काइ । थथे यानाः कापः भ्वं, सिँ, दण्दि इत्यादि ल्याः ख्याइ ।

स्वंगूगु, तालाजुइ लनाः ल्याः काइ । थथे तालाजुइ अथवा
अमलिइ तयाः ल्याः काइवल्य लाल, तोला (तला), अय्ताछि, बाल,
पल, धानि इत्यादि मानाः ल्याःख्याइ । थुजोगुलि लुँ, वह, कय्, नँ,
पय्, का, ला, विभिन्न थलभल लना कायेगु याइ ।

दानाः कायेगु माध्यम मना, फँ जक खःसां थ्व थल मदयेक नं
मेमेगुलि दानाः कायेगु याः । दालं भाय् ल्लाकाः, भेगतं भाय् ल्लाकाः
इत्यादि थलभलं भाय् ल्लाकाः नं कायेगु याः । थ्व बाहेक नं ल्लाःतं जक
दानाः ल्याःख्यायेगु याः । ल्लाःतं जक ल्याः ख्याइबले दकले चीधंगु ल्याः
'कुचु' खः । थ्व सिकं तधंगु ल्याः छसिकथं म्हु को, कय्का, पासः खः ।
थुकथं नं ल्याः ख्यायेगु चलन दु ।

थुजोगु धाँचां ल्याः थुइकीगु व्वाय्मुयात परिमाण थुइकाः
व्वाय्सु (Quantitative Adjective) धाइ ।

थ्वयात नं निथिकं व्वथले ज्यू । छगू, क्वःजिक सीदुगु—थथे
धयागु मतलव छमुरि वा, निमुरि वा, छतला लुँ, नितला लुँ, कुछि
कापः, निकु कापः । थथे धायेबले क्वःजिक हे थुलि दु, उलि दु धकाः
सी दत ।

मेगु, क्वःजिक सीमदुगु—थथे धयागु मतलव क्वःजिक थुलि दु,
उलि दु धकाः सी दइमखु । च्वय्या दसुयात ध्वाथुइका स्वये, 'छमुरि
वा' या पलेसा 'यक्व वा' अथवा 'निगःचा वा' अथे हे 'छतला लुँ' या
पलेसा 'छकूचा लुँ' अथवा 'भतीचा लुँ' हानं 'कुछि कापः' या पलेसा
'फुक्क कापः' अथवा 'आपाः कापः' । थथे धायेबले थ्व क्वःजिक
सीमदुगु ल्याः जुल ।

संख्या थुइका व्वाय्सु

थुलि उलि धकाः ल्याः थुइकीगु खँवःयात संख्या थुइका खँवः

धाइ । थुजःगु खँग्वलं व्याय्सुया ज्यायात धाःसा उकेयात 'संख्या थुइका
व्याय्सु, (Numeral Adjective) धकाः धाइ । गथे, छह्य मनू
वल; वयात निथी ला भाग लाल । थन मनूया न्ह्यंने 'छह्य', अले ला
भागया न्ह्यंने 'निथी' दु । थन मनू व ला भागया बारे थुलि उलि धकाः
छुं ल्याःया खँ कन । उकिं थ्वयात संख्या थुइका व्याय्सु धाःगु खः ।

संख्या थुइका व्याय्सु न्याता दु ।

१) क्वःज्यू ल्याः थुइका व्याय्सु

२) क्वःमज्यू ल्याः थुइका व्याय्सु

३) क्व थुइका व्याय्सु

४) दुगंछि थुइका व्याय्सु

५) छसिकथं थुइका व्याय्सु

१) क्वःज्यू ल्याः थुइका व्याय्सु—क्वजिक ल्याः अथवा संख्या थुइ
कथं ल्याः ख्यायेगुयात 'क्वःज्यू ल्याः थुइका व्याय्सु' धकाः धाइ । थथे
धयागु मतलव १, २, ३, ४, ५, ६ निसिं च्वय् न्ह्याक्वया. ल्याः
खः । थ्वयात नेवाः भासं ल्याः खाइबले छि, नछि, स्व,
पि, न्या, खु, ह्य, स, च्या, गु, सांह्य संछि संनछि इत्यादि
जुइ । तर व्यवहार्य छुं ल्याः ख्यायेबले थथे छि, नछि, स्व धकाः
ल्याःख्याइ मखु । छ, नि, स्व, प्य, न्या, खु, ह्य, च्या, गु, झि,
झि इत्यादि याना ल्याः ख्याइ । थ्व ल्याः ख्यायेगु धाँचा वस्तु व वस्तुया
विषेयता स्वयाः पाइ । छगू दसु काये 'मनू' । यदि मनू ल्याःख्यायेगु
खःसा छह्य, निह्य, स्वह्य, प्यह्य यानाः ल्याः ख्याइ छकः पति ल्युंने ह्य
वइ । तर स्वां जूसा छपवः, निपवः, स्वपवः, प्यपवः यानाः छकः पति
ल्युंने पवः वइ । थुकथं मनू जूसा ह्य; स्वां जूसा पवः यानाः ल्याः
ख्याइ ।

नेपालभाषाय् थथे ल्याः ख्यायेगु धाँचा यक्व दु । उके मू-मू
कथं थथे खने दु ।

पु—चीपु वा ताहाकगु वस्तु ल्याः ख्यायेबले 'पु' यानाः ल्याः ख्याइ । गथे सु छपु, व्छालि छपु, सँ छपु, कथि छपु, इताः छपु इत्यादि । तर थुके मध्ये येक्वमात समूह वाचक कथं नां कायेबले पु मजूसे पुँइ, प्वाँय्, त्वाँय्, थु, म्हू, प्वाः, कले, देगाः इत्यादि यानाः ल्याः ख्याइ ।

गोलागु वस्तुयात ल्याः ख्याइबले गः, गुलि, ग्वारा, चाः यानाः ल्याः ख्याइ । गथे चागः छगः, हजमगुलि छगुलि, चा छग्वारा, वासः छचाः ।

चीफिवा जुयाः चकंगु वस्तु ल्याः ख्यायेबले 'पाः' यानाः ल्याः ख्याइ । भ्वं, सुखू, हासा इत्यादियात 'पाः' यानाः धाइ । भ्वं छपाः, हासा छपाः, बोरा छपाः इत्यादि । थ्वयात समूह वाचकय् यनेबले छाँ, पँ, फि, बः, लः इत्यादि यानाः ल्याः ख्याइ ।

तःजाः चीजाः ल्याः काये माल धायेव झा, धु, जाः यानाः काइ । छझा- निझा, छधु- निधु, छतजाः- नितजाः ।

प्राणी वाचकयात ल्याः ख्यायेबले 'ह्वा' यानाः ल्याः ख्याइ । छह्वा, निह्वा, स्वह्वा इत्यादि । थ्वयात समूह वाचक यानाः ल्याः ख्यायेबले थः, खलःइवः, पुचः, बथां, गं यानाः ल्याः ख्याइ ।

वनस्पतियात ल्याः ख्यायेबले 'ह्मा' अथवा 'मा' यानाः ल्याः ख्याइ । गथे- गुलाफ स्वां छमा ।

यासु पाखें नं ल्याः ख्याये ज्याँछिक खँग्वः दयेका तःगु दु । गथे—दाये यासु पाखें दा, तुये यासु पाखें तु, स्वाये यासु पाखें स्वा । अले थ्वयात ल्याः ख्यायेबले छदा, निदा, स्वदा; छतु, नितु, स्वतु छस्वां जुल इत्यादि ।

लः, चिकं, वासः थुजोगु व्छालुगु वस्तु ल्याः ख्यायेबले तकि, पति, फुति, घुतु यानाः ल्याः ख्याइ ।

यथे साधारण त्याः ख्यायेगु धाँचा यक्व दु । यथेहे विशेषकथं ।
विशेष थासय् जक छ्यलीगु नं यक्व दु । थन क्वय् थुजोगु त्याः दु ।

काय्—पालु छगू गथःयात काय् धकाः त्याः ख्याइ । गथे—
पालु छकाय् ।

व्व—भ्वय् तयाः तःगु भागयात व्व यानाः त्याः ख्याइ ।
भ्वय् छव्व; निव्व ।

जु—लं, लाकां इत्यादि निता दुगुयात जु याना; त्याः ख्याइ ।
लाकां छजु, लं छजु ।

फं—छगू कचाय् पेपुना च्वंगु केरायात फं यानाः त्याः ख्याइ ।
बेय्—नयेत मसला तयाः प्वःचिनाः तःगु ग्वाःयात बेय् यानाः
त्याः ख्याइ ।

ज्वलं—पुजा तःगुयात ज्वलं याना त्याः ख्याइ ।
पवः—ताः, स्वां व स्वां थें ह्वइगु वस्तुयात पवः यानाः त्याः
ख्याइ । गथे—लवं छपवः, स्वां छपवः ।

का—दुइत दयेका तःगु सिँयात 'का' यानाः त्याः ख्याइ ।
ग्वं—सिँयागु छगू त्याःयात ग्वं यानाः त्याः ख्याइ ।
थ्वः—तकुमचा (दण्डी वियो) ह्मिटेबले दायेगु पटकयात
'थ्वः' यानाः त्याः ख्याइ । छथ्वः, निथ्वः, स्वथ्वः ।

ति—तूयात मनाय् तयाः दायेगुयात 'ति' यानाः त्याः ख्याइ ।
गथे—तू छति, निति, स्वति इत्यादि ।

पाः—अय्ला कायेगु पटकयात पाः यानाः त्याः ख्याइ ।
पा—च्याम्पति प्यगः प्यगः छगू पुचःयात पा यानाः त्याः
ख्याइ ।

खा—छेँयात त्याः ख्यायेमाल धायेव 'खा' यानाः त्याः ख्याइ ।
गथे—छखा, निखा छेँ साप बाँलाः ।

२) वःमज्यू ल्याः थुइका व्वाय्सु—थुलि उलि धकाः वःमजिक छुं मधासे अन्दाजया ल्याः जक कनीगुयात वःमज्यू ल्याः थुइका व्वाय्सु धकाः धाइ । दसु-सलसः, दलंदः, लखलख, कोतांकोति । झीथाय् सलसः देय्गः दु । येय् दलंदः मनूत दु । वयाके लखलख धेवा दु । थन देय्गः, मनू, धेवाया ल्याः ला वयन । तर थ्याक्क थुलि हे धकाः मधासे वःमजिक अन्दाजि थुलिति दु धकाः जक धाल उकिं थवयात वःमज्यू ल्याः थुइका व्वाय्सु धाःगु खः ।

३) व्वथुइका व्वाय्सुः—छुं ल्याःया छगू व्व जक थुइकागु व्वाय्सु धाइ । दसु-प्यव्वय् छव्व, स्वव्वय् निव्व, त्या, बछि, जःछि, बा (बाह्य, बात्वाः, वाःछि) चकंछि, जाःपाः (जाःपाः छम्बह-धेवा निगः पाः छम्बह) इत्यादि । न्हापा ज्या वनिबले जाःपाः छम्बह जक ज्याला ह । चकंछि वजि नयानं प्वाः जाइला । जिके सत्या धेवा दु । मुलु छपुया छतका बजःछि धेवा काइतिनि । चवय्या फुक्क ल्याः ल्याःया छगू व्व जक खः । उकिं थवयात व्वथुइका व्वाय्सु विशेषण धाःगु खः ।

४) दुगंछि थुइका व्वाय्सु—गुगु ल्याःयात दुगंछि यानाः ल्याः ख्याइ उकेयात दुगंछि थुइका व्वाय्सु धाइ । वयात ल्याः ख्यायेबले छुदुगं, निदुगं, स्वदुगं, प्यदुगं न्यादुगं, खुदुगं, इत्यादि । थवयात खँपुइ छ्यलेबले थये खनेदइ-जिमि काय्सिकं छिमि काय् झिदुगं चलाख । छंकेसिकं वयाके न्यागुदं धेवा दु । थन झिगुदं, न्यादुगंयात जुगंछि थुइका व्वाय्सु धाःगु खः ।

५) छंसिकथं थुइका व्वाय्सु—छंसिकथं इवः छुकिगु ल्याःयात छंसिकथं थुइका व्वाय्सु धाइ । व थये जुइ—ह्वाप, ह्वापयाल्यू, लियांल्यू थकालि, न्वकू, स्वकू, प्यकू, न्याकू, खुकू इत्यादि । छगूगु, निगूगु, स्वगूगु, प्यगूगु, न्यागूगु । छह्वाह्वा, निह्वाह्वा, स्वह्वा, प्यह्वाह्वा इत्यादि ।

यासु

(Verb)

गुगु खँग्वलं छुं ज्या यायेगु खँ थुइकी उकेयात 'यासु' (Verb) घाइ । यासुयात संस्कृतं 'क्रिया' घाइ । नये, त्वने, पुने, हाले, सने थ्व फुक्क यासु खँग्वः खः । थुके नयेगु ज्या, त्वनेगु ज्या, पुनेगु ज्या इत्यादि छुं ज्या थुइकल । उकि थुजोगु खँग्वःयात यासु घा ।

नेपालभाषाय् यासुया रूप सीकेत निब्व थलेमाः । छब्व यासुहा (धातु), मेगु ब्व लितंसा (Suffix) । यासुया न्ह्यनेच्वंगु ब्व यासुहा (धातु) जुइ, ल्युनेच्वंगु ब्व लितंसा जुइ ।

लितंसा लिकाये धुनेव, न्ह्यने गुगु ब्व ल्यं वइ वहे यासुहा जुइ । च्वय्च्वंगु दसु नये, त्वने, पुने, हाले, सने यासुया दसुइ ल्युने च्वंगु लितंसा ये, ने, ले लिकाये धुनेवं न , त्व, पु, हा, स जक ल्यं वइ । थ्व हे यासुहा (धातु) खः । छाय्घाःसा थ्व यासुया मू ब्व खः ।

यासुहाया ल्युने ए-कार वःगु आखः तनेव यासु जुइ । नेपाल-भाषाय् थथे यासुहाया ल्युने तनेगु ए-कार हःगु आखः खुता दु । व थथे खः -ये, के, ते, ने, पे, ले । यासुहाय् थ्व खुगः आखः मध्ये अर्थ पिज्वयेक गुगुं नं छगः आखः तने धुनेव यासु जुइ । गथे क, का, कि, कु, कय, क्व, क्वा थ्व फुक्क यासुहा खः । थुके त्वःगु लितंसा तयेवं यासु जुइ । गथे- कने, काये, काके, काले, किये, किके, कुये, कुने, कुले

कयने, कयले, कयये, कवाये, कवाके जुल । थुकथं थ्व फुक्क यासु जुल ।

नेपालभाषाय् छगू यासु दयेव उर्के न्ह्यःगु यासु नं दयेके ज्यू ।
 च्वय्च्वंगु यासुया न्ह्ये छुं-छुं न्ह्ययतंसा तयाः हानं मेगु नं यासु
 पिकाये ज्यू । थ्व हे हुनीयानाः नेपालभाषा ख्यलय् यासु यक्व दुगु खः ।
 'नये' छगू दसु काये । नयेया साधारण अर्थ सवाः कयाः घुतुकेगु ज्या
 यायेगु खः । थ्व हे 'नये' यासुया न्ह्येने हरेक न्ह्ययतंसा तयाः हानं मेमेगु
 अर्थ लुइका यासु दयेके ज्यू । थन छुं दसु कयाः स्वये-

किलनये—भ्वं,सिं अथवा थयागु हे छुं वस्तुयात किलं ह्वःचा-ह्वःचा
 खने ।

कुचुनये—ह्याय् पतिचात वालावाला संका कुचुसे च्वने ।

कूनये—थुगु याये उगु याये धाये मफया सुक च्वना च्वने ।

खतनये—नय् खिति थाना स्यना वने ।

खिनये—बेइमान थाये ।

घ्वनये—सुनानं थःत दायेका च्वने ।

नवनये—ऊन व ऊनया कापः प्वाःप्वाःगना स्यनाः वने ।

भुलनये—मिखां पाय्छि जुइक खंके मफये ।

मिखानये—तसकं जलं थीगु वस्तु स्वयाः मिखां मेगु वस्तु खंके
 मफये ।

लानये—छुं ज्याखं यानाः यसकं हैरान जुये ।

ल्हानये—सुनानं थःत ल्हातं दायेकेगु ज्या जुये ।

थुकथं 'नये' या साधारण अर्थ म्हुतुइ तयाः सवाः कायेगु जक
 खःसां थुके उगुथुगु न्ह्ययतंसा तयाः 'नये' खँवः पाखें हे हानं मेमेगु
 खँवः दयेके ज्यू धकाः सिल । उर्कि थन यासु निश्चिकं दु धकाः सिल ।
 छगू साधारण व तप्पंगु अर्थ थुइकीगु यासुहा व लितंसा दुगु यासु ।
 थुकेयात मूयासु (Root Verb) धाइ । अले थ्वहे मूयासुया न्ह्येने

उगुंथुगुं न्ह्यतंसा तथाः हानं न्हून्हुगु यासु दयेके ज्यू । थुकेयात 'चिना' यासु, (Compound Verb) धाइ । थुके न्ह्यतंसाया रूप्य् नाम, अनुकरणात्मक खँग्वः व अर्थ मदुगु आखः नं जुइयो । गथे धाःसा- 'ह्लाःनये' थुके नाम + यासु जुल । वालावाला सने- थुके अनुकरणात्मक + यासु जुल । भज्याने- अर्थ मदुगु भ + यासु जुल ।

थन मूयासु व चिनायासु बाहेक हानं मेगु छतानं यासु दु । थ्व स्वयेबले मूयासु थें नं च्वं, चिनायासु थें नं च्वं । वास्तव्य् थ्व नितानं मखु । थ्वयात नामधातु (Nominal Verb) धाइ । थ्व ब्वाय्सु (विशेषण) पाखे तप्यंक हे अःपुक दयेकाः तःगु जुइ । थ्व मूकं उकारान्त गुण थुइका ब्वाय्सु खँग्वः पाखें दयेकी ।

थाकु- थाकुये । हाकु- हाकुये ।

वँचु- वँचुये । पाचु-पाचुये । क्वाचु- क्वाचुये ।

ख्वातु- ख्वातुये । इयातु-इयातुये । क्वाकु-क्वातुये ।

प्यानु-प्यानुये । त्यानु-त्यानुये ।

तःपु-तःपुये । अःपु-अःपुये ।

च्वामु-च्वामुये । ह्यामु-ह्यामुये । वामु-वामुये ।

खायु-खाइये । भुयु-भुइये । तुयु-तुइये ।

ह्वालु-ह्वालुये । न्यालु-न्यालुये । व्छालु-व्छालुये ।

व्छासु-व्छासुये । फ्यासु-फ्यासुये । चासु-चासुये ।

कर्मकाः यासु व कर्ममकाः यासु

(Transitive Verb and Intransitive Verb)

गुगु यासु कर्म काइ उगु यासुयात 'कर्मकाः यासु' (Transitive verb) धाइ । यासु ज्या याइवले वया ज्या 'याक' (Subject) य् पू मवंसे कर्मय् पूवनी । श्वयात मेकथं धायेवले यासु थयागु नं दु गुगु यासु छ्यलेवले कर्म (Object) मदयेकं भगाइ । थुजोगु यासुयात 'कर्मकाः यासु' धाइ । दसु- नये, पुने, दने, दाये इत्यादि । अझ श्वयात खँपुइ छ्लेवले थये खने दइ, 'रामं जा नल । हरि वसः पुन । दकःमि छेँ दन । रामं हरियात दाल । थन 'रामं नल' जक धयां मगाः । रामं छु नल धकाः न्हयसः वइ । अले उकेया लिसलय 'जा नल' धकाः लिसः वइ । अले तिनि उकेया लिसः पू वनी । उकि 'जा' कर्म जुल । 'नल' कर्मकाः यासु जुल । थुकथं 'वसः', 'छेँ', 'हरियात' कर्म जुल । अले 'पुन, दन, दाल' कर्मकाः यासु जुल ।

गुगु यासु कर्म काइमखु उकेयात कर्ममकाः यासु (Intransitive verb) धाइ । यासु ज्या याइवले यासुया ज्या याक (Subject) य् हे पू वनी । उकि वयात कर्ममाली मखु । दसु- राम छन,

१ थन कर्ता (Subject) यात 'याक' धकाः नां छुनागु जुल । यथे- मुनेगु ज्या याइहासित 'मुनाक' (Collector); पिकायेगु ज्या याइहासित 'पिकाक' (Publisher) धाइ । अथे हे खँपुइ छु ज्या याइहा जुया 'याक' धयागु जुल ।

हरि वन; सुमन खल । थन राम चन धायेवले छु चन' धईगु
 न्हयसः दनी मखु । बरू 'सु चन' धकाः जकं न्हयसः तयेज्जू । 'सु
 चन' धकाः न्यंसां 'राम हे चन' धयागु लिसः वइ । कर्म मवल ।
 चनेगु ज्या याक (Subject) य् हे पूवन । उकिं थ्व 'चन' कर्ममकाः
 यासु जुल । 'हरि वन' धाःसां छु वन धयागु जुइमखु सु वन धयागु
 जुइ । लिसः हरि हे जुइ । सुमन खल अथवा धौ खल धाःसां सु खल
 व छु खल जुइ । लिसः व हे 'याक' जुल । कर्ममकाल । उकिं थ्वयात
 'कर्ममकाः यासु' धाइ ।

छु नं यासु 'कर्मकाः यासु' खः लाकि 'कर्ममकाः यासुं, खः धका
 बांलाक सीकेत यासुइ निता न्हयसः तयेमाः । 'सु' धकाः व 'छु' धकाः ।
 थ्व न्हयसः तया लिसः वल धाःसा 'कर्मकाः यासु' जुइ । अले थुकेया
 लिसः मवल धाःसा व 'कर्ममकाः यासु, जुइ । 'सु' धकाः न्हयसः न्यना
 लिसः वल धाःसा व वःगु नां खँग्वः सजीव (animate) जुइ । अले
 'छु' धकाः न्हयसः न्यनाः लिसः वल धाःसा व वःगु नां खँग्वः निर्जीव
 (inanimate) खँग्वः जुइ ।

काल

(Tense)

काल धयागु ई खः । गुगु यासु छुं ई थुइकेगु याइ उकेयात यासुंया काल धाइ । गथे—व येँ वन; व येँ वनी । थुके ह्यापांगु खँपु येँ वनेगु ज्या जुइ धुंवल धकाः कन । लिपायागु खँपु येँ वनेगु ज्या मजुनि कन । थुकथं छगुलि ह्यापायागु खँ कंसा मेगुलि लिपायागु खँ कनी ।

थुकथं स्वयेबले भाय्लचनय् ईयात स्वव थले ज्यू । छगू भूत-काल, निगू वर्तमान काल, स्वंगू भविष्य काल ।

भूतकालं ह्यापा जुइधुकूगु खँ कनी, वर्तमान कालं आः जुयाः च्वंगु खँ कनी भले भविष्य कालं लिपा जुइगु खँ कनी । थ्व चलन नेपाली भाषा, हिन्दी, संस्कृत, अंग्रेजी व मेमेगु भाषाय् थ्व कथं व्यवस्था वनेगु चलन दु । तर नेपालभाषाय् थ्याक्क थ्व हे धाँवां व्यवस्था पाय्छि मजू । नेपालभाषाया स्वभाव कथं निव्व जक थलेवं गाः । छगू भूतकाल (past) मेगु अभूत काल । (nonpast)

अभूत काल धइगु छु ? वर्तमान काल व भविष्य कालया छगू मंकाः नां हे अभूत काल खः नेपालभाषाय् वर्तमान काल व भविष्य कालय् छुं पाःगु मदु । व्यवस्थेबले आःयागु खँयात वर्तमान, लिपा जुइगुयात भविष्य काल धकाः व्यवहारय् न्वंवायेबले च्वयेबले वहे—वहे, छुं नं मपाः । नेपाली भाषा नाप दानाः छुं दसु कयाः स्वये—मैले खाता खान्छु-जि नसा नये । मैले खाता खानेछु जि नसा नये ।

आः 'याक' (Subject) छकः हिलाः स्वये— तिमीले ख ना खान्छौ-छं नसा नइ । तिमीले खाना खाने छौ-छं नसा नइ । थुकथं हानं मेगु 'याक' (Subject) हिलाः स्वये—उसले खाना खान्छ । वं नसा नइ । थुकथं नेपालभाषाय् वर्तमान काल व भविष्य कालय् छुं पाःगु खने मदु । उकिं थ्व नितायात नं कयंक नां छु तयेगु ? वर्तमान काल जक नं पाय्छि मखु, भविष्य काल जक नं पाय्छि मखु । बरू भूतकाल मजगु जुयाः अभूत काल (Nonpast) धकाः धाःगु खः । थुकथं छगू वने धुकूगु वारे खँ ह्लाइगु जुयाः भूतकाल धाल । मेगु भूतकालया वारे खँ ह्लाइ मखुगु जुया अभूत काल धकाः धाःगु खः ।

थुगु त्याखं नेपालभाषाय् काल निगू जक जुइगु जुल छगू भूत (past) मेगु अभूत (Nonpast) ।

आः हानं थन थाय् छता खँ बिचाः यानाः स्वये । च्वय्या दसुयात छकः मिखा ब्वयेबले छता खँ छु सी दु धाःसा ह्यापह्य (First person) यात वर्तमान कालय् नं भविष्य कालय् नं 'नये' जक जुल । मेखे-लिपाह्य (Second person) व 'मेह्य' (Third person) वर्तमान काल व भविष्य काल फुक्कय् नं-यासु 'नइ' जक जुल । थुकथं थन 'लिपाह्य' Second person) व 'मेह्य' (Third person) य् नं छुं पाःगु खने मदु । उकिं मेमेगु भाषाय् थें स्वंगूह्य (person) मयासे निगूह्य (persOn) जक जुइगु जुल । छगू थः (Conjunct) मेगू कनः (Disjunct)

आः थ्व यासुया रूप गथे यानाः न्ह्याकी धकाः क्वथा दयेकाः स्वयेबले थथे खने दइ—

	थः Conjunct	कतः Disjunct
भूत (past)	आ (या, ता, का ना, ला, पा	अ (ल/न)
अभूत (Nonpast)	ए ये, के ते, ने, पे, ले)	ई (ती, की, नी, ली, पी)

ये घाना यासु

	यः Conjunct	कतः Disjunct
भूत past	या, ना, (दाया घाना)	ल, त, (दाल घ्वात)
अभूत Nonpast	(दाये, घ्वाय)	इ (दाइ, घ्वाइ)

के घाना यासु

	यः Conjunct	कतः Disjunct
भूत past	का (कृतका, छ्वाका)	कल (कृतकल, छ्वाकल)
अभूत Nonpast	के (कृतके, छ्वाके)	की (कृतकी, छ्वाकी)

ते घाना यासु

	यः Conjunct	कतः Disjunct
भूत past	ता (त्वःते, ह्यिते)	तल (त्वःतल, ह्यितल)
अभूत Nonpast	ते (त्वःते, ह्यिते)	ती (त्वःती, ह्यिती)

ने घाना यासु

	यः Conjunct	कतः Disjunct
भूत past	ना (कना, दना)	न (कना दन)
अभूत Nonpast	ने (कने, दने)	नी (कनी, दनी)

पे घाना यासु

	यः Conjunct	कतः Disjunct
भूत past	लपा (द्वहलपा, भजलपा)	पल (द्वहलपल, भजलपल)
अभूत Nonpast	लपे (द्वहलपे, भजलपे)	लपी (द्वहलपी, भजलपी)

ले घाना यासु

	यः Conjunct	कतः Disjunct
भूत past	ला (पाला, साला)	ल (पाल, साल)
अभूत Nonpast	ले (पाले, साले)	ली (पाली, साली)

उजं थुइका यासु

(Imperative Verb)

सुयातं छुं ज्या व्वयेगुयात 'उजं' धाइ । थये ज्या व्वयेगु खँ थुइकीगु यासुयात 'उजं थुइका यासु' (Imperative Verb) धाइ । थ्वयात आज्ञार्थक क्रिया नं धाः ।

थ्व उजं थुइका यासुयात स्वव्व थले ज्यू-

क) हने माःथाय् छ्यलीगु

ख) हने म्वाःथाय् छ्यलीगु

ग) व्वःबीथाय् छ्यलीगु

क) थःहऱसँ हने माःथाय् ज्ञासँ, दिसँ यासु छ्यली । गथे-‘थन ज्ञासँ, अन दिसँ, खाताय् धं दिसँ, ज्योनः यानाः दिसँ ।’ थ्व फुक्क हनाः उजं बीगु यासु खः । धार्थेला ‘ज्ञासँ’ या अर्थ-‘वा’ अथवा ‘हुँ’ खः । अले ‘दिसँ’ या अर्थ ‘फेतु’ अथवा ‘चव्व’ खः । हने माःथाय् उज थुइका यासु छ्यलाः कयनेदले न्ह्याथ य् नं थ्व हे ज्ञासँ व दिसँ तया कयनेमाः । गथे—

अर्थ	सामान्य अर्थ	हने माःथाय् छ्यलीगु
कायेगु ज्या या	का	कयाः दिसँ
खायेगु ज्या या	खा	खायाः दि
गालेगु ज्या या	गा	गालाः दि
घायेगु ज्या या	घा	घानाः दि

चायेगु ज्या या	चा	चाना: दिस
थन वयेगु ज्या या	वा	ज्ञास
अन वनेगु ज्या या	हुँ	ज्ञास
सकले वनेगु ज्या या	नुँ	ज्ञास

थुलि जक मखु झी नेपालभाषाय् आपालं हने माःपित विशेष याना: हनेगु नं चलन दु । व ख: “विज्याहुँ” । थ्व खँव: बज्राचार्य, शाक्य, जुजु, लानि, द्यो, देब्रीयात छ्यली । गथे—का गुरुजु थुखे विज्याहुँ । आज्ञा जक जुया: विज्याहुँ सरकार जिमिसं वना: ज्वना हये । हे भगवान जिमित छक: नं स्वया: विज्याहुँ ।

ख) हने स्वाःथाय् छ्यलीगु आज्ञार्थक क्रिया:— थ्व सामान्य रूप थःहसं हने स्वाःपि व थ: ज.लिज्वःपि न्ह्याहासित नं छ्यली । च्वय्या दसुइ छ्यला: तःगु का, खा, गा, घा, चा, वा, हुँ, नुँ इत्यादि फुक्कं हने स्वाःथाय् छ्यलीगु उजं थुइका यासु ख: । यासु याहा (धातु) हे थ्व उजं थुइका यासु जुइ । अये घका: भाषाय् दुगु न्हयगु यासुयागु नं उजं थुइका यासु दयेके मज्यू । गुलि-गुलि यासुयागु जक दयेके ज्यू थुगु ल्याखं ‘उजं थुइका यासु’ दयेके ज्यूगु व मज्यूगु घाना: निथी दइगु जुल । छता ‘उजं थुइका यासु’ दयेके ज्यूगु गथे-नये, त्वने, पुने, सुये, खुये इत्यादि । थ्व झीसं याइगु ज्या थुइकीगु यासु जुइ । मेगु, झीसं यायेगु ज्या मजूसे झीत जुइगु यासु जुइ । थ्व यासुया हा पाखें उजं थुइका यासु दयेके जिइ मखु । गथे-यये, वये, खये, क्वये, गुये, ग्वाये इत्यादि ।

उक्ति आ: ‘उजं थुइका यासु’ दयेके ज्यूगु यासु स्वये । थ्व यासुं उजं थुइका यासु दयेके ज्यू । थ्वया छुं नियम दु । व थथे ख: —

अ) ‘ये’ घाना व ‘ले’ घाना यासुया ‘यासुहा’ (धातु) हे थ्वया उजं थुइका यासु जुइ । थन दसु कया: स्वये—

<u>‘अ’ बां यासुहा</u> <u>या थे’ घाना यासु</u>	<u>‘आ’ बां यासुहा</u> <u>या ‘ये’ घाना यासु</u>	<u>‘उ’ बां यासुहा</u> <u>या ‘ये’ घाना यासु</u>
खये ख	काये का	कुये कु
गये ग	क्वाये क्वा	खुये खु
ग्यये ग्य	खाये खा	चुये चु
ग्वये ग्व	ख्याये ख्या	छुये छु
च्वये च्व	ख्वाये ख्वा	जुये जु
द्वये द्व	घाये घा	तुये तु
इवये इव	घ्वाये घ्वा	थुये थु
त्वये त्व	चाये चा	दुये दु
थये थ	छाये छा	पुये पु
थ्वये थ्व	छ्याये छ्या	बुये बु

थ्व जुल ये’ घाना यासुया दसु । आः ‘ले’ घाना यासुया दसु
कयाः स्वये—

<u>‘अ’ बां ‘यासुहा’ या</u> <u>‘ले’ घाना यासु</u>	<u>‘आ’ बां ‘यासुहा’ या</u> <u>‘ले’ घाना यासु</u>	<u>‘उ’ बां ‘यासुहा’ या</u> <u>‘ले’ घाना यासु</u>
कयले कय	काले का	उले उ
खयले खय	गाले गा	उके कु
ग्यले ग्य	नाले ना	धेचुले धेचु
ग्वले ग्व	पाले पा	ग्वःतुले ग्वःतु
च्वले च्व	माले मा	पुले पु
छ्यले छ्य	हाले ह्या	बुले बु
छ्वले छ्व	वाले वा	मुले मु
त्यले त्य	साले सा	सुले सु
क्वःथले क्वःथ	हाले हा	
प्वले प्व		

आः श्व च्वय्या दसु छु सी दत धाःसा 'ये' घाना व 'ले' घाना यासुया न्ह्यंने च्वंगु यासुहा (धातु) अ-बां, आ-बां व उ-बां जुल धाःसा संक व हे न्ह्यंने च्वंगु यासुहा हे श्वया 'उजं थुइका यासु' जुइ । तर श्व हे 'ये' घाना यासुया न्ह्यंने च्वंगु आखः अथवा यासुहा हे-बां जुल धाःसा 'इउ' जुइ अथवा इ-बाँनय् उ स्वानाः तःगु जुइ । दसु कयाः स्वये—

इ-बां यासुहा-नाप 'ये'—

इ-बां यासुहा-नाप ले-घाना

घाना । यासु		यासु	
इये	इउ	इले	इउ
किये	किउ	चिले	चिउ
चिये	चिउ	थिले	थिउ
छिये	छिउ	निले	निउ
तिये	तिउ	सिले	सिउ
थिये	थिउ	हिले	हिउ
दिये	दिउ	न्हिले	न्हिउ
निये	निउ		
पिये	पिउ		
फिये	फिउ		

थुकथं इउ, किउ, चिउ, छिउ, तिउ, थिउ जुइ । श्व हे उजं थुइका यासु जुइ । तर थौंकल्ले किउ, चिउ, छिउ, तिउ इत्यादियात धये यानाः मच्चःसे छकलं आक्षरिक धाँचां क्यु, च्यु, छ्यु, त्यु, थ्यु, द्यु इत्यादि यानाः च्वयेगु धाँचा वःगु दु ।

आ) च्वय्या नियम्य 'ये' घाना व 'ले' घाना यासुया यासुहा हे श्वया उजं थुइका यासु जुइ धयार्थे यदि ने'घाना यासु जुल धाःसा फुक्क नियम ज्वःलानाः यासुहा-य् अथवा उजं थुइका यासुइ चन्द्रमा अथवा मिलाफुति छगू च्वंवइ । दसु कयाः स्वये—

अ-बां आसुहा-या
ने-घाना यासु

कने	कँ
खने	खँ
गने	गँ
ग्यने	ग्यँ
चवने	चवँ
छ्यने	छ्यँ
व्छने	व्छँ
ज्वने	ज्वँ
तने	तँ
त्यने	त्यँ

आ-बां यासुहा-या
ने-घाना यासु

(कने)	काने	का
(गने)	गाने	गा
(तने)	ताने	ता
(थने)	थाने	था
(दने)	दाने	दा
(पने)	पाने	पा
(मने)	माने	मा
(सने)	साने	सा
(हने)	हाने	हा

(स्तरिय नेपालभाषाय् ने घाना यासुया न्ह्योने आकारं सुरु जूगु यासु मदु । तर ख्वप भाषाय् घाःसा न्ह्योने आकार सुरु जूगु ने घाना यासु नं दु उकि थन ख्वप भाषायागु हे दसु काःगु जुल ।)

उ-बां यासुहा-या
ने-घाना यासु

कुने	कुँ
खुने	खुँ
चुने	चुँ
तुने	तुँ
थुने	थुँ
पुने	पुँ
भुने	भुँ
मुने	मुँ

इ-बां यासुहा-या
ने-घाना यासु

इने	इउँ
खिने	खिउँ
चिने	चिउँ
तिने	तिउँ
थिने	थिउँ
धिने	धिउँ
निने	निउँ
सिने	सिउँ
हिले	हिउँ

थुकिं छु खँ सीदत घाःसा उजं थुइका यासुइ मिलाफुति च्वं वइ ।

इ) के घाना व ते घाना यासु जुल घाःसा थुकेया उजँ थुइका
यासु थथे जुइ-

अ-बां यासुहा-या
के-घाना यासु

च्वके	च्वकि
त्वके	त्वकि
श्वके	श्वकि
ध्वके	ध्वकि
नके	नकि
न्वके	न्वकि
स्वके	स्वकि
कंके	कंकि
खंके	खंकि
चंके	चंकि

आ-बां यासुहा-या
के-घाना यासु

काके	काकि
क्वाके	क्वाकि
खाके	खाकि
गाके	गाकि
ग्याके	ग्याकि
ग्वाके	ग्वाके
घाके	घाकि
घ्वाके	घ्वाकि
च्याके	च्याकि
व्छाके	व्छाकि

इ-बां यासुहा-या
के-घाना यासु

किके	किकि
चिके	चिकि
छिके	छिकि
तिके	तिकि
थिके	थिकि
दिके	दिकि
धिके	धिकि
षिके	षिकि

उ-बां यासुहा-या
के-घाना यासु

कुर्के	कुर्कि
खुके	खुकि
गुके	गुकि
घुर्के/घुतके	घुर्कि
जुके	जुकि
तुके	तुकि
पुके	पुकि
फुके	फुकि

फिके	फिकि	बुके	बुकि
भिके	भिकि	मुके	मुकि

शुकि छु सी दत्त धाःसा 'के' घाना यासुया उजं थुइका यासु दयेके बले न्ह्यंने च्वंगु यासुहा-यात अथे हे तयाः ल्युंने च्वंगु 'के' यात कि यानाः दयेकेगु । यदि 'ते' घानाः यासु जूसा 'के' घाना यासुया थें हे न्ह्यंने च्वंगु यासुहा-यात अथे हे तयाः ल्युंने च्वंगु 'ते' यात 'ति' यायेगु । दसु कयाः स्वये—

'त्वःते' या	उजं थुइका यासु	त्वःति
'दुते' या	"	दुति
'हिते' या	"	हिति
'सःते' या	"	सःति

ई) 'पे' घाना यासु जुल धाःसा इ-बां यासुहा-य् 'ने' घाना यासु थें हे ल्युंने इउ जुइ । दसु कयाः स्वयेः—

'ज्वज्वले' या	उजं थुइका यासु	ज्वज्वलपिउ
'द्वहलपे' या	"	द्वहलपिउ
'भजलपे' या	"	भजलपिउ
'सहलपे' या	"	सहलपिउ

थुकथं 'पे' घाना यासुया 'पि' ह्रस्व जुयाः नं हानं ल्युंने 'उ' वइ तिनि ।

ग) व्वःबीथाय् छ्यलीगु—थ्व थःयां व्वय्यापित व्वःबीकथं घाइगु उजं थुइका यासु खः । थुकेया छुं दसु थथे खने दु—

सामान्य अर्थ		व्वःबीथाय् छ्यलीगु अर्थ
(नये)	न	स्वथँ
(च्वने)	च्वँ	गारे जू
	थन वा	गारे जू वा
	हुँ	गारे जू हुँ

च्वना च्वँ

थन वा

हुँ

च्वना च्वँ

थन वा

हुँ

च्वना च्वँ

थन वा

हुँ

सिना च्वँ

सी वा

सी हुँ

इवकनिना च्वँ

इवकनी वा

इवकनी हुँ

हाका

हाका: वा

हाका हुँ ।

थन च्वय् उजं थुइका यासु दयेकेगु नियम स्वये धुन । तर व
नियमं मच्युगु छुं उजं थुइका यासु अझ खने दु ।

<u>यासु</u>	<u>जुइमा:गु</u>	<u>जुया:च्वंगु</u>
वने	वँ	हुँ, नुँ
झाये	झा	झासँ
तये	त	ति
वये	व	वा
दिये	दिउ	दिसँ
हये	ह	हिँ, हकि, हचि

अझ सुयातं छुं बियेबले 'ना' धका: धायेगु चलन दु । 'ना'
छगू नं उजं थुइका यासु ख: । तर 'ना' या यासु मदु ।

स्वभाव / स्थिति थुइका यासु

सुयागुं अथवा छुं वस्तु यागु, नां यागु स्वभाव/स्थिति थुइकीगु यासुयात स्वभाव थुइका यासु अथवा स्थिति थुइका धायेबले व प्राणी अथवा व वस्तुयागु न्ह्याबले छगू हे रूप अथवा पह जुया च्वनी । गथे— 'व मनू धेचू । व सिमा धेचू ।' थन व मनूयागु धेचुलाः जुइगु स्वभाव वयन । अथे हे सिमा धेचुला च्वंगु वयन । थन सिमायागु स्थिति वयन । उकिं थन 'धेचू' धयागु स्वभाव/स्थिति थुइका यासु खः । थ्व 'धेचुले' यासु खः । थुकथं नये यासुया नः, त्वने यासुया त्वं, पुने यासुया पुं स्वभाव अथवा स्थिति थुइका यासु खः ।

नेपालभाषाय् विभिन्न यासुयात विभिन्न कथं स्वभाव/स्थिति थुइका यासु दयेके ज्यू ।

ये घाना यासु

गये गः		ताये ताः		चिये-चिउ/च्यू		गुये गू
तये तः		दाये दाः		थिये-थिउ/थ्यू		चुये चू
नये नः		नाये नाः		फिये फिउ/फ्यू		बुये बू

ले घाना यासु

यले ग्यः		काले काः		थिले थिउ/थ्यू		कुले कू
छचले छचः		पाले पाः		सिले सिउ/स्यू		पुले पू
प्वले प्वः		माले माः		हिले हिउ/ह्यू		सुले सू

श्व 'ये' घाना व 'ले' घाना यासु पाखें दयेका तःगु स्वभाव थुइका
यासुया रूप छगू हे खने दु । अ-बां व आ-बां नं सुरू जूगु यासुया
स्वभाव थुइका दयेकेबले व हे धातुइ लिफुति (विसर्ग) जक तयेवं गाः ।

इ-बाँनं सुरू जूगु यासुइ न्ह्य'ने च्वंगु इ-बां आखः अर्थे तयाः
ल्युने च्वंगु 'ये' घाना व 'ले' घाना या पलेसा 'उ' जुइ । श्वयातं छकलं
चिकाः दसुइ बियाः तःथें ताहाः उ-बाँनय् नं यने ज्यू ।

उ-बाँनं सुरू जूगु यासुइ जक ल्युने च्वंगु घाना आखःयात
त्वःफिका न्ह्य'ने च्वंगु चीहाः उ-बांयात ताहा उ-बां यायेवं स्वभाव
थुइका यासु जुइ ।

के घाना यासु

नके	नकू	काके	काकू	किके	किकू	जुके	जुकू
हके	हकू	गाके	गाकू	तिके	तिकू	पुके	पुकू
च्वके	च्वकू	पाके	पाकू	दिके	दिकू	फुके	फुकू

ते घाना यासु

त्वःते	त्वःतू		म्हिते	म्हितू
सःते	सःतू			

पे घाना यासु

द्वहलपे	द्वहलपू
भजलपे	भजलपू
सहलपे	सहलपू

श्व के—घाना, ते-घाना व पे-घाना यासुथा स्वभाव थुइका
दयेकेबले अ-बां, आ-बां, इ-बां, उ-बां फुक्क कथंया यासुइ नं व हे के,
ते, पे स्वतायातं याउँक उ-बानय् येनेवं गाः ।

ने-घाना यासु

कने	कं	खिने	खिउँ/ख्युं	कुने	कुं
खने	खं	सिने	सिउँ/स्युं	थुने	थुं
गने	गं	हिने	हिने/ह्युं	पुने	पुं

श्व ने-घाना यासुइ अ-बां व उ-बां सुरू जूगु यासुया मासुहाय्
जक सिन्हः फुति तयेवं स्वभाव थुइका यासु जुइ । अले ने-घाना
ने म्वाः ।

इ-बां सुरू जूगुली जक 'ने' या पलेसा 'उ' यायेगु अले उ-या
च्वय् मिलाफुति तयेगु । दसुइ बियाथें न्ह्यं ने उ-बां अले मिलाफुति
दुगु उ-बां । श्वयात छकलं सिन्हःफुति दुगु चिना आखःयानाः नं
च्वयेगु याः ।

हःपाः थुइका यासु

(Causative Verb)

सुनानं सुयातं छुं ज्या खँ याये मंदयेके बीगु अथवा ग्वाकाः छुं ज्या याके बीगु ज्यायात 'हःपाः' धाइ । थुकथं हःपाः थुइकीगु यासुयात 'हःपाः थुइका यासु' (Causative verb) धाइ ।¹ संस्कृतं ध्वयात 'प्रेरणार्थक क्रिया' धाइ । थुकेँ छुं ज्या यायेत हःपाः बी । गथे—, 'जि मचातय्त आखः च्वके ।' थन जि मचातय्त आखः च्वकेगु ज्याय् हःपाः बिया । उकि 'क्वके' हःपाः यासु अथवा प्रेरणार्थक क्रिया जुल । अथे हे (थः जक नये, त्वने, पुने घयां मज्जू कर्पिन्त नं नके, त्वंके, पुंके याये सयेकेमाः ।' थुके नये, त्वने, पुने मूयासु जुल । अले नके, त्वंके, पुंके हःपाः यासु जुल ।

आः छुं दसु काये— (क) यदि 'ये' घाना यासुया हःपा थुइका यासु दयेकेबले गथे जुइ ।

यासु	हःपाः थुइका यासु	यासु	हःपाः थुइका यासु
कये	कयेके	खये	खयेके
काये	कायेके	खाये	खाके
काये	काके	खुये	खुके

1. Causative verb अर्थात प्रेरणार्थक क्रियायात 'हःपाः थुइका यासु' धाये त्वइ ।

किये	किके	खुये	खुयेके
किये	कियेके	ख्याये	ख्याके
कुये	कुयेके	खत्रये	खत्रयेके
क्वाये	क्वायेके	खवाये	खवाके
क्वाये	क्वाके	गये	गयेके

च्वय्या दसुं छु खँ सी दत धाःसा 'ये' घाना यासुइ गनं 'ये' लिकया यासुहाय् सुंक 'के' स्वायेगु । अले 'काये' या 'काके', 'किये' या 'किके', 'क्वाये' या 'क्वाके' जुइ । गनं 'ये' घाना यासुइ हे ल्युने सुंक 'के' स्वायेगु । अले 'कये' या 'कयेके' जुइ, 'काये' या 'कायेके', 'किये' या 'कियेके' इत्यादि जुइ ।

आः न्ह्यसः दं वइ गयोथाय् यासुहाया ल्युने 'के' स्वायेगु, गयोथाय् यासुया ल्युने के स्वायेगु ? लिसः थथे धइ यदि 'ये' घाना यासुयात भूतकालय् येनेबले यासुइ 'त' वल धाःसा उज्वःगु यासुया हःपाः थुइका यासु दयेकेबले यासुहा-या ल्युने 'के' स्वायेगु । यदि 'ये' घाना यासुयात भूतकालय् येनेबले यासुइ 'ल' वल धाःसा उज्वःगु यासुया हःपा थुइका यासु दयेकेबले यासुइ तप्यंक 'के' स्वायेगु अथवा यासुहाय् 'येके' स्वायेगु ।

भूतकालय् 'त' वइगु 'ये' घाना यासु

यासु	भूतकाल	हःपाः थुइका यासु
काये to press	कात	काके
किये to obstruct	कित	किके
खाये to collect (money)	खात	खाके
खुये to tear	खुत	खुके
गाये	गात	गाके
गुये	गुत	गुके

भूतकाल्य् 'ल' वङ्ग 'ये' घाना यासु

<u>यासु</u>	<u>भूतकाल</u>	<u>हःपाः थुङ्का</u>
काये to take	काल	कायेके
किये to scratch	किल	कियेके
कुये to wear (umbrella)	कुल	कुयेके
क्वये to burn	क्वल	क्वयेके
खुये to steal	खुल	खुयेके
गये to ride	गल	गयेके

ख) यदि 'ले' घाना यासु जुल धाःसा उकेयात हःपाः थुङ्का यासु दयेकेबले 'ले' घानाया 'ले' लिक्कया धातु जक ल्यंकेगु अले उके 'येके' स्वायेगु—

<u>यासु</u>	<u>हःपाः थुङ्का</u>	<u>यासु</u>	<u>हःपाः थुङ्का</u>
काले	कायेके	क्वले	क्वयेके
कुले	कुयेके	गाले	गायेके
ग्यले	ग्ययेके	चिले	चियेके
चाले	चायेके	च्वये	च्वयेके

ग) यदि 'ने' घाना यासु जुल धाःसा उकेया हःपाः थुङ्का यासु दयेकेबले 'ने' घानाया 'ने' लिक्कया यासुहा जक ल्यंकेगु । अले यासुहाय् सिह्लःफुति तयेगु, थ्वयां ल्युने 'के' स्वायेगु । दसु कया स्वये—

<u>यासु</u>	<u>हःपा थुङ्का</u>	<u>यासु</u>	<u>हःपाः थुङ्का</u>
कने	कंके	खिने	खिंके
कुने	कुंके	खुने	खुंके
क्वने	क्वंके	ख्यने	ख्यंके
खने	खंके	गने	गंके

घ) यदि 'ते' घाना यासु जूसा-उकैया हःपाः थुइका यासु दयेकेबले यासुया ल्युने सुंक 'के' स्वायेगु । गथे- 'त्वःते' या 'त्वःतेके' । तर थीं कल्लय् त्वःतेके मधाःसे त्वःतके जक जुइ । छुं दसु कयाः स्वये-

यासु	हःपाः थुइका	थींकल्लय्या हःपाः थुइका यासु
त्वःते to leave	त्वःतेके	त्वःतके
ह्लिते to play	ह्लितेके	ह्लितके
सःते to call	सःतेके	सःतके

ङ) 'पे' घाना यासुइ नं 'ते' घाना यासुइ थें जुइ । उकिं थुके 'पे' घाना यासुया ल्युने सुंक 'के' स्वानाः हःपाः थुइका यासु दयेकी । दसु कयाः स्वये—

यासु	हःपाः थुइका यासु
द्वहलपे to dedicate	द्वहलपेके
भजलपे to pray	भजलपेके
सहलपे to tolerate	सहलपेके
भालपे to feel	भालपेके
ज्वज्वलपे to salute	ज्वज्वलपेके

च) के-घाना यासुयागु धाःसा हःपाः थुइका यासु दयेके मज्यू । थ्व थःम्हं हे हःपाः थुइका खः । थ्व स्वयेबले हे हःपाः थुइका यासु थें च्वनी । वास्तवय् थ्व हःपाः थुइका यासु मजूसे मू यासु हे खः । गथे, कुर्को, घुतके, व्छाके, जुके इत्यादि । थुकियात 'बिये' स्वानाः हःपाः थुइके ज्यू । गथे- कुर्को बिये आदि ।

पूर्वकालिक यासु

गुगु नं छगू खँपुइ याक (Subject), कर्म व यासु मदयेक मगाः । याकं ज्या यानाः चवनी, कर्म ज्या याकाः चवनी अले यासु थुगु ज्या धकाः कनी । गथे- 'जि जा नया ।' थ्व खँपुइ ज्या यानाः चवनाह्य 'जि', ज्या याकाः चवनाह्य 'जा' अले ज्या 'नयेगु' ।

गुबले-गुबले छगू हे खँपुइ याकं छता ज्या सिधयेकाः मेगु ज्या याइ । गथे- 'जि जा नयाः स्कूल वना ।' थुके ह्यापलाक जा नल । अले स्कूल वन । थुकथं जा नये सिधयेकातिनि स्कूल वनेगु ज्या याःगु खः । स्कूल वने न्ह्याः जा नये सिधयेकूगु जुयाः 'नयाः' यासुयात पूर्वकालिक यासु धाइ । हानं मेगु छगू दसु काये- 'व मचां खवखं जा नल ।' थ्व दसुइ व मचां ह्यापलाक खल अले जा नल मखु । खयाः नं चवन, नयाः नं चवन अथवा छता ज्या सिधयेकाः मेगु ज्या याःगु मखु । नितां ज्या नापं यात । उरि पूर्वकालिक यासु निथिकं दइगु जुल । छता, ज्या सिधये धुकूगु । मेगु, ज्या जुयाः च्वंगु ।

'ज्या सिधये धुकूगु—ह्यापां च्वये धयातःथें ह्यापलाक छता ज्या सिधयेका मेगु ज्या जुइ । गथे- जिमि बाः जा नयाः अफिस वन । जिमि तताजुया भुनुली ज्या सिधयेका कुहां वल । हेडसरं मचातय्त आखः व्वंकाः मेचय् फेतुत । थ्व दसुतय्के नयाः, सिधयेकाः व्वंकाः ह्यापलाक छता ज्या सिधयेकूगु पूर्वकालिक यासु खः । थ्व धुंकाःतिनि

वनेगु, वयेगु, फेतुयेगु ज्या जुल ।

ज्या जुयाः च्वंगु— थुके छता ज्या बांलाक सिधयेका तिनि मेगु ज्या यायेमाः धयागु मदु । व ज्या नापनापं नं जुइकु । थये जुल धाःसा ह्नापलाक वःगु यासु नापनापं ज्या जुयाः च्वंगु पूर्वकालिक यासु जुइ । थ्व यासु छ्यलेबले स्वंगू अर्थ पिज्वयेयो ।

क) छता ज्या सिधयेसात मेगु ज्या जुइगु— थुके छता ज्या सिधये सात मेगु ज्या जुइ । गथे—जि थौं प्याखं स्वयाः वया । राम जा नयाः वल । जिमि दाजु वयात दायाः वल । थुके स्वयाः, नयाः, दायाः पूर्वकालिक यासु जुल ।

ख) छगू कारण वयनीगु— थ्व नं पूर्वकालिक यासु खः । तर छता कारण दइ । गथे—जि धयाः व मचां जा नल । पुलिसं ज्वंवयाः हरि बिस्मं वन । थ्व दसुइ जि धयागु कारणं यानाः तिनि व मचां जा नयेगु ज्या यात । थुके 'धयाः' पूर्वकालिक यासु जुल । अथे हे पुलिसं ज्वंवंगु कारणं यानाः जक हरि बिस्मं वंगु खः । थन 'ज्वंवयाः' पूर्वकालिक यासु जुल ।

ग) पाःलाक ज्या यानाः वयनीगु— थुके पूर्वकालिक यासु व यासु नापनापं हे ज्या जुइ । गथे— व मचां हालाः आखः वन । वस्ताजं हारबिन थानाः राग हाल । थन मचां हाहां आखः वनाः च्वन । हालेगु व आखः वनेगु निता ज्यां छकलं जुल । अथे हे हारबिन थायेगु व राग हालेगु छकलं जुयाः च्वन । उकिं 'हालाः' व 'थानाः' निगुलि पाःलाकं ज्या यानाः वयनीगु पूर्वकालिक यासु जुल ।

पूर्वकालिक यासु दयेकेबले यासुया ल्युने च्वंगु आखःया आ-वाँनय् हयाः लिफुति तयेगु । अले 'नये' या 'नयाः', 'बिये' या 'बियाः', 'जुये' या 'जुयाः', 'हये' या 'हयाः', 'ल्हुये' या 'ल्हुयाः' जुइ ।

पूर्वकालिक यासु दयेकैगु मेगु धाँचा खः 'से' यात लितसा मायेगु । गथे- 'ब्वयाः वन' या 'ब्वसे वन' । 'ख्वयाः हल' या 'ख्वसे हल' । 'जायाः वल' या 'जासे वल' इत्यादि ।

अझ गनं-गनं यासुयात लिसा वयाः नं पूर्वकालिक यासु दयेके ज्यू । गथे-रामं हरियात दायादियाः छेँ वन । जिमि केहेँ ख्वयाखियाः पिने वन । थन थ्व दायादियाः, ख्वयाखियाः यात नं पूर्वकालिक यासु धाइ । थथे यानाः नं पूर्वकालिक यासु दयेके ज्यू ।

अव्यय

क्वःज्यु मंकाःनामं (सर्वनामं) क्यने मफुगु, जाः (Gender); बचं (Number) व कारकया लिधंसाय् रूप पाइमखुगु खँवःयात अव्यय धाइ । अव्ययया अर्थ न्हाबलें छगू हे रूप जुइगु, गुबलें स्यनी मखुगु छः । दसु—बले, पाखे, बांलाक, भिक, छकः, निकः, यक्वः, आपाः, काचाक्क, तीजक, तल्य्, कुने, ह्याग, थौं, नयाः, त्वनाः, च्वं, व्वं, व, उकि, अले, हात्तेरिका, आहा इत्यादि ।

आः हानं छकः च्वय् च्वंगु परिभाषा लिसा कयाः स्वये ।

‘१) क्वःज्यु मंकाःनामं (सर्वनामं) क्यने फइमखु धाःगु छु ? दकले ह्यापलाक ‘थ्व, व, हु’ यात क्वःज्यु मंकाःनां धाइ । गथे, थ्व सफू बांमलाः । थ्व दसुइ ‘थ्व’ धयागुलि सफूयात क्यन । तर थुके अव्यययात क्यने फइमखु ।

जाः हिलेज्या (लिङ्ग परिवर्तन) या लिधंसाय् नं अव्ययलय् न्हापाः वइमखु । खला नेपालभाषाय् जाः ह्यूपाःया छुं अर्थ मखु । नेपाली भाषाय् जूसा— ‘रामले खान्छ’ जुइ, ‘सीताले खान्छे’ जुइ । ‘रामले’ बाजाः (Masculine) जूगुलि ‘खान्छ’ जुल । तर ‘सीताले’ मालाः (Feminine) जुयाः ‘खान्छे’ जुल । यथे हे बाजाः, माजाः न्हागु हे जूसां अव्ययलय् ह्यूपाः वइमखु ।

बचं ह्यूपाःया लिधंसाय् नं अव्ययलय् ह्यूपाः वइमखु । नेपाल-भाषाय् बचनय् ह्यूपाः वः तर छकेया लिच्चः सुयातं लाइखु । उकि

अव्ययल्य् लिच्वः लाइमखुगुला जु हे जुल । नेपालीभाषाय् जूसा छबचं (Singular Number) जूसा 'मान्छेले खान्छ' जुइ । तःबचं (Plural Number) जूसा 'मानिसहरूले खान्छन्' जुइ । नेपाल-भाषाय् 'मनुखं नइ । मनुतय्सं नइ' जुइ । थथे बचनय् ह्युपाः वःसां अव्ययल्य् छुं ह्युपाः वइ मखु ।

कारकया लिधंसाय् नं छुं ह्युपाः वइमखु । 'रामं तीजक दाल' । थ्व 'कर्ताकारक जुल । आः 'रामयात तीजक दाल ।' थ्व कर्मकारक जुल । थथे कर्ता (याक), कर्म, करण न्ह्यागु हे जूसां अव्यय 'तीजक' ल्य् छुं ह्युपाः वइमखु । थथे न्ह्यागु याःसां छुं ह्युपाः वइमखुगु हे अव्यय खः ।

अव्यय मुक्कं यानाः न्याताजि दु ।

१) नामयोगी अव्यय, २) क्रियायोगी अव्यय ३) संयोजक अव्यय ४) अजू थुइका अव्यय ५) निपात अव्यय ।

नामयोगी अव्यय

श्व अव्यय नां (Noun), मं ता (Pronoun) व व्वाय् सु (Adjective) नाप जक लितसा कथं च्वना: वइ । उकिं श्व छगू जक गननं च्वना मवयेफु । यदि च्वना: वल धा:सा श्वया अर्थ पिमज्व-पेफु । थुज:गु अव्यययात 'नामयोगी अव्यय' धाइ । गथे— बले, पाखे, पति, जक, बति, झा:, बीत, सा:त, तक, क:, थाय्, ह्य, नाप, निति, सिकं, याके इत्यादि ।

झा:, बले, बीत— श्व अव्यय ईयात थुइके कथं नां व मंका:-नां नाप वइ । झा:— मोहनीझा: तसकं न्ह्याइपुसे च्वं । अम:पाख् जुइगु इलय् न्ह्याह्य मचातसें नं छझा: हायेकू । बले— थुबले छ वयां छु याये ? उबले छ वने धुंकल । बीत— थुबीत छ गना वना: च्वना ? आख: निग: च्वह्य हे गुबीत मा:गु ? थन 'झा:' नां व व्वाय् सुनाप वल । अले बले व बीत मंका:नां नाप वल ।

तक, पाखे— श्व अव्यय ई व थाय् थुइकेकथं वइ । तक—छ गनतक वना: वया ? (थाय् थुइकथं) । पाजुपिथाय् धामेवं बहनीतक च्वना: वये धयागु दइला ? (ई थुइकथं) । पाखे— सुथय् पाखे वना: वयात नाप लाइमखु । (ई थुइकथं) । मदनकृष्ण यलपाखे वन, हरि-वंश खवपपाखे वन (थाय् थुइकथं) ।

क:, दंक— श्व अव्यय त्या: थुइके कथं वइ । क:— जि छंथाय् छेय् स्वक: वये धुन । ल: छक: त्वने । दंक— सेफदंक धेबा दु धया धन्दा । खवा: दंक थुकलं बिल नं लित: बी मछा: । श्व अव्यय

व्वाय्सुनाप व नांनाप वल ।

पति (Each)— थ्व हरेकनाप धयागु अर्थय् छचली । गथे-
मायभ्वां ह्यपति छवाः स्वयाः, छेँखापति दिनाः दिनाः पवजुल । थुके
ह्यपति व छेँखापति नामयोभी अव्यय जुल ।

जक—(Only) मेगु मखु व हे छता धकाः थुइकेथाय् थ्व
'जक' अव्यय वइ । गथे—खाया ला जक जितः मेय्था ला जक छंत ।

बति— थ्व छुं वस्तु अथवा ज्या खँ दानाः स्वयेथाय्
वइ । गथे— छबति छिमि केहेँ बांमलाः । छकेबति जिके घेवा मदु ।

थाय्—थ्व थाय् थुइकेथाय् वइगु अव्यय खः । गथे—रामयाथाय्
आलु दु, वयाथाय् प्याज दु । भिथाय् जक च्वनेमाः ।

नाप, निति, सिकं, याके— थ्व विभक्तिया रूपय् वया च्वंगु
अव्यय खः । गथे— जि नं छनाप वये; छंगु निति छु याये मफु । छसिकं
व बांलाः । वयाके घेवा मदु ।

ब्वाय्यासु अव्यय

(Adverb)

ता (प्रकार), ई, थाय्, ल्याः, गुण थुइकाः यासुनाप स्वापू तइगु अव्यययात ब्वाय्यासु अव्यय (Adverb) धाइ । थ्वयात संस्कृत क्रियायोगी धाइ । थ्वया यासुनाप तप्यंक स्वापू दइ । थ्व अव्यय अनुकरण खँवः, ल्याः थुइकीगु, परिमाण थुइकीगु, ई थुइकीगु थाय् थुइकीगु, गुण थुइकीगु अव्यय जुइ । गथे— 'थन वा' । 'थन' थाय् थुइकीगु अव्यय जुल । 'बांलाक आखः ब्वं ।' 'बांलाक' ब्वनेगु ज्याया गुण थुइकीगु अव्यय जुल । 'छ अलेचा हुँ ।' 'अलेचा' ई थुइकीगु अव्यय जुल ।

थ्व ब्वाय्यासु अव्यय अथवा क्रियायोगी निश्चिकं दु— (१) क्रिया विशेषण (ब्वाय्यासु) (२) क्रियान्वयी ।

(१) क्रिया विशेषण (ब्वाय्यासु)— थ्वया यासुयागु छुं विशेषता कयनेगु । थथे धयागु मतलब यासुयागु गुण, ता (प्रकार), ल्याः कयनी ।

(२) क्रियान्वयी— यासुयागु छुं विशेषता मक्यंसे यासुनाप जक स्वापू कयनी । थथे धयागु मतलब यासुनाप थाय्, ई, न्ह्यसः कयनीगु खँय् जक स्वापू दुगु अव्यय जुइ ।

१) च्वय् च्वंगु— क्रियाविशेषणया थीथी कथंया ज्या दु । छगूगु गुण थुइकाः बीगु । गथे— 'बांलाक' आखः ब्वं । वया छेय् 'भिक'

पुजायात । छ 'बल्लाक' छै दन । चुलुथाय् 'झन्ग्यालि' दयेत्यंगु ।
'अथेच्चवंक' हिले बांमलाः । 'थथेच्चवंक' सने मज्जु ।

निगगु, छु ज्या खँ ग्वःकः जुल धकाः ल्याः क्यनेगु छ 'छकः'
हे जिथाय् छैय् मवः । छ 'निकःतक' दालं नं जि सह याना । 'स्वकः'
छै वनाः हे खापा मचाः । थन छकः निकः स्वकः यानाः ल्याः कायेगु
ज्यायाःगु हे ल्याः थुइकीगु अव्यय जुल ।

स्वंगुगु, छु ज्या खँ वस्तु गुलि जुल धकाः परिमाण क्यनेगु ।
गथे-- यक्वधेवा दु । आपाः मरिवरि दु । भतीजा आसे । निगःचा बंजि
ति ।

प्यंगुगु, छु यासुयागु ज्या गथे जुल अथवा गथे यात धकाः
सीकेगु । थुकेयात अनुकरण धाइ । गथे-- व मिसा हररर हिल । छु
खवाररर विस्युवन । तलं छुरुक्क चा ज्वयाः वल । दाजुं ह्वाराक्क
लहत ।

(२) क्रियान्वयी— यासुयागु छु विशेषता मवयंसे यासुनाप
जक स्वापू क्यनी । थथे धयागु मतलब यासुनाप थाय् ई, न्ह्यसः
क्यनीगु खँय् जक स्वापू दुगु अव्यय जुइ ।

थ्व क्रियान्वयीया प्यंगू ज्या दु । छगूगु, थ्व अव्यय थाय् थुइकी
नापं थ्वया यासुनाप स्वापू दयाः चवनी । गथे- हरि कुने वन । छ दुने
वा । व पिने वन । उखे च्वंहा मचा थुखे मवः थुके कुने, दुने, पिने, उखे,
थुखे, खँग्वलं थाय् थुइकेगु यात । उकि थ्व थाय् थुइकीगु क्रियान्वयी
अव्यय जुल । थथे हे तापाक्क, लिक्क, थन, अन, गन, न्ह्याथाय्
न्ह्यंने, ल्युंने, चवय्, कवय् इत्यादि नं थाय् थुइकीगु क्रियान्वयी अव्यय
खः ।

निगगु, थ्व अव्यय ई थुइकी नापं थ्वया यासुनाप स्वापू दइ ।
गथे- ह्मिगः वल । थौं ह्लिछि चवन । कल्लय् वनी । उखुन्हु तक छु खँ
मदु । लिपा छु जुइ ? थुके ह्मिगः, थौं, कल्लय्, उखुन्हु लिपा थ्व फुक्क ई

थुइकीगु क्रियान्वयी अव्यय जुल । थथे हे थगुने, नगुने, नयनगुने, ह्याग
 प्यन्हुजाले, आइकिवं, इवं, आः, अले, थुबीत, गुबीत, उबले, ह्यापा,
 चवतले, नयाः चवतले, हालाः चवतले, सुथय्, बहनी, हिनय् इत्यादि
 फुक्क ई थुइकीगु क्रियान्वयी अव्यय जुल ।

स्वंगूगु, पूर्वकालिक यासु थुइकीगु क्रियान्वयी अव्यय । गथे—
 जि जा नयाःवये, छ तले वनाः वा । मांया दुरु त्वनाः च्वन । थन नयाः,
 त्वनाः वना, फुक्क पूर्वकालिक यासु थुइकीगु क्रियान्वयी अव्यय जुल ।

प्यंगूगु, मज्यू, मखु, ह्यां धकाः अखःगु अर्थ कनीगु अव्यय ।
 उकेयात निषेध थुइका क्रियान्वयी धाइ । गथे— छ वयेमते, सनेमते,
 हालेमते, व मसं, वं जा मनः । थ्व अखः थुइकीगु खँवः फुक्क निषेध
 थुइकीगु क्रियान्वयी अव्यय जुल ।

संयोजक अव्यय

निता अथवा नितां अप्वः ज्या, खँ, वस्तु छथाय् हे स्वायेगुयात संयोजक धाइ । अथे हे भाय्लचनय् निगू अथवा निगुलिं अप्वः खँग्वः अथवा खँपुयात छथाय् हे स्वाइगु अव्यययात संयोजक अव्यय धाइ । गथे आनुवा व पालुवा घोराघोर त्वात । थन आलुवा, पालुवा खँग्वःया दथुइ 'व' अव्ययं स्वानाबिल । उकि 'व' यात संयोजक अव्यय धाइ । अथे हे खँपुइ दसु कयाः स्वये-- वं जितः न्हापलाक दाल अले जि नं वयात दाया । थन 'वं जित न्हापलाक दाल' छगू खँपु । 'जि नं वयात दाया' मेगु खँपु । थव निगू खँपुयात 'अले' नं स्वायेगु यात । उकि थवयात संयोजक अव्यय धाइ ।

शुकथं संयोजक अव्ययया ज्या खँग्वः-खँग्वः स्वायेगु अथवा खँपु-खँपु स्वायेगु जुल ।

थुजःगु संयोजक अव्यय यक्व दु । थवयात क्वय् विया थें व्वने ज्यू । गथे --

अल-- भाःतम्ह ससलय् वन अले तीजक फेतुत ।

नं-- भाःतम्ह नं स्वयाः च्वन कलाःम्ह नं स्वयाः च्वन ।

कि-- भाःतम्ह वयेगु खः लाकि मखु धकाः न्यन ।

अय्जुया-- कलाःम्ह न्वं हे मवाः अय्जुया भाःतम्ह तीजक

दन ।

छाय्धाःसा-- भाःतम्हं लाकां न्ह्यात छाय्धाःसा बया च्वनाः
च्वने मंमत्त ।

नन्न-- भाःतम्हं कलाःम्ह्यसित वयेसा वा नन्न/नन्नसा छंत
लपूज्वना येने धाल ।]

मखुला धयासा-- सुंक धयागु खँ न्यँ मखुला धयासा जि
छंत ल्हाः नके ।

अय्सां-- भाःतम्ह तीजक पिहांवल अय्सां वया कलाःम्ह
मवः ।]

खय्तला-- खय्तला व छेँ वयागु ससः खः अय्सां थौं व छेँ
कतःया छेँ थें जुल ।

सां-- नये पित्यात होटलय् सां नये, सुलिमय्सां नये धकाः मन
त्याकाः वन ।]

गनया-- गनया कलातं न्हिलाः न्हिलाः नकूगु ब्यालि गनया
ब्यापारि मचां छ्वास्यां नं तयाः नकूगु जा ।

अजू थुइका अव्यय

छकलं छुं वस्तु, ज्या खनाः, छुं खँ न्यनाः, मनय् छुं तायाः ययाः, मय्याः, सुख तायाः अथवा दुख तायाः छुं धाइगु भावयात अजू अथवा विस्मय धाइ । यथे अजू थुइकीगु अव्यययात 'अजू थुइका अव्यय' (विस्मयादि बोधक अव्यय) धाइ । थ्व अव्यय आपाः यानाः खँपुया न्हयने च्वनाः वइ । माल धाःसा खँपुया दथुइ अथवा त्युंने नं वयेफु । न्हयाथाय् च्वनाः वःसां खँपु दुने च्वंगु गुगुं खँवः नाप स्वापू दइमखु । थुके न्वंवाःम्ह मनूयागु खँयात जक अझ बांलाक ध्वाथुइकेत ग्वाहालि याइ । थ्व अव्यय लसताय्, दुखं च्वनीबले, अजुचाइबले, सुयातं क्वथुनीबले, सुयातं हःपा बीबले, सुयातं हेला यायेबले, बा हेबाय् चबाय् यायेबले छयली । थ्व खँवः लि हे काल धाःसां खँपुया अर्थय् छुं ह्युपाः वइमखु । गथे— 'हात्तेरिका रामकृष्ण, छं ला जितः झंगः हे लात ।' थुके च्वंगु 'हात्तेरिका' अव्यय लिक्का छःसां खँपुया अर्थ छुं पाइमखु ।

आः थन क्वय् छुं अव्यय व उकेया खँपु दसु कयाः स्वये ।

अं— अं नकतिनि जि खँ थुल ।

उं— उं अय्जुयाः का व जि खनाः तंचाःगु ।

ए— ए... थ्व मचांला लासाय् बरबाद हे यात ।

खः खः— खः खः व मनू बेइमान हे खः ।

थुक्क-- थुक्क नक्कचरा गपाय्स्कं मछाःमजू धाये ।

नेपालभाषाय् थुञःगु अव्यय यक्व दु । थ्वयात क्वय् बियाथे
व्वथलाः स्वये ज्यू ।

- १) लसताय् छचलीगु-- अहो, आहा, एहे, धन्य, वावाः ।
- २) हःपाः बीथाय् छचलीगु-- जय, धन्य, स्याबास ।
- ३) ज्यू धकाः क्वःछीथाय्-- का, ज्यू, दय् ।
- ४) लुदंथाय् छचलीगु-- गात-गात, मय्ल ।
- ५) लुमनीबले छचलीगु-- अं, उं, ए ० ० ।
- ६) अजू चाइबले छचलीगु-- अहो, आहा, एहे ।
- ७) थाराक्क नइबले छचलीगु-- योमां, अय् ।
- ८) जिवय् स्याइबले छचलीगु-- आपा, आपाः, आया, ओहो ।
- ९) मयइबले छचलीगु-- अः, आः ।
- १०) घचाइबले छचलीगु-- छि, छिछिइ, छे ।
- ११) दुख जुइबले छचलीगु-- नारायन, हरे, हरे भगवान ।
- १२) नुगः मछिनीबले छचलीगु-- घाः, चुचु, हात्तेरि ।
- १३) हेबाय् चबाय् याइबले छचलीगु-- छि, धत्, हात्तेरि, थुक्क,
धिकार ।

गुबले-गुबले थ्व अव्यय छचलाः अःखःगु अर्थ नं पिकाये ज्यू ।
घयागु मतलब छु धाःसा धाःगु खँपु जःखःगु जूसां थुकेया अर्थ अःखःगु
जुइयो । गथे सुनानं सुयार्के वयागु इच्छा मजुइक छुं घयाः चवन
धाःसा उकेया लिसः जःखतं घयानं अःखःगु अर्थ लुइ । दसुः--

राम-- स्वये हरि जितः न्यातका धेवा ति ।

हरि-- दय्/हवस् छ छु महाराज धकाः धेवा बी मालीका छन्त । थुके
हरि लिसः व्यूगु जःखतं खःसां उकेया अर्थ बीमखु धाःगु खः ।

निपात

भाषाय् थःगु अर्थ थःथम्हं बांलाक कने मफुसां खँपुइ च्वंगु
अर्थयात बांलाक कनेत वइगु खँग्वःयात निपात धाइ । निपात
नाम, सर्वनाम, विशेषण, क्रिया खँग्वःया न्ह्ये, त्युने च्वनाः खँग्वः
अथवा खँपुं धाये त्यंगु अर्थयात अझ बांलाक कना बी । थुकें यानालि
खँपु हिंसिचा दइ । धायेत्यंगु खँ बांलाक थुइ ।

निपात छुं खँग्वःनाप प्यपुना वइमखु । उकिं थ्वयात बिस्कं हे
च्वइ । थ्व आपाः यानाः छगः आखःयागु जुइ ।

विस्मयादि बोधक खँग्वलं मनयागु छकलं कने माःषाय् वइ ।
तर निपात अथे मखु थ्वला खँपुं वा खँग्वलं धायेत्यंगु खँयात बांलाक
कना बी । स्वयेबले विस्मयादि बोधक व निपात उथे-उथे हे च्वं । तर
अर्थ कनेगु ज्या कथं पाः ।

थन क्वय् छुं निपात व उकेया खँपु छयला नं बियाः तःगु दु ।

ग्व— ग्व आःतक नं रिजल्ट पिहां वःगु मखु ।

जकं— आखः ब्वंसा जकं पास जुइका ।

न्हि— छ अले जिथाय् छेय् वा ह्लि ।

ला— व ला संसारय् हे थ्वपूह्य मिसाका ।

ले— छं जित छाय् दाये मालले ।

रे— का याकनं वा रे ।

जाः

(Gender)

भाय्लचनय् मिसा मिजं सी दयेकेत वइगु खँवःयात 'जाः' अथवा 'जात' धाइ । संस्कृत भासं थवयात 'लिङ्ग' धाइ । संसारय् गुलि नं प्राणि दु व फुक्क गुलि मिजंत जुइ, गुलि मिसात जुइ । गुगु खँवः नां कायेबले मिजं धइगु अर्थ थुइ उकेयात बाजाः (पुलिङ्ग) धाइ । गथे— दाजु, किजा, बाः, पाजु, कका, रामबहादुर, हकिष्ण, रविन्द्र, अथे हे खँवः, द्रह, भ्याय्, दुगु । थव खँवलं मिजं धइगु अर्थ कन ।

थथे हे गुगु खँवः नां कायेबले मिसा धइगु अर्थ थुइ, उकेयात माजाः (स्त्रीलिङ्ग) धाइ । मां, तता, केहें, मलजु, तताजु, रामप्यारी, हरिमाया, लक्ष्मी, देवी, कुमारी, मेखुंचा, चवल्य्, फैं, मेय्, सा । थव खँवलं मिसा धइगु अर्थ कन । उकिं थव माजात जुल ।

भाय्लचनय् आपानं ज्याय् छचले दुगु थव हे माजात व बाजात निगू जक खः । थवया बिस्कं मेगु निगू जाः दनि, व खः नपुसक लिङ्ग व सामान्य लिङ्ग । प्राण हे मदुगु जाःयात नपुसक लिङ्ग धाइ । थथे धायबले त्वहं, अप्पा, चा, सिँ, मेव, छेँ, बुँ, कापि, कलम इत्यादि फुक्कं नपुसक लिङ्ग खः ।

प्राण दयानं मिसा मिजं धकाः सी मदुगु जाःयात 'सामान्य लिङ्ग' धाई । थवयात संस्कृत भासं 'उभय लिङ्ग' नं धाः । थव धयागु मनू, पासा, खिचा, हँय्, धुँ, भालु इत्यादि । थव धायेबले प्राण दुपि

धकाः सी दुसा मिसा मिजं धकाः सी मडु । मनू धायेबले मिसाह्य नं जुइफु, मिजंह्य नं जुइफु । थथे हे पासा धायेबले मिसा-मिसातय् पासा जुइफु, मिजं-मिजंतय् पासा नं जुइफु । थुलि जक मखु मिजंतय् मिसा पासा नं जुइफु, मिसातय् मिजं पासा नं जुइफु । थुकथं मिसा मिजं सी मडुगु जुयाः थ्वयात सामान्य लिङ्ग धाःगु खः ।

जाः हिलेज्या

बाजात खँग्वःयात माजात यायेगु, अथे हे माजात खँग्वःयात बाजात यायेगु ज्यायात 'जाःहिलेज्या' (लिङ्ग परिवर्तन) धाइ । गथे 'ज्यापु', थ्व बाजात खँग्वः खः । थ्व ज्यापु खँग्वःयात 'ज्यापुनी' धायेबले माजात जुल । अथे हे स्यस्यः खँग्वः स्येति धायेबले माजात जुल । थन च्वय् ज्यापु खँग्वलय् ल्युने 'नी' आखः तनेवं माजात जुल । तर स्यस्यः खँग्वःया ल्युने स्यस्यःनी धाइ मखु । 'स्येति' जक धाइ ।

थथे विभिन्न कथं जाः हिलेज्यु । थन क्वय् थुकेया छुं नियम दु ।

जाः हिलेबले आपाः यानाः बाजात खँग्वःया ल्युने 'नी' तया माजात दयेके ज्यु । थ्व जाः हिलेगु सामान्य नियम खः । थ्व आपाः यानाः मनूया जात, थरय् थथे 'नी' तयाः हिली । गथे—

<u>बाजाः</u>	<u>माजाः</u>	जोगी	जोगिनी
उराय्	उराय्नी	जोशि	जोशिनी
कसाः	कसाःनी	ज्यापु	ज्यापुनी
कुह्याः	कुह्याःनी	द्वि	द्विनी
कुलु	कुलुनी	घोव्या	घोव्यानी
कौ	कौनी	नेवाः	नेवानी
खय्	खय्नी	नौ	नौनी
खुसः	खुसःनी	पुं	पुनी

छिपा	छिपानी	सुवा:	सुवा:नी
मस्या	मस्यानी	खुँ	खुँनी
मालि	मालिनी	गामा:	गामा:नी
लामा	लामानी	जनेल	जनेलनी
सा:कि	सा:किनी	द्वारे	द्वारेनी
साय्मि	साय्मिनी	पण्डित	पण्डितनी
गथु	गथुनी	बरे	बरेनी
च्यामखल:	च्यामखल:नी	बमूँ	ब:मुनी
भा:	भा:नी	पाख्या	पाख्यानी
च्यामि	च्यामिनी	मालिक	मालिकनी
मग:	मग:नी	साहु	साहुनी
		महाजन	महाजननी

छुं थासय् च्वंविमनूतय् ल्युने नं 'नी' तया माजा: य:येज्यु ।

खपय्	खपनी	यलय्	यलय्नी
येँमि	येँमिनी	सँमी	सँमिनी

छु पद, स्वभाव, ज्या अनुसारया खँग्व:या ल्युने नं 'नी' तया: माजा: खँग्व: दयेकेज्यु ।

जा: हिलेबले खँग्व:या न्ह्योने 'बा' व 'मा' ग्राख: तया नं जा: हिलेज्यु । थथे हिलेबले बाजातया न्ह्योने 'बा' तयेगु । अले माजातया न्ह्योने 'मा' तयेगु । थ्व नियम पसु पछिया नामय् जू । गनला मनूतय् त नं जू

बाकिसि
बाखिचा
बा:खुं

माकिसि
माखिचा
माखुं

वाछु	माछु
बाझंगः	माझंगः
बाधु	माधु
बाध्वं	माध्वं
बासल	मासल
बाह्य	माह्य
बाःजु	माजु
बाःह्य	माह्य

बाजाः खँग्वःया ल्युने च्वंगु आखःयात इकार यानाः माजाः

यायेगु धाँचाः--

बाजाः	माजाः
अँला (Semi dump man)	अँलि
कुमार	कुमारी
खुसु/ख्वाँय्	खुसि
गलःदाः/गलःरा	गलःरि
छुकाः/व्छा	छुकि/व्छारि
थकाः	थकि
बुरा	बुरि
बोक्सा	बोक्सि
लाता	लाति

मुलि-गुलि बाजाः खँग्वःया ल्युने आखः सुलाः च्वंगु दयेयो ।
यदि थथे सुलाः च्वंगु दुसा व सुलाः च्वंगु आखः लुइकेगु, अले लुयाः
वःगु आखःयात इ-बां यायेगु । माःछि कथं ह्यने च्वंगु आखल्य नं
हिलाबला यायेगु । थथे याना नं बाजाःया माजाः यायेज्यू ।

बाजाः	तनाच्वंगु आखः	माजाः
	लुयाः वःगु खँग्वः	
का	कान	कनि

ग्वाज्यः	ग्वाज्यल	गवर्लि
नायो	नायक	नर्कि
प्वः	प्वर/प्वल	प्वरि
लाखय्	राक्षस	लःसि
ह्वाज्यः	ह्वाज्यल	हवर्लि

खँग्वःया ल्युने च्वंगु ग्राखःयात इ-बां याना माःछि कथं न्ह्यंने
 च्वंगु ग्राखःत नं हिलाबला यानाः बाजाःया माजाः यायेज्यु

<u>बाजाः</u>	<u>माजाः</u>
च्वाकबाः)	च्वाकी
च्वापुकाः)	
ज्याथः	जिथि
तंकुलु	तंकालि
नाय्	नइं/नै
यारपा	यार्लि
ल्याय्हा	ल्यासे/ल्यासि
वेय्	उइं
स्यस्यः	स्येति
स्वँथाः	स्वर्कि

निगू खँग्वः स्वानाः दयेकाः तःगु खँग्वलय् न्ह्यंने च्वंगु खँग्वः
 जक हीका नं माजाः यायेज्यु, ल्युने च्वंगु खँग्वः जक हीकाः नं माजाः
 याये ज्यु ।

न्ह्यंने च्वंगु खँग्वः हिलाः

<u>बाजाः</u>	<u>माजाः</u>
थुमेय्	मामेय्
थुसा	मासा
मिजंमचा	मिसामचा

काय्मचा

भोमचा

बाःजु

माजु

ल्युं ने च्वंगु खँग्वः हिलाः

गुरु/गुरुजु/गुरुब्बा/गुरुबा

गुरुमां

चिरिबाः/चिरिब्बा

चिरिमां

तरिबा/तरिब्बा

तरिमां

तापाः बाज्या

तापाः बजे

द्योभाजु

द्योमय्जु

ध्वंब्बा

ध्वंमा

भिचाभाजु

भिचा मय्जु

ससः अबु/ससःबु

ससःमां

खँग्वः हे हिलाः बाजाःया माजाः यायेगु धाँचा

बाजाः

माजाः

च्यो

भ्वाति

बागः

भुतु

पसु पंछिया परिवारय् नं थ्व हे धाँचा जुइ--

खँगः

खा
माखा
मेखुं चा

दुगु

चत्रलय्

ढह/ढं

सा

भ्याय्

फै

मनूया परिवारय् नं थ्व हे धाँचा दुइ ।

अबु/बबु/ब्बा/बु/बाः

मां

आचाःजु

अजिमां

आजा/बाज्या/आजु

अजि

कका	मामा
काय्	म्हयाय्/भौ
काय् चा	म्हयाय् चा/भौ
किजा	केहे/भौ
किजाभत	भौ
जिचापाजु	डिडि
जिलाजं/जिचाभाजु	म्हयाय्
त्वाय्	त्वाय्भत
ददाभत/दाजुभत	तताजु/पीत/पीभत/भ्वत
दाजु	भ्वत/तताजु/तता
पाजु	डिडि/मलजु
बाज्या	बजे
व्वा:जु	विरिमां
भाजु	मय्जु
भा:त	कला:
मिजं	मिसा

बचं

(Number)

भाय्लचनय् छगू, छहा वा यक्व धकाः सी दययेकीगु खँवःयात 'बचं' धकाः धाइ । श्वयात संस्कृत भासं 'वचन' धाइ । नेवाः भासं श्वयात 'ह्य' धकाः नं धायेगु याः ।^१ श्वयात मेकथं धायेबले छगू वा यक्व धकाः ल्याः थुइकथं नां, मंकाःनां व ब्राय्सु खँवःयात बचं धाइ । गथे—मनू । मनू धायेबले थन छहा धकाः जक सी दु । अले मनूत धायेबले यक्व धकाः सी दु । थुकथं थन मनूया ल्युने 'त' तयाः छहा मनू व यक्व मनू धकाः सी दयेकूगुयात हे 'बचं' धकाः धाःगु खः ।

बचंया ता

बचं निताजि दु (१) छबचं, (२) तःबचं ।

१) छबचं धायेबले छहा, छता, छगू, छकू, छथी, छपा, छजु इत्यादि ह्यछिया ल्याः जुइ । थुकेयात छबचं धाइ ।

२) तःबचं धाकेबले निहा, निता, निगू अथवा निगुलिं अप्वः यक्वया थुइकीगु बचंयात तःबचं धाइ । गथे— मनूत, मचात, मिजंत, पासापिं, दाजुपिं इत्यादि ।

१. मूलुखा (बःधंगु बैज्ञानिक भाय्लचं) इस्वरानन्द; पिकाक मय्जु सुधा; वि. सं. २०२१; पौ. ६

छबचनं तःबचनय् यनेगु धाँचा—छबचनं तःबचनय् यनेगु
स्वंगू लँपु दु ।

१) खँग्वःया ल्युने 'त' आखः स्वानाः तःबचं यायेगु लँपु ।
'त' आखः फुक्क ताजिया पसु, पँछिया नांया ल्युने 'त' तयाः तःबचं
याइ ।

नां (Noun)

छबचं	तःबचं	छबचं	तःबचं
इखुं चा	इखुं चात	न्या	न्यात
इमू	इमूत	पति	पतित
इमा	इमात	फै	फैत
किसि	किसित	बखुं	बखुत
क्वः	क्वःत	भुजि	भुजित
ग्वंगः	ग्वंगःत	माकः	माकःत
च्वलय्	च्वलय्त	सा	सात
छुँ	छुँत	हा	हात
ध्वं	ध्वंत	हँय्	हँय्त

मनूया ल्युने नं 'त' तयाः तःबचं याः

च्यो	च्योत	मिसा	मिसात
मचा	मचात	मिजं	मिजंत
मनू	मनूत	बुरा	बुरात

मनूया थरय्

कुह्याः	कुह्याःत	जुगि	जुगित
कौ	कौत	ज्यापु	ज्यापुत
गथु	गथुत	साय्मि	सायमित

मनूया जातय्

कामि	कामित	नेवाः	नेवाःत
खय्	खय्त	मगः	मगःत
थारु	थारुत	मस्यार्	मस्यार्त

गुगुं थासय् च्वंयि मनुतय्त

किपूमि	किपूमित	येमि	येमित
खवपय्	खवपय्त	यलय्	यलय्त
भ्वंमि	भ्वंमित	थक्वाःमि	थक्वाःमित

देय्या जातिइ

अंग्रेज	अंग्रेजत	रसियन	रसियनत
चिनिया	चिनियात	पाकिस्तानी	पाकिस्तानीत
भारतिय	भारतियत	जापानी	जापानीत

पेसा हुनाच्वंपिन्त

ज्यामि	ज्यामित	पसल्या	पसल्यात
थकःमि	थकःमित	सिकःमि	सिकःमित
दकःमि	दकःमित	सुवाः	सुवाःत

मनूया दर्जाय्

द्वारे	द्वारेत	पुलिस	पुलिसत
मन्त्री	मन्त्रीत	सिपाहि	सिपाहित

ब्वाय्सुइ

धर्मात्मा	धर्मात्मात	कां	कांत
पापि	पापित	खू	खूत
मूर्ख	मूर्खत	बुरा	बुरात

ख्वाँय्	ख्वाँय्त	ल्याय्हा	ल्याय्हात
पाकः	पाकःत	मुल्याहा	मुल्याहात

चवय् न्ह्यथनागु दक्क थासय् अःपुक ल्युने 'त' तया तःबचं यायेज्यु । व्वाय्सु छगूली बिचाः यांनाः तःबचं यायेमाः । मनू थुइकीगु अथवा मनूतय्त जक छयलीगु व्वाय्सुइ जक 'त' तयाः तःबचं यायेज्यु, मेगु व्वाय्सुइ यायेमज्यु ।

२) खँवःया ल्युने 'पि' आखः स्वानाः तःबचं यायेगु लँपु । थन ववय् बियाःतकथं थीथी थासय् 'पि' तयाः तःबचं यायेज्यु ।

क) फुक्ककथंया थःथिति खँवःया ल्युने 'पि' तयाः तःबचं यायेज्यु ।

अजि	अजिपि	छय्	छयपि
कका	ककापि	पाजु	पाजुपि
किजा	किजापि	म्ह्याय्	म्ह्याय्पि
केहें	केहेंपि	मां	मांपि

ख) हनेमाःपि मनूतय्त-

काजि	काजिपि	भाजु	भाजुपि
गुरु	गुरुपि	मय्जु	मय्जुपि
जुजु	जुजुपि	मालिक	मालिकपि
द्यः	द्यःपि	राजकुमार	राजकुमारपि
भन्ते	भन्तेपि	लामाजु	लामाजुपि

ग) मंकाःनामय्-

उह्य	उपि	थुह्य	थुपि
छ	छपि	थ्व	थुपि
छलपोल	छलपोलपि	थ्वय्क	थ्वय्कपि
छि	छिपि	व	इपि

जि	जिपि	वय्कः	वय्कःपि
झी	झीपि	वसपोल	वसपोलपि
थः	थःपि	हुँ	हुँपि

तर न्ह्यसः थुइकीगु (प्रश्न वाचक) मंकाः नामय् धाःसा 'त' अथवा 'पि' छु नं चवती मखु । बरू व हे खँवःयात निकः (द्वित्व प्रयोग) छचलाः तःबचं याइ ।

ग्व ?	ग्वग्व ?	सु ?	सुसु ?
छु ?	छुछु ?	सुनां ?	सुनांसुनां ?

घ) व्वाय्सुइ तःबचं यायेबले 'पि' तयाः यायेज्यू धकाः धइगु नियम चवय् वने धुकल । गनं गनं 'त' तयाः नं तःबचं यायेज्यू । अझ गनं गनं धाःसा 'त' व 'पि' नितानं तयेज्यू ।

गंसि	गंसिपि	पयाफः	पयाफःपि
चुलु	चुलुपि	बांलाः	बांलाःपि
तधं	तधंपि	मि	मिपि
तुयु	तुयुपि	यचु	यचुपि

'पि' व 'त' तयाः तःबचं यायेगु—

पापि	पापिपि	पापित
हारांखवं	हारांखवंपि	हारांखवंत
तंकालि	तंकालिपि	तंकालित
मूर्खं	मूर्खपि	मूर्खत
तःमि	तःमिपि	तःमित
चीमि	चीमिपि	चीमित
ख्वाँय्	ख्वाँय्पि	ख्वाँय्त
कां	कांपि	कांत
खू	खूपि	खूत

यासु

यासुयात व्यायसु दयेकाः उकेयात तःबचं यायेज्यु । यथे याये-
बले निगूकथं यायेज्यु ।

१) मूल क्रियां परअमूत क्रिया दयेकेगु, परअमूत क्रियां व्यायसु
दयेकेगु, अले तःबचं दयेकेगु ।

२) मूल क्रियां स्वभाव थुइका क्रिया दयेकेगु, स्वभाव थुइका
क्रियां व्यायसु दयेकेगु, अले तःबचं दयेकेगु । गथे—

पर अमूक व स्वभाव			
मूल क्रिया	थुइका क्रिया	व्यायसु	तःबचं
नये	नइ	नइम्ह	नइपि
नये	नः	नःम्ह	नःपि
त्वने	त्वनी	त्वनीम्ह	त्वनीपि
त्वने	त्वं	त्वंम्ह	त्वंपि
हाले	हाली	हालीम्ह	हालीपि
हाले	हाः	हाःम्ह	हाःपि
दिके	दिकी	दिकीम्ह	दिकीपि
दिके	दिकू	दिकूम्ह	दिकूपि
म्हते	म्हती	म्हतीम्ह	म्हतीपि
म्हते	म्हतू	म्हतूम्ह	म्हतूपि

कारक (Case)

छगू खँपुइ नां (Noun), मँकाःनां (Pronoun) व
ब्याय्सु (Adjective) या मेगु खँग्वः नाप विशेष यानाः यासु
(Verb) नाप स्वापू तयाः पूवं कीगु ज्यायात हे 'कारक' (Case)
धाइ । गथे—राजुं दाल, राजुयात दाल, राजुयानिति जि वना, राजु
खना जि गयाः, राजुयाके ग्वाहालिका । थुके राजु (नां) या विभिन्न
अवस्थाय यासुनाप स्वापू दु । ह्लापांगु खँपुइ राजु ज्या याइहा जुल,
निगूगु खँपुइ राजु कसाः तयाः च्वंहा जुल । अथे हे रामया काय्
मभि । थुके रामया स्वापू काय् नाप जुल ।

विभक्ति

चवय् न्हययना थें छुं खँपुइ थथे स्वापू तयेत्रले गुगु-गुगु खँग्वःया
दथुइ स्वापू तयेगु ज्या जुइ अन स्वापू कयनेत छुं चिचात माः । चवय्या
दसुइ रामया ल्युने 'या' वल । थ्व 'यां' हे राम व काय्या दथुइ स्वापू
दु धकाः कयन । थ्व वियात हे विभक्ति धाइ ।

कारकया ता

कारक च्याताजि दु—

१) कर्ता कारक

२) कर्म कारक

३) करण कारक

४) सम्प्रदान कारक

५) अपादान कारक

६) सम्बन्ध कारक

७) अधिकरण कारक

८) सम्बोधन कारक

१) कर्ता कारक—छुं खँपुइ गुगु खँग्वलं ज्या याइ दयात संस्कृत कर्ता कारक धाइ । अले व कर्ता कारकय् च्वं वइगु चियात प्रथम विभक्ति धाइ । गथे- 'हरि जा नल ।' थ्व दसुइ हरि धयाहसैं जा नयेगु ज्या यात । उकिं हरि कर्ता (याक) कारक (Nominative Case) जुल । हरिया च्वय् सित्तःफुति च्वंवल । व प्रथम विभक्तिया चि जुल । तर गनं-गनं धाःसा कर्ता कारकया च्वय् सित्तःफुति च्वं मवये नं यो । उकिं थ्व निथी दइगु जुल ।

क) यदि छुं खँपुइ कर्मकाः यासु (Transitive verb) वल धाःसा कर्ताया च्वय् सित्तःफुति च्वंवल । गथे- रामप्रसाद इनाप-पौ लःथ्यात । जिं आखः च्वया । थुके रामप्रसाद व जि कर्ता कारक जुल । लःथ्यात व च्वया कर्मकाः यासु जुल । उकिं कर्ताया च्वय् प्रथम विभक्तिया चिया रूपय् सित्तःफुति च्वंवल ।

ख) यदि छुं खँपुइ कर्ममकाः यासु (Intransitive verb) वल धाःसा कर्ताया च्वय् प्रथम विभक्तिया चिया रूपय् छुं चि च्वं वइ मखु । गथे- मचा छन । हरि वल । थन मचा व हरि कर्ता जुल । छन व वल कर्ममकाः यासु जुल । उकिं कर्ताय् छुं नं चि च्वं मवल ।

२) कर्म कारक (Objective Case) कर्ता याःगु ज्या सुयाके अथवा छुके पूवनी उकेयात कर्म कारक धाइ ।- गथे रामं हरियात धाल । श्यामं ल्वहं तछ्यात । थुके राम व श्याम कर्ता जुल । धाल व तछ्यात यासु जुल । थन रामं धायेगु ज्या याःगु हरियाके वनाः पूवन । श्यामं ल्वहं तछ्यायेगु ज्या याःगु ल्वहंतय् वनाः पूवन । उकिं हरियात व ल्वहं कर्म कारक (Objective Case) जुल । अले द्वितीय विभक्ति चिया रूपय् हरिनाप 'यात' वल । तर ल्वहं नाप छुं मवः । उकिं थन द्वितीय विभक्ति निथिकं दइगु जुल ।

क) यदि कर्म कारक जुयाः वःगु खँवः सजीव जुल धाःसा अन 'यात' वइ । गथे— वं मचायात न्वात । हरि दाजुयात धाल । थन कर्म कारक जुयाः वःगु मचा व दाजु सजीव जुल । अथे जुया कर्म कारकया विभक्ति चिया रूप्य 'यात' वल ।

ख) यदि कर्म कारक जुया वःगु खँवः निर्जीव जुल धाःसा उकेया ल्युने द्वितीय विभक्ति चिया रूप्य छुं न वइ मखू । गथे— रामं त्वहं तछ्यात । थन त्वहं कर्म कारक जुल । थ्व निर्जीव जूगुलि थन द्वितीय विभक्तिया चिया रूप्य छुं न मवल ।

३) करण कारक (Instrumental Case) कर्ता छुं छगू ज्या याइबले छुं छगू वस्तुया ग्वाहालि काइ । थथे ग्वाहालि कयागु वस्तुयात 'करण कारक' धाइ । गथे— रामं कथि खिचायात दाल । हरि अर्प्पां माकःयात कयेकल । थुके रामं खिचायात दायेत्यंबले कथिदा ग्वाहालि काल । हरि माकःयात कयेकेत्यंबले अर्प्पाया ग्वाहालि काल । अथे जुया कथि व अर्प्पा करण कारक जुल । अले तृतीय विभक्तिया चिया रूप्य 'सिह्लःफुति च्वंवइ' । उकि कथि-या कथि जुल, अर्प्पा-या अर्प्पां जुल ।

४) सम्प्रदान कारक (Dative Case) संस्कृत भाषाय लित मकाये कथं सुयातं छुं वस्तु बियेगु ज्यायात सम्प्रदान धाइ । सुयातं छुं बियेगु अथवा सुयागु निंति छुं याना बीगुयात सम्प्रदान कारक धाइ । दसु कथाः स्वये—रामं हरियात धेबा बिल, रविन्द्रं कविन्द्रयात ज्या यानाः बिल, कलमयात मसि मदयेक मगाः । थन रामं हरियात अथवा हरिया निंति धेबा बिल, रविन्द्रं कविन्द्रया निंति ज्या यानाः बिल । अथे हे कलमया निंति मदयेक मगाःगु मसि खः । उकि हरियात, कविन्द्रयात व कलमयात सम्प्रदान कारक धाइ । थ्व चतुर्थ विभक्ति खः । थुके विभक्ति चिया रूप्य यात, या निंति, या लागि वइ ।

५) अपादान कारक (Ablative Case)— संस्कृत भाषाय् चीकेगु ज्या अथवा छे व्हयेगु ज्या अथवा व्यागलं तयेगु ज्या-यात अपादान धकाः धाइ । थन नं छगू थासं अथवा छगू वस्तुलि मेगु वस्तु चिला वन धाःसा अथवा तापानाः वन धाःसा उकेयात अपादान कारक धाइ । गथे कि— फय्खतं मनू कुतुबल, रामयाके जि ज्याला कया । थव निगू दसुइ फय्खतं मनू तापात, रामपाखें ज्याला तापात । उकिं फय्खतं व रामयाके अपादान कारक जुल । अले विभक्ति चिया रूपय् “सिह्लःफुति” व “याके” वल । थवयात पञ्चमी विभक्ति धाइ । थुकथं थन पञ्चमी विभक्तिया चि निथिकं दत ।

क) यदि ज्यान दुहा प्राणि अथवा मनू, पँसु, पंछि इत्यादि पाखें छु वस्तु अथवा सुं प्राणि तापानाः वन धाःसा अन विभक्ति चिया रूपय् “याके” अथवा “सिके” वइ । गथे धाःसा जि दयाके धेवा कया, रामयाके श्यामं धेवा काल, छँके (छ याके) वं कलम काल, जिके (जि याके) वं लाकां काल । थन वयाके, रामयाके, छँके (छ याके), जिके (जि याके) पाखें धेवा, कलम, लाकां व्यागलं चवन । अथे जुया वयाके, रामयाके, छँके, जिके फुक्कं ज्यान दुगु अथवा प्राणिवाचक खँवः जुल । उकिं थन विभक्ति चिया रूपय् याके वल । अझ यदि व्वाय्सुयात हे अपादान कारक यात धाःसा “याके” मवःसे “सिके” वइ । दसु-ल्होम्हय्सिके हि काल, गंसिम्हय्सिके चःति तिसिया काल । थन ल्होम्ह व गंसिम्ह व्वाय्सु जुया “याके” मवःसे “सिके” वल ।

ख) यदि ज्यान मदुगु वस्तु पाखें छु वस्तु तापाना वन धाःसा अन विभक्ति चिया रूपय् “” (सिह्लःफुति) च्वंवइ । इयालं मचा कुतुबल, ह्मिचां धेवा तुलाः वल, पहाडं ल्वहं तुलाः वल । थन इयालं, ह्मिचां, पहाडं मचा, धेवा, ल्वहं तापाना वन । अथे जुया इयालं, ह्मिचां पहाडं अपादान कारक जुल । थव खँवः फुकं ज्यान मदुगु वस्तु जुयाः थन विभक्ति चिया रूपय् “” (सिह्लःफुति) च्वंवल ।

६) सम्बन्ध कारक (Genetive Case)— सुया छु नाप स्वापू दुगुयात सम्बन्ध धाइ । थुकथं स्वापू धयांगु हे सम्बन्ध खः । नां, मंकाःनां (सर्वनाम) व व्वाय्सु (विशेषण) या मेगु छु खँग्वःनाप छु स्वापू दस धाःसा उकेयात सम्बन्ध कारक धकाः धाइ । रामया पाजुपिं किपुली दु । कलमया मसि दराजय् दु । थन रामया पाजुपिं नाप स्वापू दु, कलमया मसि नाप स्वापू दु । उकिं थन 'रामया' व 'कलमया' सम्बन्ध कारक । अले विभक्ति चिया रूपय् 'या' वल । यथे सम्बन्ध कारकया रूपय् च्वंवइगु विभक्तियात षष्ठी विभक्ति धाइ । सम्बन्ध कारकय् विभक्ति चिया रूपय् 'या' जक मजूसे 'किया' व 'सिया' नं वइ । थ्व स्वरुलि छथाय् हे मवःसे विभिन्न थासय् वइ । थ्व थथे खलेदु—

क) ज्यान दुगु व्वाय्सु खँग्वःया सम्बन्ध कारक दयेकेबले विभक्ति चिया रूपय् 'सिया' वइ । व थथे खः— बांलाःह्यसिया ख्वाः च्वला नइ, ज्या सःह्यसिया ल्लाः च्वलाः नइ, थन बांलाःह्यसिया, ज्या सःह्यसिया व निगुलिं ज्यान दुगु व्वाय्सु जुया थन विभक्ति चिया रूपय् 'सिया' वल ।

ख) ज्यान मदुगु मंकाःनां खँग्वःया सम्बन्ध कारक दयेकेबले विभक्ति चिया रूपय् 'किया' वइ । ज्यान मदुगु मंकाःनां (सर्वनाम) धइगु थ्व, व, हुँ, आम, गुगु, छु, उगु खः । थुकियागु सम्बन्ध कारक दयेकेबले विभक्ति चिया रूपय् 'किया' वइ । दसु—

थ्व/थुकिया पुसा गन वन ।

व/उकिया नकि तने धुकल ।

हुँ/किया तुति त्वःलहुइ धुकल ।

आमकिया पुथु चःवुन ।

गुगु/गुकिया खँ हे मदये धुकल ।

छुकिया खँ थ्व ?

उगु/उकिया पुसा तन ।

थन च्वय् थुकिया, उकिया, हुँ, आभकिया, गुकिया, छुकिया
 थ्व फुक्क ज्या मदुगु मंकाःनां खः । उकिं थुकिया सम्बन्ध कारक दयेकू-
 बले विभक्ति चिया रूप्य् 'किया' वल । तर थौकन्ह्य् 'किया' पलेसा
 'केया' जुया वःगु दु ।

ग) च्वय्या खँ बाहेक नां (नाम) खँवःया व ज्यान दुगु
 मंकाःनां (सर्वनाम) या सम्बन्ध कारक दयेकेबले 'या' विभक्ति चि
 जुयाः वइ । वास्तव्य् थ्व 'या' धयागु 'यागु' व 'याह्य' या चीहाकगु रूप
 जक खः । दसु कंयाः स्वये रामया तपुलि बांलाः, रामया म्ह्याय्
 बांलाः । थन 'राम' प्राणि-वाचक जुल । वया तपुलि (अप्राणि वाचक)
 व म्ह्याय् (प्राणि वाचक) नाप सम्बन्ध दत । उकिं 'रामया' सम्बन्ध
 कारक जुल, अले कारक चि 'या' जुल । वास्तव्य् रामया अप्राणि
 वाचक तपुलि नाप स्वापू दुबले विभक्ति चि 'यागु' वइ । अले रामयागु
 तपुलि बांलाः जुइ । अथे हे रामया प्राणि वाचक म्ह्याय् नाप स्वापू
 तःबले विभक्ति चि 'याह्य' जुइ । अले रामयाह्य म्ह्याय् बांलाः जुइ ।

थुकथं हे ज्यान दुगु मंकाःनांया सम्बन्ध कारक दयेकेबले नं 'या'
 जक मजुसे 'याम्ह' व 'यागु' हे जुइमा । प्राणि वाचक खँवःनाप स्वापू
 तइबले याह्य वइ । अप्राणि वाचक खँवःनाप स्वापू मइबले 'यागु'
 वइ । साधारण कथं काइबले जक 'या' वइ । अझ ह्यापह्य (First
 Person) व लिपाह्य (Second Person) सम्बन्ध कारक दयेके-
 बले 'या' तक हे मवःसे 'गु' व 'ह्य' जक वइ ।

रामया घडि तज्यात । रामयागु घडि तज्यात

हरिया तुतां त्वःल्हुत । हरियागु तुतां त्वःल्हुत ।

रामया म्ह्याय् ख्वल । रामयाह्य म्ह्याय् ख्वल ।

हरिया खिचा सित । हरियाह्य खिचा सित ।

वया चुरि तज्यात । वयागु चुरि तज्यात ।

थ्वया चुरि तज्यात । थ्वयागु चुरि तज्यात ।

ह्याचः च्वय् थ्व, व, हुँ, आभ, छु इत्यादि मंकाःनां ज्यान

मदुगुयात थुइकीगु खःसा यदि प्राणि वाचक यानाः छ्यल धाःसा 'या', 'यागु', 'याम्ह' यानाः हे ल्यली ।

वया म्हयाय् सित । वयाह्य म्हयाय् सित

थ्वया म्हयाय् सित । थ्वयाह्य म्हयाय् सित

थन व, थ्व यात प्राणि वाचक यानाः प्राणि वाचक नाप हे स्वापू तःगुलि 'या' व 'याम्ह' यानाः छ्यल । थथे हे हुँ, छु ग्राम यात हे थथे यानाः छ्यले ज्यु ।

७) अधिकरण कारक (Locative Case)— कर्ता छुं ज्या गनं अथवा गुगुं थासय् तयाः ज्या याइ, व ज्या याःगु थाय् थुइकीगु कारकयात अधिकरण कारक धकाः धाइ । दसु—जि पसलय् सफू तया, जि छैनय् स्वां तया । थ्व निगू दसुली जि पसलय् सफू तयेगु ज्या याना, अले छैनय् स्वां तयेगु ज्या याना । उकि पसलय् व छैनय् अधिकरण कारक जुल । छाय्धाःसा जि ज्या यानागु पसः व छ्यं धइगुली खः । उकि थ्व नितां थाय् थुइकीगु खँवः खः । अले विभक्ति चिया रूपय् थुइकीगु 'य्' खः । उकि थ्वयात सप्तमी विभक्ति धाइ । थथे सप्तमी विभक्ति थुइकी चि प्यताजिया दु । —किइ/केः— यदि ज्यान मदुगु मंकाःनां (सर्वनाम) या अधिकरण दयेके माल धाःसा सप्तमी विभक्ति चिया रूपय् 'किइ' अथवा 'के' वइ । थुंकेया पुलांगु रूप 'किस' खः । दसु कयाः स्वये—थुकिइ/थुके गुचा निगः दु । उकिइ/उके मुस्या स्वगः दु । ग्रामकिइ/ग्रामके वछचुं दु । हुंकिइ/हुंके छु दु ? छुकिइ/छुके नं जाकि मदु ।

केः— मंकाःनांया न्हापह्य (प्रथम पुरुष) लिपाह्यसिके (द्वितीय पुरुष) सप्तमी विभक्ति चिया रूपय् 'के' वइ । दसु—जिके धेवा दु । छुके बजि दु ।

याकेः— प्राणि वाचक नां खँग्वलय् 'याके' वइ । रामयाके धेवा दु । हरिप्राके सफू दु । मेह्य (तृतीय पुरुष) थुइकीगु मंकाःनां

(सर्वनाम) खँवलय् नं 'याके' हे वइ ।-- वयाके धेवा दु ।

सिके:-- यदि छुं ब्वाय्सु (विशेषण) खँव:यात प्राणि वाचक
खँव: थुइका छ्यल धा:सा थन नं 'सिके' वइ । ज्ञां दुहसिके बुद्धि
दइ । भिहसिके माया दइ । धनिहसिके धेवा दइ ।

चव्य् चवंगु खँ बाहेक व्यवहारय् आपालं आपा: सप्तमी विभक्ति
चिया रूपय् छचलीगु चि 'य्', 'इ' ख: । थ्व निगुलि ज्यान मदुगु नां
खँवलय् छचलीगु ख: ।

य्:-- खँव:या ल्युने अ, अं, अः, आ, आं, आः, ई, ईं, ए,
ऐ-बां ववचा:गु जुल धा:सा उकेयात सप्तमी विभक्ति दयेकीबले 'य्'
आख: वइ । दसु कया: स्वये--कलम-कलमय् किताब-किताबय् ।

अं-- कं कँथय्, भ्वं-भ्वँतय्

अः-- धव:- धवतय्, भेग:- भेगतय्

आ-- खापा-खापाय्, मिखा-मिखाय्

आं-- बरां-बरांतय्, छां-छामय्

आः-- घा:-घालय्, प्वा:-प्वाथय्

ई-- धी-धिकय्, पी-पिकय्

ईं-- न्कि-नकिमय्, धलि-धलिमय्

ए-- भुते-भुतेय्, के--केय्

ऐ-- कै/कइ-कैलय्, खै-खैलय्

इ-- खँव:या ल्युने इ, ई, उ, उँ, औ कारं ववचा:गु जुल
धा:सा उकेयात सप्तमी विभक्ति दयेकीबले 'इ' आख: वइ । दसु--

इ-- कथि-कथिइ, बजि-बजिइ

ईं-- सिँ-सिँइ, तिँ-तिँइ,

उ-- न्हकु-न्हकुइ, कथु-कथुइ

उँ — कुँ-कुँइ, बुँ-बुँइ
अँ — झौ-झलिइ, धौ-धलिइ

तर उंकार छगुलिइ धा:सा 'य्' नं व: 'इ' नं व:— कुं-कुनय्,
तुं-तुँयिइ ।

८) संबोधन कारक (Vocative Case)— सुयातं
स:तेगु ज्यायातं सम्बोधन धका: धाइ । भाय्लचनय् सुनानं सुयातं
थ:पाखे स्वकेत छचलीगु खँव: अथवा चियात सम्बोधन कारक धाइ ।
थथे छचलीगु चि स्वथिकं खने दु- अय्, हे, यो ।

थ: ज्वलिज्व:पि व थ:यां क्वकालिपित 'अय्', 'हे' छचली ।
अय्/हे रामबहादुर, छिमि दाजु छेय् दुला ।

थ:थिति व थ:यां थकालिपित 'यो' छचली योबा: जित:
छलका धेवा ति । यो पाजु, छं जानये धुंनला ?

थ:हसैं यक्व हनेमा:पित नं 'हे' छचली । हे भगवान थुगु
जाँचय् जि पास जुइमा ।

खँग्वः ज्याना

(Word Building)

छगः वा छगलं अण्वः आखः मिले जुयाः छगू खँ थुइकीं गु आखः वा आखः पुचःयात 'खँग्वः' (word) धकाः धाइ । अले थव खँग्वः दयेकेगु ज्यायात खँग्वः ज्याना (शब्द रचना word building) धाइ ।

खँग्वः नित्ताजिया दु ।

१) मू खँग्वः (मूल शब्द Primitive word)

२) ज्याना खँग्वः (व्युत्पन्न शब्द Darivative word)

मूल खँग्वः धइगु मेगु आखः त्वाकछ्यानाः अथवा मेगु खँग्वः त्वाकछ्यानाः दयेका मतःगु थःगु हे अर्थ पूर्णगु खँग्वःयात मू खँग्वः धकाः धाइ । गथे-यासुहा आखः क (कने), ख (खने), ग (गने), च (चने), छ (छने), जा (जाये), झ (झने), त (तने) थुकथं हानं कइ, कौ, कका, ककु, कँ, कं, कँय्, कुँ, खुँ, गुँ, ग्वय् छौ इत्यादि । थुके छुं नं न्हयतँसा लितँसा तयाः न्हूगु खँग्वः दयेकातःगु मदु । थःथम्हं हे स्वतन्त्रगु खँग्वः खः । ज्यानाः खँग्वः धइगु मू खँग्वल्य् मेगु छुं तयाः अथवा मू खँग्वलं दयेकातःगु खँग्वः खः । थयागु खँग्वः-यात ज्याना खँग्वः अथवा व्युत्पन्न शब्द धकाः धाइ । दसुकाये च्वय् मू खँग्वःयागु । 'क' मू खँग्वः खः । थुके कनाखँ, कनीह्वा, अथे हे 'क' मू खँग्वलं कंस्वां, कंगथः । थथे मू खँग्वलं "ज्याना खँग्वः" (व्युत्पन्न शब्द)

दयेकी । श्व ज्याना खँग्वः नं स्वताजिया दु ।

१) कृदन्त खँग्वः Primary derivative.

२) तद्धितान्त खँग्वः Secondary derivative.

४) चिनाग्वः Compound word.

कृदन्त खँग्वः

यासुया म् आखल्य् अथवा यासुहाय् छुं आखः तनाः याक थुइकीगु खँग्वः दयेके ज्यू । थये याक थुकीगु खँग्वः दयेकेबले यासुहाय् गुगु विचा अथवा आखः च्वंवइ उकेयात कृतप्रत्यय धकाः धाइ । थुकथं यासुहा नाप कृतप्रत्यय स्वानाः दयेकातःगु खँग्वःयात हे कृदन्त खँग्वः धकाः धाइ । दसु-नयेद्यो, पर्वगि, नसा, त्वँसा इत्यादि । थुके नयेद्योया यासु 'नये' खः । अले यासुहा 'न' खः । थुकथं 'न' यासुहा पाखे नयेद्यो, नख्वं, नगुलु दयेके ज्यू । उकिं श्व खँग्वः कृदन्त जुल श्व हे ल्याखं पवने पाखें पर्वगि, नये पाखें नसा, त्वने पाखें त्वँसा । श्व फुकं कृदन्त जुल । श्व कृदन्त खँग्वः नं निथि दु । (१) कृदन्त नां (२) कृदन्त ब्वाय्सु ।

१) कृदन्त नां—श्व यासुं दयेकातःगु खँग्वः जुइ । खास्ला श्व नां (Noun) थें जुइ, उकिं श्व यासु थुइकीगु नां अथवा यासु थुइका नां नं धाइ । श्व कृदन्त नां नं स्वताजिया दइ ।

क) याक थुइका कृदन्त नां

ख) कर्म थुइका कृदन्त नां

ग) भाव थुइका कृदन्त नां

क) याक थुइका कृदन्त नां—श्व कृदन्त खँग्वः कर्ता थुइका थें जुइ । उकिं थुकें छुं ज्या याइहा धइगु थुइकी । श्व प्राणि वाचक खँग्वः हे जुइ । श्व खँग्वः दयेकेबले यासुहाय् कृतप्रत्यय स्वानाः दयेकी । दसु कयाः स्वये-नख्वं, त्वाख्वं । श्व निगू खँग्वः नं कृदन्त नां खः । श्व नये व त्वाये यासुया 'न' व 'त्वा' यासुहा खः । श्व हे 'न' व 'त्वा' यासुहाय् 'ख्वं' कृतप्रत्यय यानाः नख्वं व त्वाख्वं जुल । नख्वं व त्वाख्वं

धायेबले प्राणितयत् अथवा मनूतयत् हे जक थुइकीगु खँवः खः । थ्व यासुहाय् कृतप्रत्यय स्वानाः दयेकातःगु खः । आः हानं थन क्वय् दसु ब्वये—

यासु	यासुहा	कृतप्रत्यय	कृदन्त	अर्थ
नये	न	खरां	नखरां	न जक नइहा
नये	न	ख्वं	नख्वं	न जक नइहा
दाये	दा	ख्वं	दाख्वं	दा जक दायेकीहा
हाले	हा	ख्वं	हाख्वं	हा जक हायेकीहा
ताये	ता	ख्वाँय्	ताख्वाँय्	ताःसां मता पह याइहा
फवने	फव	गि	फगि	फवनेगु ज्या याइहा
नये	न	गुलु	नगुलु	न जक नइहा
त्वने	त्वं	गुलु	त्वंगुलु	त्वं जक त्वनीहा
नये	न	द्यो	नयेद्यो	न जक नइहा
हेयेके	हे	द्यो	हेय्कुसाद्यो	हे जक हेय्कीम्ह
ख्वये	ख्व	बिलु	ख्वबिलु	ख्व जक ख्वय्कीहा
पिये	पि	वाः	पिवाः	पियाः च्वनीहा
जये	ज	वाः	जवाः	जयेगु ज्या याइहा
गने	गँ	सि	गँसि	सुखूचाहा
नये	न	सि	नयेसि	न जक नइहा
ताये	ता	सि	तासि	ह्मपागु ताःहा

ख) कर्म थुइका कृदन्त नां— थ्व कृदन्त खँवः कर्म थुइका थें जुइ । उकिं थुके छुं ज्या याइहा थुइकेगु मयासे याकाः च्वनीहा थें जुइ । वास्तवय् थ्व जाति थुइका नां जुइ । अझला थ्व यासुं दयेकातःगु बस्तु हे जुइ । उकिं थुके यासुया यासुहाय् विभिन्न कृतप्रत्यय याना विभिन्न वस्तुया नां दयेकी । आपाः याना यासुहा यासुहाय् 'सा' आखः स्वानाः कर्म थुइका कृदन्त नां दयेकी । दसु काये— नसा, त्वँसा । थ्व निगुलि खँवः नये व त्वने यासुया 'न' व 'त्व' यासुहाय् 'सा' कृत-

प्रत्यय स्वानाः नसा व त्वँसा दयेकूगु खः । थथे हे चाये यासुइ कू स्वानाः चाकू, अले 'किये' यासुइ 'चः' स्वानाः 'किचः' दयेका तःगु दु । चाकू व किचः धइगु चानाः तःगु कुचा-कुचायात चाकू धाइ, अथे हे किचः धइगु गनं किकेत तइगु छुं वस्तु खः । च्वय् न्ह्यथनागु फुकं धर्मिवाचक नां (Concrete) जुइ अथवा मिखां खंके फुगु, ल्लातः थिये फुगु वस्तु जुइ । आः हानं थन ववय् छुं दसु व्वये—

यासु	यासुहा	कृत्प्रत्यय	कृदन्त	अर्थ
खिने	खि	उँइ	खुँइ	वा खिनेगु ज्याभः
पुले	पु	उँइ	पुँइ	पुलाः ह्यितेगु ज्याभः
काके	का	कः	काकः	काकेगु ज्याभः
तिके	ति	का	तिका	तिकेगु का
व्वाये	व्व	कौ	व्वकीचा	व्वायेगु ज्याभः
ज्वने	ज्वँ	कु	ज्वँकु	ज्वनेगु कु (भारि)
न्वके	न्व	कू	न्वकू	न्वकेगु वस्तु
चाये	चा	कू	चाकू	चानाः तःगु कूचा
थाये	था	कू	थाकू	थायेगु कू Press
दाये	दा	कू	दाकू	दायेगु वस्तु Foot
च्वये	च्व	खँ	च्वखँ	च्वयातःगु वस्तु Essay
बुये	बु	खू	बुखू	बूबलय् सिगु खू
चाये	चा	ख्वः	चाख्वः	चानातःगु कूचात
ख्याये	ख्या	चः	ख्याचः	ख्यायेगु निति तइगु वस्तु
किये	कि	चः	किचः	किकेया निति तइगु वस्तु
इये	इ	चा	इचा	खि इयेगु कापः
लहुये	लहु	चा	लहुचा	लहुयेगु चा
काके	का	ता	काता	काकेगु वस्तु
ख्वये	ख्व	पा	ख्वःपा	लः ख्वयाच्चंगु वस्तु
किये	कि	पा	किपा	कियाःगु पा; तस्बीर

क्वाये	क्वा	वि	क्वावि	क्वाका तइगु थल
चाये	चा	पू	चापू	चानातःगु कूचात
ख्वये	ख्व	बि	ख्वबि	मिखाय् दइगु छताजिया लः
तिये	ति	मा	तीमा	कपाय् तियेगु वस्तु
तने	तँ	सा	तँसा	तनेगु वस्तु
त्वने	त्वँ	"	त्वँसा	त्वनेगु वस्तु
पवने	पवँ	"	पवँसा	पवना कायेगु वस्तु
व्वने	व्वँ	"	व्वँसा	व्वनेगु वस्तु, सफू
त्याये	त्या	"	त्यासा	त्यानाः कायेगु वस्तु
थाये	था	"	थासा	थायेगु ज्याभः
लाये	ला	"	लासा	लायेगु वस्तु
च्वये	च्व	"	च्वसा	च्वयेगु वस्तु
कुये	कु	"	कुसा	कुयेगु वस्तु
गये	ग	"	गसा	गयेगु वस्तु
व्वये	व्व	"	व्वसा	व्वयेगु वस्तु
म्हुये	म्हु	"	म्हुसा	ज्वनेगु वस्तु, म्हुयेगु वस्तु
हाये	हा	"	हासा	हायेगु वस्तु
काये	का	"	कासा	कायेगु वस्तु (अय्ला कासा)
त्वये	त्व	"	त्वसा	अचार, त्वःगु वस्तु
च्याये	च्या	"	च्यासा	च्याकेगु वस्तु, इन्धन
तने	तँ	"	तँसा	तनेगु वस्तु
दये	द	सि	दसि	प्रमाण
गये	ग	"	गसि	गयेकेतः तयातःगु वस्तु
हाये	हा	"	हासि/हाँसि	हायेगु थल
च्वये	च्व	सु	च्वसु	च्वयातःगु वस्तु, लेख
ग्वले	ग्व	सू	ग्वसू/गसू	ग्वलेगु नति

ग) भाव थुइका कृदन्त नामः— थ्व यासु दयेकातः गु भाव थुइका नाम खः । थ्व कृदन्त नाम दयेकीबले यासुया यासुहाय् विभिन्न कृत्प्रत्यय स्वानाः दयेकी । गन-गन धाःसा यासुया यासुहा हे भाव थुइका कृदन्त नाम जुइ । दसु कयाः स्वये— ग, घा, कि, छु, चि । थुके छसिकथं गये यासुपाखें दयेकातः गु 'ग' हे कृदन्त नाम जुल । छायाःसा गयेगु ज्या 'गज्या' थुके 'ग' जक यायेवं गाः । अथेहे घायेगु ज्या घाज्या अथवा घा, कियेगु ज्या 'कि', छुयेगु ज्या 'छु', चियेगु ज्या 'चि' इत्यादि ।

कृदन्त नाम दयेकेगु मेगु धाँवा खः यासुया यासुहाय् विभिन्न कृत्प्रत्यय स्वानाः दयेके ज्यू । गथे कि घ्वासु, ग्यसु, नपाः, सुपाः । थ्व फुक्कं छसिकथं घ्वाये यासुपाखें घ्वासु; ग्यने यासुपाखें ग्यसु; नये यासुपाखें नपाः; सुये यासुपाखें सुपाः दयेकातः गु खः । थुके न्हापांगु निगुली 'सु' कृत्प्रत्यय अले ल्युने च्वंगु निगुली 'पाः' कृत्प्रत्यय खः ।

आः थन ववय् विभिन्न कृत्प्रत्यय स्वानाः भाय् थुइका कृदन्त प्रत्यय दयेकातः गु स्वये—

यासु	यासुहा	कृत्प्रत्यय	कृदन्त	अर्थ
व्छने	व्छ	अ	व्छ	व्छनेगु ज्या
तने	त	"	त	तनेगु ज्या
मुने	मु	"	मु	मुनेगु ज्या
व्वने	ल	"	व्व	व्वनेगु ज्या
चिने	चि	ख	चिनाख	चिनातः गु ख
च्वये	च्व	"	च्वख	च्वयातः गु ख
न्ववाये	—	चु	न्वचु	भाषण
ध्याये	ध्या	चू	ध्याचू	ध्याकातः गु ख
ख्याये	ख्या	च्वः	ख्याच्वः	ख्यायेगु ज्या ख
लुमने	लुम	ति	लुमति	लुमकेगु ख

ल्हाये	ल्हा	पं	ल्हापं	ल्हानातःगु धेवा
द्याये	द्या	"	द्यापं	द्यानाः तयेगु धेवा अथवा वस्तु
तये	त	"	तपं	तनेगु ज्या
द्वने	द्व	"	द्वपं	द्वंगु वापत् पुङ्कीगु
नये	न	पाः	नपाः	नयेगु ज्या
काये	का	"	कापाः	कायेगु ई
सुये	सु	"	सुपाः	सुनाः पाः जुङ्गु ज्या
हिले	हि	"	हिउपाः	हिलाः बीगु ज्या
दिये	दि	"	दिपा	दिकेगु ज्या
छाये	छा	"	छाय्पाः	छायेगु ज्या
ल्वाये	ल्वा	पु	ल्वापु	ल्वायेगु ज्या
ख्याये	ख्या	"	ख्यापु	ख्यायेगु ज्या
तुने	तु	"	तुपु	मनय् तुनेगु ज्या
घाये	घा	पू	घापू	घ्यातःगु बिचाः
नये	न	"	नपू	नयेगु ज्या, धाँचा
त्याके	त्याक्	बा	त्याकबा	त्याःगु वापत् कायेगु धेवा
ख्याःयाये	ख्याः	लि	ख्यालि	Joke
ख्वये	ख्व	लु	ख्वलु	ख्वयेगु ज्या
ग्वये	ग्व	साः	ग्वसाः	ग्वयेगु ज्या
घ्वाये	घ्वा	सु	घ्वासु	घ्वायेगु बल
म्वाये	म्वा	"	म्वासु	म्वायेगु पह; म्वाःगु पह
ग्याने	ग्य	"	ग्यासु	इयातु पह, इयातुगु
ताये	ता	"	तासु	न्हाय्पनं न्यनेगु पह
थ्याये	थ्या	"	थ्यासु	लःथ्यायेगु ज्या
दये	द	"	दसु	प्रमाण, वर्थे हे

याये	या	सु	यासु	यायेगुं पह
ग्याये	ग्या	सू	ग्याःसू	ग्यायेगु पह
लाये	ला	"	लाःसू	लायाः बःगु ई
ताये	ता	"	ताःसू	तायेगु शक्ति
हेये	हे	से(सि)	हेसे/हिसि	नासः दुगु

थुकथं हे यासुया यासुहाया ल्युने 'ज्या' स्वानाः यक्व हे कृदन्त नाम दयेके ज्यू । गथे कि नये-नज्या, सुये-सुज्या, ब्वये-ब्वज्या, थाये-थाज्या इत्यादि । हानं धातुइ'न' कृतप्रत्यय यानाः नं यक्व दयेके ज्यू । गथेकि-खुने-खुना; चिने-चिना; छुये-छुना; तुने-तुना; देने-देना; ब्वने-ब्वना; मुने-मुना; हने-हना इत्यादि ।

२) कृदन्त ब्वाय्सुः— थ्व कृदन्तयात ब्वाय्सु यानाः छ्यली । थ्व ब्वाय्सु दयेकेबले यासुइ 'च्वं' तयाः दयेकेमाः । गथे— 'नये' या नयाच्वं, 'त्वने' या त्वनाच्वं । थ्व नयाच्वं व त्वनाच्वं हे कृदन्त ब्वाय्सु खः । थ्व ब्वाय्सु प्राणी वाचक याना छ्यलेबले 'ह्वा' अले अप्राणी वाचक यानाः छ्यलेबले 'गु' बइ । गथे—

यासु	कृदन्त	प्राणीवाचक	अप्राणीवाचक
च्वये	च्वयाःच्वं	च्वयाःच्वंमह	च्वयाःच्वंगु
ब्वने	ब्वनाःच्वं	ब्वनाःच्वंह्वा	ब्वनाःच्वंगु
सयेके	सयेकाःच्वं	सयेकाःच्वंह्वा	सयेकाःच्वंगु

तद्धितान्त खँग्वः

नां ब्वाय्सु खँग्वलय् छुं आखः तना हानं मेगु नां अथवा ब्वाय्सु खँग्वः दयेके ज्यू । थथे दयेकेगु खँग्वःयात तद्धितान्त खँग्वः धाइ । अले नां अथवा ब्वाय्सु खँग्वःया ल्युने च्वंवइगु आखःयात तद्धित धाइ । थुकथं नां अथवा ब्वाय्सु खँग्वलय् तद्धित च्वनेवं मेगु हे नां अथवा ब्वाय्सु खँग्वः खने दइ । वयात हे तद्धितान्त खँग्वः धाइ ।

भायलवनय् थुजःगु तद्धितान्त खँग्वः यक्व दु । थन क्वय् नां
खँग्वलय् छुं तद्धित तथाः तद्धितान्त खँग्वः दयेकातःगु स्वये—

नां	तद्धित	तद्धितान्त	अर्थ
क्वे	कालि	क्वेकालि	क्वेजवहा मिसा
तं	"	तंकालि	तंजक चाइहा मिसा
पह	"	पहकालि	पह जक याइहा मिसा
आखः	कां	आखःकां	आखाः मसःहा
न्हि	"	न्हिकां	न्हिनय् हे मखंहा
संन्ध्या	"	संका	संन्याः इलय् मखंहा
आसा	कुति	आसाकुति	आसा याइहा
नीति	"	नीतीकुति	नीतिया त्याः याइहा
नुगः	"	नुगःकुति	नुगःस्याःहा
त्वापु	खिचा	त्वापुखिचा	त्वापु जक याइहा
बुँ	ख्याः	बुँख्याः	बुँइ ख्यायेगु ज्या याइहा
बालि	"	बालिख्याः	बाली तइहा ख्याः
खँ	खुँ	खँखुँ	सुलाः खँ न्यनीहा
द्यो	"	द्योखुँ	द्यो खुइहा मनू
खा	"	खःखुँ	खा खूइहा मनू
पसः	खवं	पसःखवं	पसलय् जक जुइहा मनू

1 मोहनराज शर्माप्रागु “शब्द रचना र वर्णविन्यास” सफुतिइ थुजःगु
खँग्वःया पुचः सिन्याथी दु धकाः क्यनातःगु दु ।

ध्व	गुर्जु	ध्वंगुर्जु	उगुं थुगुं छुं मस्यूह्य मनु
न्हि	"	न्हिगुर्जु	न्हासय् न्हिजक थाका जुइह्य मनु
ध्वं	गुलु	ध्वंगुलु	ध्वंजक त्वनाः जुइह्य
अय्ला	"	अय्लागुलु	अय्लाजक त्वनाः जुइह्य
गजि	"	गजिगुलु	गजिजक त्वनाः जुइह्य
न्ह्यो	"	न्ह्योगुलु	न्ह्यःजक वयेका जुइह्य
खँ	"	खँगुलु	खँजक ल्हानाः जुइह्य
कलाः	च्यो	कलाःच्यो	कलानं धाःथे जुइह्य
जा	"	जाच्यो	जा छछाःया च्यो
सल	"	सलच्यो	सलया च्यो
मेय्	जवाः	मेय्जवाः	मेय् जयाः जुइम्ह
सा	"	साजवाः	सा जयाः जुइम्ह
हँय्	"	हँय्जवाः	हँय् जयाः जुइम्ह
छेँ	पिवाः	छेँपिवाः	छेँय् पिवाः च्वनीम्ह
ध्वाखा	"	ध्वाखापिवाः	ध्वाखाय् पिवाः च्वनीम्ह
सा	पुँ	सापुँ	सा लहीगु ज्या याइम्ह
हँय्	"	हँय्पुँ	हँय् लहीगु ज्या याइम्ह
खा	पुं	खापुं	खा लहीगु ज्या याइम्ह
फँ	बन्जाः	फँबन्जा	फँछि-निफा जक मीम्ह
पँय्कालि	"	पँय्कालिबन्जाः	
मू	"	मूबन्जाः	मुख्यम्ह बन्जा
धौ	"	धौबन्जा	धौ मीम्ह मनु

किजा	भत	किजाभत	भाःतया किजा
तता/ताः	"	ताःभत	भाःतया तता
दाजु/दरा	"	दरभत	भाःतया दाजु
केहे	"	केहेभत	भाःतया केहे
इयाः	भत्तु	इयाःभत्तु	इयाःलय् जक च्वनीम्ह
अइसा	मचा	अइसामचा	अइसा थाःम्ह मचा
ह्पाउँ	"	ह्पाउँमचा	नकतिनि याःम्ह मचा
घः	वाः	घःवाः	घतय् च्वनीम्ह मनू
झाः	वें	झाःवें	छकःनिकः छकःनिकः वें जुइम्ह
द्यो	वें	द्योवें	द्योयाथाय् जक जुइम्ह
मिसा	वें	मिसावें	मिसातजक येय्का जुइम्ह
लः	"	लःवें	लखय् जक सनाः जुइम्ह
लेवः	सि	लेवःसि	लेवः दयाः सना जुइम्ह
पह्	"	पह्सि	पःसि दुव्यू जुइम्ह
मिसा	ह्यो	मिसाह्यो	मिसात जक येकाः जुइम्ह
ला	ह्यो	लाह्यो	ला जक नये योम्ह

पाहाँ खँवः

(Loan Word)

संसारय् यक्व भाय् दु । व भाय् गुलि तःमि, गुलि चिमी । तःमिगु भाय् धयातःगु भाषाय् नं माक्व खँवः दइमखु । उके मेगु भाय्यागु खँवः त्याय् कयाःतःगु खँवःयात पाहाँ खँवः धाइ । थयात 'त्यासा खँवः' अथवा आगन्तुक (Loan word) नं धाइ ।

मेगु भाय्यागु खँवः थःगु भाषाय् दुकायेवले निगू कथं दुकाइ । छगू, मेगु भाषाय् गथे— खँवः छ्यलाः तल अथे हे थःगु भाषाय् दुकायेगु । मेगु, कतः भाषाय् दुगु खँवःयात गथे खः अथे हे दुमकाःसे छुं भती अथवा आपाः रूप हीकाः दुकायेगु । थुकथं कतःया भाषाय् च्वंगु खँवःयात गथे खः अथे हे थःगु भाषाय् दुकायेगुयात तत्सम धाइ । अले मेगु भाषाय् च्वंगु खँवःयात रूप हीका जके थःगु भाषाय् दुहांवःगु खँवःयात तद्भव धाइ । गनं गनं धाःसा संस्कृत भाषाया खँवःयात रूप महीकूसे वःगुयात तत्सम, संस्कृत भाषाया खँवःया रूप िलाःवःगुयात तद्भव धाइ । अले संस्कृत भाषा बाहेक मेगु भाषायागु वःगु जुल धायेवं आगन्तुक खँवः नं धायेगु याः ।

नेपालभाषाय् नं मेगु भाषायागु यक्व खँवः दुहां वयाच्च्वंगु दु । थथे दुहां वयेगु ज्या मल्ल कालनिसें सुरू जूगु खनेदु । थ्व इल-निसें लिपा विभिन्न भाषानाप स्वापू दत । अले विभिन्न भाषाया

विभिन्न खँगवः दुहावल । गुलि तत्सम जुयावल, गुलि तद्भव जुयाः
दुहावल । थथे दुहां वयेगु ज्या संस्कृत, प्राकृत, फारसी, अरबी, उर्दू
अंग्रेजी, पोर्तुगाली, तीब्बती, गुरुङ्ग, मगः भाषा इत्यादिपाखे दुहां
वयाः च्वगु खनेदु ।

थन क्वय् छुं तत्सम व तद्भव खँगवः दु ।

संस्कृत भाषांवःगु छुं तत्सम खँगवः (उकेया अंग्रेजी अर्थ)

अन्न grain	कक्षा class
अंश part	गुण quality
आकाश sky	जगत् world
आत्मा soul	तीर्थ holy place
ईश्वर god	दया pity
उद्योग industry	दुःख suffering
उपन्यास novel	दोष fault
कर्म deed	धर्म religion
कलश pitcher	पाठ lesson
कवि poet	पाप sin
विकास development	मन mind
माया delusion	रस juice
राजा king	रूप shape
विद्या learning	विद्वान् learnedman
विज्ञान science	वीर brave
शंख conch	शिक्षा education
सुख happiness	क्षमा pardon
ज्ञान knowledge	

प्राकृतवःगु तत्सम खंवः

घडी— watch

छुरी— knife

सिगार— decoration

फारसी भाषांवःगु

अचार pickle

शहर city

सरकार government

अरबी भाषांवःगु

अखबार newspaper

अदालत court

इज्जत dignity

इन्कलाव revolution

इनाम prize

गरीब poor

जुलूस marching

तलब pay

हाजिर present

पोर्तुगाली भाषांवःगु तत्सम खंवः

अलवत्ता coal-tar

गमला flower pot

लिलाम auction

तिब्बती भाषांवःगु तत्सम खंवः

खम्बा pillar

च्याङरा mountain goat

राडी woolen blanket लामा Buddhist monk

गुरुङ भाषांवःगु तत्सम खंवः

खुर्पा pruning knife

घले

अंग्रेजी भाषांवःगु छुं तत्सम खँवः

इञ्च inch	कार्पेट carpet
कोट coat	क्लिप clip
चेक cheque	ड्राइवर driver
डिग्री degree	पास pass
पेन्सिल pensil	प्रेस press
फुट rular	फोटो photo
मास्टर master	मोटर moter
रेडियो radio	स्कूल school
स्टेशन station	होल्डर holder

संस्कृतवःगु तद्भव खँवः

अक्षत- आखे	अक्षर- आखः	अजन- अजः
इतः- इताः	कण्ठ- कथु	कपति- कपाय्
कुम्भकार- कुह्याः	कर्त्तरी- कौचि	कर्पूर- कपू
कर्मी- कःमि	कलत्र- कलाः	काश्य- काय्
कोण- कुं	कोष्ठ- कोथा	धीर- खीर
खट्वा- खाता	खडिर- खयो	ग्राहक- गाहा
घटिका- घडी	घृत- दूधो	चित्त- चि
जिर- जी	देव- द्यो	द्राक्ष- दाख
धूलि- धू	ध्वज- ध्वज्य	नग्न- नांगा
नायक- नायो	नारिकेल- नैक्याः	पतंग- पति
पाटाक- पताः	पाद- पालि	पिप्पली- पिपी
पुत्र- पुता	प्राकार- पःखाः	भाषा- भाय्
भृगराज- भिलाय्	भ्रमर- भमः	मरीच- मलय

मर्कट-- माकः	महिष-- मेय्	राक्षस-- लाख्
शखर-- साखः	शब्द-- सः	श्लेष्म-- सेखं
श्लोक-- सिलः	सिन्दुर-- सिन्हः	सूचना-- सुचं
स्तुति-- तुतः	स्थान-- थाय्	स्नान-- सनाः
हस्त-- ल्हाः	हंस-- हँय्	हिगु-- हि

प्राकृत भाषांवः गु तद्भव खँवः

उष्ण-- ऊन	जोव्वणम्-- जोवन	टोक्कणम्-- ट्वाक
हिरो-- हीरा		

संस्कृतं प्राकृत जुनाः वः गु खँवः

सं०	प्रा०	ने०	सं०	प्रा०	ने०
दुग्ध	दुद्ध	दुरू	घृतम्	घिअ	घ्यो
विद्युत	बिण्जु	बिजुली	स्तम्भ	थम्म	थां

अरबी भाषांवः गु तद्भव खँवः

आईन-- ऐन	इल्म-- इलम	जब्त-- जफत
सहीह-- सही	जकात-- जगात	

फारसी भाषांवः गु तद्भव खँवः

बाजार-- बजार	फानूस-- पानस	फरियाद-- फिराद
जायगाह-- जग्गा	मुह-- मोहर	

अंग्रेजी भाषांवः गु छुं तद्भव खँवः

इयरनिङ्ग-- यालिङ	कपि-- कापि	क्याप्टेन-- कप्तान
गोडाउन-- गोदाम	ग्लास-- गिलास	जनरल-- जनरल
टाइम-- त्याम	टिकेट-- टिकस	डक्टर-- डाक्टर

बक्स- बाकस

ब्रस- बुरुस

मिनिट- मिनेट

वेष्टकोट- इष्टकोट

सिमेट- सिमण्टी

हस्पिटल- अस्पताल

थन चवय् गुलिनं अर्थ बियाःतल व फुकक नमूना जक खः ।
मेगु भाषां नेपालभाषाय् गुलि अर्थ दुहां वयाचवन उकेया दक्क दिक्क
खँग्वः मखु ।

मेगु छता खँ थन तद्भव धकाः गुलिनं खँग्वः दु उकेया पूर्वक
बयान मदु । छाय् छु जुयाः उगु भाषाया तद्भव जुल धकाः न्ह्यसः
तःसा उकेया लिसः थन मदु । अथे धयागु मतलब छु धाःसा 'घ्यो',
'हँय्' धयागु खँग्वः थन चवय् 'घृतम' व 'हँस' शब्द वःगु धकाः
चवया । थव घ्यो व हँय् छाय् छु जुया संस्कृतं हे वल ? उकेया विकास
क्रम छु ? अंग्रेजी भाषावःगु धकाः छाय् मधाल ? अंग्रेजी भाषाया
Hen खँग्वलं 'हँय्' छाय् मजुल, Ghee खँग्वलं घ्यो छाय् मजुल ।
थुकेया वःजिक विकास क्रम मस्युतले तद्भव धकाः हाला जुयाया अर्थ
मदु । अले नेपालभाषाय् दुगु न्ह्यागु खँग्वःयात नं तत्सम व तद्भव
छु धकाः जक स्वयानं उलि पाय्छि खनेमदु । छगू दसु काये- "शब्द
रचना अलंकार" नांगु आदिवज्ज वज्जाचार्यजुया सफूया पौ ६ सं
"साय्मी धयागु संस्कृत भाषाया "संयमी" या तद्भव धकाः चवया
द्युगु दु । थव खँ गुलित पाय्छि ? बिचाः याये बहःजू । थुकथं ध्वनि
व आखःग्वः हूबहु ज्वःलायेव हं तत्सम, तद्भव धायेगु पाय्छि खःला ?
अले थथे ज्वःलायेगु नेपालभाषां मेगु भाषाय् वनाः नं ज्वःलायेफु ।

समास

थःथवय् स्वापू दुगु निगू अथवा निगुलिं अप्वः खँवः छथाय् हे स्वानाः छगू खँवः जुइगुयात “समास” धकाः धाइ । थथे समास यानाः दयेकातःगु खँवःयात “समस्त” अथवा “सामासिक” खँवः धाइ । थथे यायेबले खँवः खँवलय् दथुइ च्वंगु कारकया चिं, संयोजकया चिं, बचंया लिताँसा चिं थुजःगु छुं नं च्वनी मखु । छगू दसु कयाः स्वये— “पसलय् जक मिखा ब्वइह्” थुकेयात समास याइबले “पसः-मिखा” जुइ । थुकथं ‘पसःमिखा’ धकाः समास याःबले प्यंगू खँवःया छगू खँवः जुल । थथे समास याइबले ताहाकःगु खँवकाय् गुलि अर्थ पिज्वःगु खः समास यानाःतःगु ‘समस्त’ खँवलय् नं उलि हे अर्थ पिज्वइ ।

थथे स्वयेबले समास धइगु सन्धि थें हे च्वं । तर समाज व सन्धि थःथवय् पाः । सन्धि धइगु थःथवय् स्वापू दुगु जुइमा वा स्वापू मदुगु जुइमा निगू खँवलय् न्ह्येने च्वंगु खँवःया ल्युनेच्वंगु आखः अले ल्युनेच्वंगु खँवःया न्ह्येने च्वंगु आखः स्वानाः छगः हे आखः यायेगुयात सन्धि धाइ । आः संस्कृत भाषायागु छगू दसु काये— राम अवतार । थव निगूया सन्धि यायेबले ‘रामावतार’ जुइ । थुके रामया ल्युने च्वंगु ‘म’ व ‘अवतार’ या न्ह्येने च्वंगु ‘अ’ छथाय् सन्धि जुयाः ‘मा’ जुल । तर समासय् थथे निगः आखः छथाय् स्वानाः छगः आखः जुइमा धयागु मदु ।

आः सन्धि व समासय् छु छु पाः धकाः स्वयै -

क) समास धङ्गुली निगू वा निगुलि अप्वः खँवःत थःथदय् स्वापू दुगुली जक समास जुइ । तर सन्धि धङ्गुली निगू खँवःया दथुइ स्वापू दये हे माः धङ्गु मडु । स्वापू दुसां ज्यू, मडुसां ज्यू ।

ख) सन्धि धङ्गुली निगू खँवःया दुने न्हयोनेच्वंगु खँवःया ल्युनेच्वंगु आखः व ल्युने च्वंगु खँवःया न्हयनेच्वंगु आखःया दथुइ जक सन्धि जुयाः निगः आखःया छगः आखः जुइ । समासया अर्थ निगः आखः स्वानाः छगः आखः यायेगु मखु । थवला निगू वा निगुलि अप्वः खँवः छथाय् हे त्वाव छ्यानाः छगू जक खँवः दयेकेगु खः ।

ग) समास यायेबले खँवल्य् च्वंगु वचनया वि, कारकया चि, संयोजकया वि छुं नं चानी मखु । थव चि सुंक हे लिक्कायाः वछइ । तर सन्धिइ थये जुइमखु ।

घ) सन्धि धयागु निगः आखःया दथुइ जुइ । अले समास धयागु निगू वा निगुलि अप्वः खँवःया दथुइ जुइ निगुलि अप्वः खँवःया दथुइ समास जुइबले खँवः खँवः हे तनाः वनेयो ।

समास खुताजि दु । व थथे खः--

१) अभ्ययी भाव समास

२) कर्मधारय समास

३) तत्पुरुष समास

४) द्वन्द्व समास

५) द्विगु समास

६) बहुव्रीहि समास

गुलिसिगु सफुतिइ बहुव्रीहि समास वाहे^१ न्यागू जक समास वचनातःगु दु^१ । गुलिसिगु सफुतिइ धाःसा उपमान उपमेय समास धकाः न्हयगू समास नं दयेकातःगु दु^२ । आ च्चय्या खँयात हसि वथं स्वयेगु कुतः याये ।

१. सुबोध नेपालभाषा व्याकरणय् न्यागू जरु समास दु ।

२. पौभाः सफुतिइ न्हयगू दु ।

१) अव्ययी भाव समास— रूप चले याये मज्जुगु खँवःयात
 अव्यय धाइ । थुजःगु अव्यय-अव्यय खँवः लवानाः जुइगु समासयात
 अव्ययी भाव समास धकाः धाइ । दसु—

थगुने व नगुने— थगुनेनगुने अथे व थथे— अथेथथे
 म्हीगः व म्हीग— म्हीगःम्हीग थौ व कन्ह्य— थौकन्ह्य
 कन्ह्य व कंस— कन्ह्यकंस आइनि व व इव— आइनि व इव
 न्हापा व लिपा— न्हापालिपा उखे व थुखे— उखेथुखे
 अन व थन— अनथन चत्र्य व कत्र्य— चत्र्यकत्र्य
 दुने व पिने— दुनेपिने दुहां व पिहां— दुहांपिहां
 जः व खः— जःखः न्ह्यने व ल्युने— न्ह्यनेल्युने
 उगु व थुगु— उगुथुगु

२) कर्मधारय समास— व विशेषण व निगू मिलेजुया दइगु
 समासयात कर्मधारय समास धकाः धाइ । छगू दसु काये— ह्याउँगु
 मिखा— ह्याउँमिखा । थन 'ह्याउँगु' खँवः व्वाय्सु (विशेषण) जुल ।
 अले थव 'ह्याउँगु' विशेषण खँवलं 'मिखा' नां खँवः थथे च्वं अथवा
 ह्याउँसे च्वं धकाः कनेगुयात । अथे जुयाः 'मिखा' विशेष्य जुल । थथे
 विशेषण व विशेष्य मिले जुया दयेकातःगु कर्मधारय समास खः । थुजःगु
 समास नेपालभाषाय् यक्व दु । दसु—

व्वाय्सु (विशेषण)	विशेष्य	कर्मधारय समास
क्वाःगु	ला	क्वाःला
ख्वाउँगु	लः	ख्वाःलः
ग्वाभ्रागु	चाकु	ग्वाःचाकु
च्वाउँगु	न्हाय्	च्वाःन्हाय्
छुकिगु	वा	छुकिवा
जाःगु	घः	जाःघः

इयातुगु	म्है	इयातुम्है
ताहाकःगु	ल्हाः	ताहाकःल्हाः
थस्वःगु	म्हाय्	थस्वःन्हाय्
दथुइच्च्वंगु	लँ	दथुलँ
धंगु	सुप	धंसुप
नायूगु	नुगः	नायूनुगः
पाउँगु	थ्वँ	पाउँथ्वँ
पयाफःगु	ख्वाः	पयाफःख्वाः
बांलाःगु	क्वथा	बांलाःक्वथा
भान्तांगु	लं	भान्तालं
मूलगु	लुखा	मूलुखा
सुकूगु	ला	सुकूला
ह्याउँथ्वँ	थ्वँ	ह्याउँथ्वँ

३) तत्पुरुष समास— भाय् लचनय् कारक च्याता दु । व थये खः वर्ती, कर्म, करण, सम्प्रदान, अपादन, सम्बन्ध, अधिकरण व सम्बोधन कारक (स्वयादिसँ कारक ब्वँज्या) थ्व च्यागू कारकय् थीथी च्याताजिया चिं दु । थुके कर्ता कारक व सम्बोधन कारक बाहेक मेगु ल्यं खुगू कारकय् दुंगु चिं जक लिक्खाः जुइगु समासयात तत्पुरुष समास धकाः धाइ । दसु —

विभक्ति	कारक	अर्थ	तत्पुरुष समास
द्वितीय	वर्म	कलात ज्या वाकाः जुइहा	कलाःच्यो
तृतीय	करण	मिखां मखंम्ह	मिखाकां
चतुर्थी	सम्प्रदान	द्योयात तःगु व्व	द्योव्व
पञ्चमी	अपादान	देसं दुने	देय्दुने
षष्ठी	सम्बन्ध	दुरुया पुखू	दुरुपुखू
सप्तमी	अधिकरण	छैनय् च्वंम्ह सि	छयं सि

थुकथं च्वय् च्वंगु खुगू कारवय् खुताजिया चि नं लिक्कया
छगू-छगू जक खँग्वः दयेकातल । वयात हे तत्पुरुष समास धाःगु खः ।
थुके 'य', यात, 'य', या, य् थ्व फुक्क कारक चि खः । थ्व फुक्क
लिक्कयाः जक तत्पुरुष समास दयेके ज्युगु खः ।

४) द्वन्द्व समास- थुके थुनाःगु निगू नां खँग्वः (Noun)
काइ गुगु समाजय् आपालं हे ज्यलाः च्वनी । छता जक नां कायेबले
मछिगु थें जुइ । खला छता जक नां काये जि हे मज्युगु मखु । गनं
दसु बीमाल धाःसा नितानां हे छकलं नां कायेमाः । धायेकि सुं निह्य मनू
तसकं मिले मजू धाःसा वयात 'लः व मि' थें धाइ । थन खँल्हायेबले
'लः व मि' उतिकं हे छ्यलेगु याः । थुकेयात समास याइबले "लःमि"
जुइ । थुकथं तसकं समाजय् ज्योगु निगू नांखँग्वः छथाय् स्वाइगुयात
द्वन्द्व समास धाइ । दसु कयाः स्वये-

बाज्या व बराजु— बाज्या बराजु ।	मां व बौ— मांबौ
दाजु व किजा— दाजुकिजा ।	तता व केहेँ— तताकेहेँ; तकेहेँ ।
च्वलय् व फैं— च्वलय् फैं ।	माकः व भालु— माकःभालु ।
ह्लाः व तुति— ह्लाःतुति	ह्लाः व ह्युतु— ह्लाःह्युतु
ला व लुसि— लालुसि	ला व जा— लाजा
धौ व बजि— धौबजि	ध्यो व चाकु— ध्योचाकु
छेँ व बुँ— छेँबुँ	कापि व कलम— कापिकलम
लः व मि— लःमि	खि व च्व— खिच्व

५) द्विगु समास-- संख्या थुइका खँग्वःनाप संख्या थुइका
खँग्वः हे स्वानाः अथवा संख्या थुइका खँग्वःनाप 'नाम (नां) खँग्वः
स्वानाः दयेकीगु समासयात द्विगु समास धकाः धाइ । उकि थ्व समास
निताजिया दु । (क- संख्या थुइका खँग्वःनाप संख्या थुइका खँग्वः
स्वानाः-

झिहँ व प्यदँ- झिप्यदँ
द्वछि व द्वछि- द्वलंद्व

मुइह्य व खुह्य- मुइखुम्ह
लख व लख- लखलख

(ख) संख्या थुइका खँग्वःनाप नां खँग्वः स्वानाः-

न्यागू क्वथा- न्याक्वथा
स्वगू कवः- स्वकवः ।

झिगू पवः- (झिपवः स्वां)

(छ) बहुब्रीहि समास- स्वंगू अथवा स्वंगुलि अप्वः खँग्वः
स्वानाः दयेकीगु समासयात बहुब्रीहि समास धकाः धाइ । गुबलें थुके
थःगु अर्थ त्वःता मेगु हे अर्थ नं काःवने यो । दसु कयाः स्वये-

न जक नयेदयेव गाःम्ह- नयेद्योमछालेपुसे च्वंगु खँ ह्लाइगु
म्हुतु- अस्योम्हुतु

खिचायार्थे चा.तूगु तुति-- खिचातुति
मिसात खनकि वें जुइम्ह- मिसावें

खँग्वःइवःछुना

छगू खँपुइ दुने खँग्वः गथे यानाः इवः छुयेगु ? न्हापलाक छु खँग्वः तयेगु, न्हापयांत्यू गुगु तयेगु ? प्रले लियांत्यू छु तयेगु थथे खँग्वःयात छसिकथं मिले यानाः इवः छुकेगु ज्यायात 'खँग्वः इवः छुना' अथवा 'शब्द क्रम' धाइ । गथे- 'छं जितः स्वथु दाल ।' थथे च्वयेगु लाकि अथवा 'जितः छं स्वथु दाल ।' अथवा 'छं स्वथु जितः दाल ।' अथवा 'जितः स्वथु छं दाल । अथे हे 'स्वथु दाल जितः छं ।' गथे- च्वयेगु अथवा गुगु खँपु पाय्छि ? खला न्ह्याथे च्वःसां खँला थु हे थू । दाःम्ह 'छ', दायेकाम्ह 'जि', दाःगु त्याः 'स्वथु' खः । थन खँ छु धाःसा न्हापलाक गुगु खँग्वः च्वयेगु ।

तर गुलि भाषाय् धाःसा खँग्वःयात न्ह्याने ल्युने, उखें थुखें तयाः च्वये धुनेसाथ हे अर्थ पायेधुंकी । न्हापलाक थुगु हे तयेमाः, उगु हे तयेमाः धयागु नियम दु । थथे मच्चल धाःसा अर्थया अनर्थ हे जुइ । अंग्रेजी भाषाया छगू दसु काये- Ram Killed Ravan थुके स्याःम्ह राम, सीम्ह रावण खः । आः थ्वयात रावण न्हापलाक तयाः च्वल धाःसा Ravan Killed Ram जुइ । अले स्याःम्ह रावण जुइ । थुकथं अर्थया अनर्थ हे जुइ । उकि खँपु च्वयेबले योयोगु खँग्वः न्हापलाक च्वये मज्यु ।

च्वय् न्ह्यथनाथे नेपालभाषा, नेपाली भाषा, हिन्दी, संस्कृत, अरबी, फारसी इत्यादि भाषाय् खँग्वःयात न्ह्याने ल्युने च्वःसां खँया

अर्थ पाइमखु । थथे छायाः सा थव भाषातय् के विभक्ति तयेगु चलन दु । विभक्तिया चि दुगुलि वर्ता, कर्म, करणयात न्ह्याथाय् तःसां वर्ता कर्ता हे जुयाः चवनी, कर्म कर्म हे जुया चवनी । अंग्रेजी, चिनी भाषाय् चाहि थथे न्हयने ल्युने योयां थथे तये मज्यू ।

चवय् न्हयथनाथे नेपालभाषाय् खँग्वः इवः छुना ज्या मिले याये माःगु खने मदु । अथेसां खँपुयात बांलाकेत, हिसिचा दयेकेत, धायेःयनागु खँया पाय्छि-पाय्छि अर्थ पिज्वयेकेत खँग्वः इवः छुना ज्या (शब्द क्रम) य् बिचाः यायेमाः ।

थथे खँग्वः इवः छुना मिलेयायेगु निगू लपु दु (१) व्याकरणिक क्रम (२) आलंकारिक क्रम ।

१) व्याकरणिक क्रमः-- वर्ता, कर्म, यासु (क्रिया) व मेमेगु खँग्वःयात छलिकथं मिले यायाः इवः छुकेगुयात व्याकरणिक क्रम धाइ । थवयात कवय् बिया वथया नियमय् इवः छुकेमाः ।

क) छुं छगू खँपुया निगू व्व दइ । छगू नांखँत्वाः (Noun Phrase) व मेगु यासु खँत्वाः (Verb Phrase) । दक्ले न्हापलाक नांखँग्वः अले यासु खँत्वाः तयेमाः । गथे- मचा दन । थुके 'मचा' नांखँत्वाः, 'दन' यासु खँत्वाः खः ।

ख) नांखँत्वाःया व्वाय्सु दुसा व व्वाय्सुयात नांखँत्वाःया न्हयने तयेमाः । अने भेदक-विशेषण अर्थात् सम्बन्ध कारक दुगु खँग्वः दुसा वयात व्व य्सुया नं न्हयने तइ । गथे- 'ग्यांदुम्ह मचा दन ।' थुके 'ग्यांदुम्ह' व्व य्सु, 'मचा' नांखँत्वाः अर्थात् याक, 'दन' यासु-खँत्वाः अर्थात् यासु खः । हानं- 'वया ग्यांदुम्ह मचा दन ।' थुके 'वया' भेदक-विशेषण जुल । उक्ति 'वया' यात 'ग्यांदुम्ह' यासिकं नं न्हयने तल ।

ग) याकया ल्युने ई थुइकीगु खँग्वः, वया ल्युने थाय् थुइकीगु खँग्वः, वयां ल्युने ल्याः थुइकीगु खँग्वः, वयां ल्यु चालचलन थुइकीगु

खँवः, श्वयां ल्यु छसिवथं परिमाण अथवा मात्रा थुइकीगु, अले 'खः
अथवा मखु' थुइकीगु खँवः वइ । श्व खँवःतय्त ब्वाय्यासु (क्रिया-
विशेषण) धाइ । श्वयां लिपा पूर्वकालिन अले उत्तरकालिन क्रिया
वइ ।

घ) कर्मया दकले न्ह्यने अधिकरण, वयां ल्युने अपादान, अले
सम्प्रदान, अनलि करण अले कर्म वइ । कर्मया ल्युने दुसा पुरक वइ ।

ङ) दकले ल्युने यासु वइ । यासुया न्ह्यने ब्वाय्यासु वइ ।

खँवः इवः छुना

भेदक	ब्वाय्यासु	याक (Subject)	ई थुइकीगु	थाय् थुइकीगु	ल्याः थुइकीगु
वया	बांलाःम्ह	काय्			
वया	बांलाःम्ह	काय्			
वया	बांलाःम्ह	काय्			स्वकःतक
वया	बांलाःम्ह	काय्		जिथाय् छेय्	स्वकःतक
वया	बांलाःम्ह	काय्	म्हिंगःबहनी	जिथाय् छेय्	स्वकःतक

याक	अधिकरण	अपदान	सम्प्रदान	करण	कर्म
रामं					धेबा
रामं				ल्हाःतं	धेबा
रामं			जिगुंति	ल्हाःतं	धेबा
रामं		म्हिंगां	जिगुंति	ल्हाःतं	धेबा
रामं	क्वयाय्	म्हिंगां	जिगुंति	ल्हाःतं	धेबा

(पदक्रम)

चालचलन थुङ्कीगु	परिमाण थुङ्कीगु	खः मखु थुङ्कीगु	पूर्वकालीन यासु	उत्तरकालीन यासु
नाइक			खँल्हानाः	पिने वन
नाइक			खँल्हानाः	पिने वन
नाइक			खँल्हानाः	पिने वन
नाइक			खँल्हानाः	पिने वन
नाइक			खँल्हानाः	पिने वन

पुरक	व्वाय् यासु	यासु		
	खुक्क	बिल		
	खुक्क	बिल		
	खुक्क	बिल		
	खुक्क	बिल		

खँत्वाः

(Phrase)

निगू वा निगूलि आपाः खँवः मिले जुयाः नं पूमवंगु खँपु जुल धाःसा उकेयात 'खँत्वाः' (Phrase) धाइ । थुकें नां (नाम , व्वाय्सु (विशेषण), अवयवे नाप स्वापू तयाः उकेयागु बांलाक अर्थ कनेगु याइ । खँत्वाःयात सस्कृत 'वाक्यांश' धाइ । खँत्वाःया अर्थ खँ अथवा खँपुया त्वाः (Piece) खः । खँ + त्वाः = खँत्वाः । उक्ति थव पूवंगु खँपु मज्जे खँपुया छगू कुचा जक खः । खँपु धायेइले नांखँत्वाः व यासुखँत्वाः अथवा याक व यासु दयाः थःथमं पूवंगु अर्थ दुगु खँवःया पुचः जुइ । खँत्वाः धायेइले पूमवंगु यासु (असमापक क्रिया) दयाः थःथमं अर्थ पूमवंगु खँवःया पुचः जुइ । गथे- 'जिगु जा छं नयाः वल । छ मनु पासयाये मत्थो खनी ।' थव निगू खँइवःयात नं खँपु (Sentence) धाइ । छायाःसा थुके अःथमं खँ पूवंगु दु ।

'जिगु जा छं नयाः; व मनूयात पासयायेगु' थव निगू खँइवल्य् निगूलि अप्वः खँवः दयाः नं खँ पूमवंगु जुयाः थवयात खँत्वाः धाल । थव खँत्वाःयात खँपु याये माल धाःसा थव खँत्वाःया ल्युने यासु तयाः खँपु पूवंगे माः । अले जक खँपु जुइ ।

खँत्वाः स्वताजि दु

१) नां खँत्वाः (Noun Phrase)

२) व्वाय्सु खँत्वाः (Adjective Phrase)

३) अङ्ग्य खँत्वा: (Preposition Phrase)

१. नाँखँत्वा:— गुगु खँ व क नाम अथवा याकया ज्या याइ वयात नाँखँत्वा: धाइ । मथे— 'सिद्धिदासयागु ल्हा:तं पिज्व:गु सज्जन हृदयाभरण सफू तन । रामबहादुरया काय्या चवसा त्व:लहुत । जिगु ल्हा:तय् चवंगु धेवा कुतुवन । थ्व स्वंगु खँपुइ 'तन, त्व:लहुत, कुतुवन' स्वगुलि यासु जुल । वयां न्ह्ये चवंगु नाँखँत्वा: जुल । छाया:सा 'सिद्धिदासयागु ल्हा:तं पिज्व:गु सज्जन हृदयाभरण सफू; रामबहादुरया काय्या चवसा, जिगु ल्हा:तय् चवंगु धेवा, धायेवले पूर्वंगु अर्थ मव्यु । उकिं थ्व खँत्वा:ला जु हे जुल । अझ थुकें याकया ज्या यात उकिं थ्व नाँखँत्वा: जुल ।

२. ब्वाय्सु खँत्वा: (Adjective Phrase)— गुगु खँत्वाक ब्वाय्सुया ज्या याइ उकेयात ब्वाय्सु खँत्वा: धाइ मथे— 'बांयां कया: न्यासिचाया: जुइम्ह नं मेले वन । हाकुगु तपुलि पुया: न्यासिचाया: जुइम्हसिया नं बिहा यात' थ्व निगू दसुइ 'मेले वन' व 'बिहा यात' निगुलि यासु जुल । अले 'बांयां कया: न्यासि चाया: जुइम्ह' व 'हाकुगु तपुलि पुया न्यासिचाया जुइम्हसिया' निगुलि ब्वाय्सु जुल । उकिं थ्व ब्वाय्सु खँत्वा: जुल ।

३. अव्यय खँत्वा: (Preposition Phrase)— गुगु खँत्वाक अव्ययय गु ज्या याइ उकेयात अव्यय खँत्वा: धाइ । मथे— व बागमति उखेराखे वन । दौनेनिसे मद्यंतले सना: जुल । थ्व निगू दसुइ 'वन' व 'सना: जुल' यासु जुल । अले 'व बागमति उखेराखे' व 'दौनेनिसे मद्यंतले' निगुलि अव्यय जुल । अथे जुया: थ्व 'अव्यय खँत्वा: जुल ।

कचाखँपु

(Clause)

तधंगु खँपु दुने च्वंगु चीधंवागु छगू समापिका यासु दुगु खँपुयात 'कचाखँपु' (Clause) धाइ । थ्व 'कचाखँपु' मिश्र खँपुइ दुने दइ । गथे, सुनां ज्या याइ वं लबः नइ । सुना मखुगु खँ ल्हाइ वया ख्वाः ह्यामुइ । थुके 'सुनां ज्या याइ' छगू कचा खँपु, 'वं लबः नइ' मेगु कचा खँपु खः । अथे हे 'सुनां मखुगु खँ ल्हाइ' छता व 'वया ख्वाः ह्यामुइ' याताः नित्ता कचाखँपु दु ।

थ्व खँपुइ नं 'वं लबः नइ' व 'वया ख्वाः ह्यामुइ' निगुलि थःथमं अर्थ पूर्वगु व मदयेक मगाःगु खँपु खः । अथे जुयाः थ्रयात 'मू कचाखँपु' (Main Clause) धाइ ।

मेगु 'सुनां ज्या याइ' व 'सुनां मखुगु खँ ल्हाइ' निगुलि कचा खँपु खः । थथे जक धायेबले अर्थ पूमवं । मेगु हे छुं खँ ल्यंदनीगु थें, लिस्ता काये मानिगु थें च्वनी । थ्व ज्यामछिगुयात 'वं लबः काइ' व 'वया ख्वाः ह्यामुइ' धाल धाःमेवंतिनि पूवनी । थ्व 'वं लबः काइ' व 'वया ख्वाः ह्यामुइ' या अधीनय् च्वनातिनि खँ पूवन । अथे जुया 'सुना ज्या याइ' व 'सुना मखुगु खँ ल्हाइ' यात अधीन कचाखँपु धाइ ।

थ्व अधीन कचाखँपु स्वताजि दु-

१) नां कचाखँपु (Noun Clause)

२) ब्वाय्सु कचाखँपु (Adjective Clause)

३) अग्र्यय कचाखँपु (Adverbial Clause)

(क) नां कचाखँपु— छगू खँपुइ थ्व अधीन कचा खँपु नां (Noun) अथवा याक (Subject) जुयाः ज्या यांनाः बिल धाःसा उकेयात नां कचाखँपु (Noun Clause) धाइ । आः थ्व च्वय् च्वंगु हे दसु कयाः स्वये, सुनां ज्या याइ' थ्व अधीन कचाखँपु जुल । अले 'वं लबः काइ' मू कचाखँपु जुल । आः थुकेयात भतीचा हीकाः 'सुनां ज्या याइ' या पलेसा 'ज्या याइहसें' धकाः च्वयेगु । अले 'वं लबः काइ' या कचाखँपुइ 'वं' धयागु मंकाःनां लिकयाः 'लबः काइ' च्वयेगु । अले 'ज्या याइहसें लबः काइ' जुइ । थुकथं ज्या याइहसें' याक (Subject) अर्थात नां (Noun) या ज्या यात । उकिं थ्वयात नां कचाखँपु (Noun Clause) धाइ । अथे हे 'सुनां मखुगु खँ ल्हाइ वया खाः ह्यामुइ ।' थ्वयात नं नां कचाखँपु दयेकेबले 'मखुगु खँ ल्हाइहसिया खाः ह्यामुइ' जुइ ।

(ख) ब्वाय्सु कचा खँपु— छगू मू कचाखँपुइ याक (कर्ता) अथवा कर्मया ब्वाय्सु जुयाः ज्या यांनाः बिल धाःसा उकेयात 'ब्वाय्सु कचाखँपु' (Adjective Clause) धाइ । गथे, गुगु धेबा बौम्हसें मंकाःतल व काय्म्हसें खर्च यात । थुके गुगु धेबा बौम्हसें मंकाःतल' थ्व अधीन कचाखँपु जुल । अले 'व काय्म्हसें खर्च यात ।' थ्व मू कचाखँपु जुल । आः थ्वयात भतीचा हीकाः गुगु धेबा बौम्हसें मंकाःतल' या पलेसा 'बौम्हसें मंकाःतल' धकाः च्वयेगु अले 'व काय्म्हसें खर्च यात' या मंकाःनां 'वं' लिकायेगु अले स्वाकं च्वयेगु थुकथं बौम्हसें मंकाःतल' गुगु धेबा काय्म्हसें खर्चयात ।' थन खर्च यायेगु ज्या याम्ह (नां अथवा याक Subject) काय्म्ह खः । छायाःसा वं धेबा खर्च यायेगु ज्या यात व धेबा गुजःगु धायेबले 'बौम्हसें मंकाः

तः गु ।' थुके धेवाया व्वायसुया ज्या-यात । उकिं थ्व व्वायसु कचाखँपु जुल । आः मेगु छगू दसु काये, 'गुम्हसे ईया मू थू व मनुखं न्ह्यागु ज्या सयेकी । थुकेयात नं 'गुम्हमे ईया मू थू' या पलेसा 'ईया मू थूम्ह' च्वल 'व' मंकाःनां लिकाल । अले इवालाकं 'मनुखं न्ह्यागु ज्या सयेकी' च्वयेगु । थुक्थं 'ईया मू थूम्ह मनुखं न्ह्यागु ज्या सयेकी' जुइ । थुके 'ईया मू थूम्ह, अधीन कचा खँपु' भन्या व्वायसु जुयाः ज्या यानाः बिल । उकिं थ्व 'ईया मू थूम्ह' व्वायसु कचा खँपु जुल ।

ग) अव्यय कचाखँपु— थुके छगू मू कचाखँपुया व्वायसासु जुयाः ज्या याइ । थुके अव्ययया ज्या याइगु जुयाः थुकेयात 'अव्यय कचा खँपु' (Adverbial Clause) धाइ । अव्ययं यासुयागु ई, थाय्, धाँचा थुइकी । थुक्थं थ्व अव्यय कचा खँपु थ्व ई, थाय्, धाँचायागु मेगु विशेषता थुइकी । छुं दसु कयाः स-ये-- 'छ गुत्रले छेँ वन, जि नं उबले हे वये ।' थ्व ई थुइकूगु खँपु खः । 'छ गन वन, जि नं अन हे वये ।' थ्व थाय् थुइकूगु खँपु खः । 'छ गथे-गथे प्याखं ल्हुइ जि नं अथे-अथे हे प्याखं ल्हुये ।' थ्व ज्याया धाँचा थुइकीगु खँपु खः ।

आः थनं 'छ गुत्रले छेँ वन', 'छ गन वन' 'छ गथे-गथे प्याखं ल्हुइ' थ्व स्वंगुलि अधीन कचा खँपु खः । अले 'जि नं उबले हे वये', 'जि नं अन हे वये', 'जि नं अथे-अथे हे प्याखं ल्हुये' स्वंगुलि मुख्य कचा खँपु खः ।

आः थयात भतीचा हीका सथे यानाः च्वये ज्यू 'छ छेँ वंउले जि नं वये ।' अथे हे 'छ वं थाय् जि नं वये ।' हानं 'छ प्याखं ल्हुये जि नं ल्हुये ।' थन थ्व अव्ययया ज्या याना व्वायसु जुयाः थयात अव्यय कचाखँपु धाःगु खः ।

खँपु

(Sentence)

छुं खँ कनेगु त्याखँ पूर्वक अर्थ पिलूगु खँग्वःया इवःयात 'खपु' (Sentence) धाइ । थवयात 'वाक्य' नं धायेगु याः ।

-आः थव खँयात छकः दुवासाः स्वये-

-खँपु (वाक्य) धायेबले छुं खँ कनेगु त्याखँ न्ववाःगु अथवा चवःगु जुइमाः ।

-धायेत्यंगु खँ बांलाक, कवःजिक अर्थ पिलूगु जुइमाः ।

--अर्थ दुगु खँग्वःया पुचः मखु, इव जुइमाः ।

---खँग्वःयात इवः छुकेबले नियम अनुसार 'भाय्लचंया खँग्वः इवः छुना' (व्याकरणिक पदक्रम) मिले जुइमाः ।

- खँपुइ म्हा नं थःथवय् स्वापू दुगु दर्ता व यासु माः ।

- खँपु भाय्लचं कथं पाय्छि जुयाः व्यावहारिक मजुइफु । उकिं खँपु व्यावहारिक कथं नं पाय्छि जुइमाः । छगू दसु कयाः स्वये—
'जि जिमि बाः खः ।' थव खँपु भाय्लचं कथं पाय्छि जू । तर व्यावहारिक मजू । उकिं थुजःगुयात गथे यानाः पाय्छिगु खँपु धाये छिनी ।

खँपु स्वताजि दु--

१) सरल खँपु Simple Sentence

२) मिश्र खँपु Complex Sentence

३) संयुक्त खँपु Compound Sentence

१) सरल खँपु- छगू खँपुइ छगू वर्ति व छगू यासु दुगु खँपु-
यात 'सरल खँपु' धाइ । थथे धयागु मतलब सरल खँपुइ कर्ता व यासु
निगू खाँवः जक दइ धयागु मखु । मेमेगु नं दयेफु । छुं दसु कयाः स्वये-
'मचा दना' थुके 'मचा' कर्ता, अले 'दन' यासु खः । अथे हे 'ग्यांदुम्ह मचा
सुंक दन ।' ग्यांदुम्ह म्हाय्मचा लासाय् सुंक दन । 'जिमि ग्यांदुम्ह
म्हाय्मचा खाताय् च्वंगु लासाय् ग्वारामारा तुलाः सुंक दन ।' थ्व
दमुनसें छु खँ सी दत धाःसा खँपुइ नित्ता खँ मदयेक मगाः । व खः
'कर्ता' व 'यासु' । अले कर्ता अर्थात नाम नाप घानाः वइगु नां खँत्वाः
(Noun Phrase), यासु नाप घानाः वइगुयात यासु खँत्वाः
(Verb Phrase) धाइ ।

सरल खँपु

नाम खँपु Noun Phrase	यासु खँपु Verb Phrase
ग्यांदुम्ह मचा	सुंक दन
ग्यांदुम्ह म्हाय्मचा	लासाय् सुंक दन
जिमि ग्यांदुम्ह म्हाय्मचा	खाताय् च्वंगु लासाय् ग्वारामारा तुला सुंक दन ।

थ्वयात नं सरल खँपु हे धाइ ।

२) मिश्र खँपु- मुख्य कचाखँपु नाप अधीन कचाखँपु मिले य नाः
दयेकातःगु खँपुयात 'मिश्र खँपु' धाइ । दसु- 'छंगु नां कुमार धयागु
खँ जि मस्यु । थुके 'छंगु नां कुमार' मुख्य कचाखँपु खः थ्व थ थमं
स्वतन्त्र । थ्वयात मेगु छुकेयागु आविश्यक मजू । छाय्धाःसा थ्वया
थःथमं अर्थ पूर्व । उक्ति थ्वयात मुख्य कचाखँपु धाःगु खः । तर
धयागु खँ जि मस्यु ।' थ्वया थःथमं अर्थ पूमवं । सुयागु ग्वाहालि

भाः । उक्तिं श्रवयात् 'अधीन कचाखँपु' धाइ ।

छगू मिश्र खँपुइ छगू मुख्य कचाखँपु दयाः छगू अथवा ।
छगुलि अप्ठः अधीन कचाखँपु नं दयेयो । गथे— सुनाः मखुगु खँ
ल्हाइ वया ख्वाः ह्यामुइ धयागु खँ थौं तिनि जि सिल ।' थुके 'वया
ख्वाः ह्यामुइ' मुख्य कचाखँपु जुल । अले खवय् च्वंगु 'सुनाः मखुगु
खँ ल्हाइ' व जवय् च्वंगु 'धयागु खँ थौं तिनि जि सिल ।' निगुलि
अधीन कचाखँपु खः ।

अधीन कचाखँपु धयागु मुख्य कचाखँपुया न्हयने, ल्युने दथुइ
न्हयाथाय् नं लायेफु । गथे— 'सुना पन्यू ज्वनी वया योथे जा ताइ ।
थन 'सुना पन्यू ज्वनी थ्व अधीन कचाखँपु खः । 'दया योथे जा ताइ ।
थ्व मुख्य कचाखँपु खः । थन अधीन कचा खँपु मुख्य कचाखँपुया
न्हयने वल । अथे हे जितः ला व मनू स्वये हे मयो गुह्यते जितः बेक्वः
मिखां स्वयाः वन ।' थुके जितः ला व मनू स्वये हे मयो ।' मुख्य कचा
खँपु जुल । अले 'गुह्यते जितः बेक्वः मिखां स्वयाः वन ।' थ्व अधीन
कचाखँपु' खः । थ्व मुख्य कचा खँपुया ल्युने वल ।

३) संयुक्त खँपु— निगू अथवा निगुलि अप्ठः सरल खँपुत मिले
यानाः 'व', 'वा', 'अले', 'न' इत्यादि आखलं स्वानाः दयेकातःगु खँपुयात
'संयुक्त खँपु' धाइ । गथे— दयालक्ष्मीया म्हाइपुल अले वं वाकाः तल ।
'थुके निगू सरल खँपु दु । छगू 'दयालक्ष्मीया म्हाइपुल', मेगु 'वं वाकाः
तल ।' थ्व निगू सरल खँपुयात 'अले नं स्वानाः दिल । उक्तिं थ्व
'संयुक्त खँपु' जुल ।

संयुक्त खँपु दयेकेबले नाम खँत्वाः छगू जुयाः यासु
खँत्वाः निगू नं दयेयो । अथे हे छगू यासु खँत्वाः जुयाः निगू नाम
खँत्वाः नं दयेयो । गथे— रविन्द्र र सुरेन्द्र निम्हं पाजुपिथाय् वन ।
थ्वया मतलब रविन्द्र पाजुपिथाय् वन, सुरेन्द्र पाजुपिथाय् वन खः । थुके

यासु खँत्वाः (Verb Phrase) छगू अले नां खँत्वाः (Noun Phrase) जक निगू जुल । अथे हे 'रविन्द्र पाजुस्थियाय वन' अले 'रविन्द्र पाजुस्थियाय दन' थुकेया मतलव 'रविन्द्र पाजुस्थियाय वन' अले 'रविन्द्र पाजुस्थियाय दन' खः । थुके नां खँत्वाः छगू, यासु खँत्वाः निगू दु ।

संयुक्त खँपुइ निगू बा निगुलि अप्वः न्हयःक्व हे सरल खँपु मिले याना दयेकाः तःसां व सरल खँपुत थःथवय् भाय्लचं (Grammar) या स्वतन्त्र जुइ । छगू सरल खँपुइ दयेमाःगु भाय्लचंया अंगत फुक्कं दइ । मिश्र खँपुइ थें लिक्क खँपुया अधीनय् चवने स्वाः । उक्ति भाय्लचंया ल्याखं थव स्वतन्त्र जुइ, लिक्कचवंगु खँपुयात छुं स्वापु दइमखु । तर अर्थया ल्याखं लिक्कचवंगु खँपुनाप स्वापू मदं कं मगाः । गथे— राम तले वन अने नेपालय् हिमाल दु । थथे जुइबले भाय्लचं कथं स्वतन्त्रला ख हे खत । तर खँ कथं नं स्वतन्त्र जू ले थःथवय् अर्थया कथं छुं स्वापू मंत । उक्ति थवयात 'अले' धयगुलि स्वाना ब्युसां संयुक्त खँपु मजुल । थुक्थं अर्थ कथं स्वापू दयालि भाय्लचंया नियम उलि हे समान रूपं स्वतन्त्र जुइ ।

१. अजू थुइका	विस्मयादि बोधक	Exclamatory
२. अ-बां	अकार	
३. आखः	अक्षर	
४. आ-बां	आकार	
५. इ-बां	इकार	
६. इंकुति	चन्द्र बिन्दु	
७. उजं थुइका यासु	आज्ञार्थक क्रिया	Imperative verb
८. उ-बां	उकार	
९. ए-बां	एकार	
१०. कचाखँपु	उपवाक्य	Clause
११. कतः	पर	Disjunct

१२. कर्मकाः यासु.	सकर्मक क्रिया	Transitive verb
१३. कर्म सकाः यासु	अकर्मक क्रिया	Intransitive verb
१४. खँग्वः	पद, शब्द	Word
१५. खँग्वः कचा	पद विचार	Etymology
१६. खँग्वः ज्याना	शब्द रचना	Word building
१७. खँग्वः इवः छुना	पद क्रम	Word order
१८. खँत्वाः	वाक्यांश	Phrase
१९. खँपु	वाक्य	Sentence
२०. खँपु कचा	वाक्य विचार	Syntax
२१. चय्फुति	शिर विन्दु	--
२२. चिना आखः	संयुक्ताक्षर	Conjoint letter
२३. चिनाग्वः	समास	Compound word
२४. चिना यासु	संयुक्त क्रिया	Compound verb
२५. चीहाः	ह्रस्व	Short
२६. चीहाः माआखः	ह्रस्व स्वार	Short vowel
२७. छवचं	एक वचन	Singular Number
२८. जाः	लिङ्ग	Gender
२९. जाः हिले ज्या	लिङ्ग परिवर्तन	--
३०. ज्याना खँग्वः	व्युत्पन्न शब्द	Derivative word
३१. तःवचं	बहु वचन	Plural number
३२. ताःहा	दीर्घ	Long
३३. ताःहा माआखः	दीर्घ स्वार	Long vowel
३४. त्यासा खँग्वः	आगन्तुक शब्द	Loan word
३५. थः	आत्म	Conjunct
३६. थः थुइका	नीजवाचक	Reflective
३७. दुगठि थुइका	आवृत्ति बोधक	Multiplicative

३८. ना	नाम, संज्ञा	Noun
३९. नां कवाखँपु	नाम उपवाक्य	Noun clause
४०. नां खँत्वा:	नाम वाक्यांश	Noun phrase
४१. नां ब्वाय्सु	नाम विशेषण	Adjective
४२. नेवा:	नेवार	Newar
४३. नेवा:भाय्	नेपालभाषा	Newar language
४४. न्वंवाये	उच्चारण गर्नु	To pronounce
४५. न्हापहा	प्रथम पुरुष	First person
४६. न्हाय्	नास	Nose
४७. न्हाय्लिउ	अनुनासिक	Nasalized
४८. न्हासंथ्वःस:	(नाकेस्वर)	Nasal sound
४९. न्ह्यतंसा	उपसर्ग	Prefix
५०. न्ह्यस: थुइका	प्रश्नवाचक	interrogative
५१. पाहाँ खँव:	आगन्तुक शब्द	Loan word
५२. पुच: थुइका	समुह वाचक	Collective
५३. पूमवंगु यासु	असमापक क्रिया	--
५४. वचं	वचन	Number
५५. बाआख:	व्यञ्जन	Consonant
५६. बाग: माआख:	अर्ध स्वर	Semi vowel
५७. बाजा:	पुलिङ्ग	Masculine gender
५८. ब्व थुइका	अंश बोधक	--
५९. ब्वाय्यासु	क्रिया विशेषण	Adverb
६०. ब्वाय्सु	विशेषण	Adjective
६१. भाय्	भाषा	Language
६२. भाय्लचं	व्याकरण	Grammar
६३. मरु जा:	नपुंसक	Neutral gender

६४. मंकाः जाः	सामान्य लिङ्ग	Common gender
६५. मंकाः नां	सर्वनाम	Pronoun
६६. माआखः	स्वर	Vowel
६७. माआखःलिउ	अनुस्वार	Nasal
६८. माग्वः हना	स्वर क्रम	Vowel sequence
६९. माजाः	स्त्रीलिङ्ग	Feminine gender
७०. मिलाफुति	चन्द्र विन्दु	--
७१. मू खँग्वः	मूल शब्द	Primitive word
७२. मू माआखः	मूल स्वर	Main vowel
७३. मूयासु	मूल क्रिया	Root verb
७४. मेह	तृतीय पुरुष	Third person
७५. ग्वलफुति	शिरविन्दु	--
७६. हा	पुरुष	Person
७७. याक	कर्ता	Subject
७८. यासु	क्रिया	Verb
७९. यासु खँगाः	क्रिया वाक्यांश	Verb phrase
८०. यासु हा	धातु	root
८१. लितंसां	प्रत्यय	Suffix
८२. लिपाहा	मध्यम पुरुष	Second person
८३. लिफुति	विसर्ग	--
८४. सः	स्वर	Sound
८५. सिन्हःफुति	शिरविन्दु	--
८६. स्वापू थुइका	सम्बन्धवाचक	Relative
८७. हना थुइका	मानवोद्यक	Honorific
८८. हःपाः थुइका	प्रेरणार्थक	Causative

अकर्मक क्रिया	१३	एक वचन	१३
अकार	२	एकार	६
अक्षर	३	कर्ता	७७
अनुनासिक	४७	क्रिया	७८
अनुस्वार	६७	क्रिया वाक्यांश	७९
अर्ध स्वर	५६	क्रिया विशेषण	५९
असमापक क्रिया	५३	चन्द्र बिन्दु	६, ७०
अंश बोधक	५८	तृतीय पुरुष	७४
आकार	४	दीर्घ	३२
आगन्तुक शब्द	३४ ५१	दीर्घ स्वर	३३
आज्ञार्थक क्रिया	७	धातु	८०
आत्म	३५	नपुंसक लिङ्ग	६३
आवृत्ति बोधक	३७	नाक	४६
इकार	५	नाकेस्वर	४८
उकार	८	नाम	३८
उच्चारण गर्तु	४४	नाम उपवाक्य	३९
उपवाक्य	१०	नाम वाक्यांश	४०
उपसर्ग	४९	नाम विशेषण	४१
नीज वाचक	३६	मूल शब्द	७१
नेपालभाषा	४३	लिङ्ग	२८
नेवार	४२	लिङ्ग परिवर्तन	२९
पद	१४	वचन	८४
पद क्रम	१७	बहु वचन	३१
पद विचार	१५	वाक्य	१९
पर	११	वाक्य विचार	२०
पुरुष	७६	वाक्यांश	१८

गुलिङ्ग	५७	विसर्ग	८३
प्रत्यय	८१	विस्मयादिवोधक	१
प्रथम पुरुष	४५	विशेषण	६०
प्रश्न वाचक	५०	व्यञ्जन	५५
प्रेरणार्थक	८८	व्याकरण	६२
भाषा	६१	व्युत्पन्न शब्द	३०
मध्यम पुरुष	८२	सकर्मक क्रिया	१२
मानवोधक	८७	समास	२३
मूल क्रिया	७३	समुद्वाचक	५२
मूल स्वर	७२	सम्बन्धवाचक	८६
सर्वनाम	६५	संज्ञा	३८
संयुक्त क्रिया	२४	संयुक्ताक्षर	२२
सामान्य लिङ्ग	६४	स्त्रीलिङ्ग	६६
स्वर	८४	स्वर	६६
स्वर क्रम	६८	शब्द	१४
शब्द रचना	१६	शिरविन्दु	२१, ७५, ८५
ह्रस्व	२५	ह्रस्वस्वर	२६

गवाहालि सफू

- १) सुबोध नेपालभाषा व्याकरण— पुष्परत्न सागर
- २) पौभा— हितकर वीर सिंह कंसकार
- ३) बृहत् नेपाली व्याकरण—
- ४) मध्य चन्द्रिका— सोमनाथ शर्मा
- ५) मूलुखा— ईश्वरानन्द
- ६) लिधंसा— पुष्परत्न वज्राचार्य व लक्ष्मी भक्त जोशी
- ७) शब्द रचना अलंकार— आदिवज्र वज्राचार्य
- ८) झीगु भाय्: झीगु खँग्व:— इन्द्रमाली
- ९) राम्रो रचना मिठो नेपाली
- १०) धुकूपिकू— ईश्वरानन्द
- ११) Newari root verb— Iswaranand
- १२) नेपाली भाषा र व्याकरण— विष्णुगोपाल रिसाल,
शिवगोपाल रिसाल
- १३) रचनाकेसर —गोपाल पाण्डे 'असिम'
- १४) स्तरीय नेपालभाषाया नियमावली —काशीनाथ तमोट
- १५) High School Grammar in Nepali
- १६) नेपालभाषा व भाषा विज्ञान —डा० तेजरत्न कंसकार
- १७) The Newari Language : A working outline
—Kamal P. Malla

पत्र पत्रिका

- १) सितु, दँ १६, त्या: ६७ कछला-थिला ने० सं० ११०५
(पौ ४६)
- २) लबु, दँ १५, त्या: ३० जला-कौला-कछला ने० सं०
१११०, (पौ ८)

कवचाल

लपता:खँ

नेपालभाषाभाषीपिनि दथुइ तःदँ न्ह्योनिसें नेपालभाषाय् न्हूगु व्याकरण माःगु खँ जू । हाकनं ब्वमिपिके नेपालभाषाया माःछि ज्ञान मगाःगुलि व्याकरण अःपुक च्वयातःगु माःगु खँया नं सकसिनं अनुभव याः । थ्व इवलय् भाजु तुयुवहादुर महर्जनजु थ्व झीगु व्याकरण सफू च्वयादियाः नेपालभाषाया तःधंगु मसाःयात छु भचासां पूर्वका दीगु दु ।

थ्व सफूया छगू विशेषता माःछि व माक्व दसु न्ह्यथनातःगु खः । भेगु विशेषता सरलता खः । नेपालभाषाया छ्यलय् नकतिनि पलाः तःपित थ्वीकेभनं थ्व च्वयातःगु दु । थ्व संफुती न्ह्यथनातःगु खँ परम्परागत व्याकरणया खँ जक मज्जेसे व्यावहारिक व अनुभूत खँ नं न्ह्यथनातःगु दु । थुकी अप्पोल अप्पो नेपालभाषाया खँवलं खँ कनेगु कुतः जूगु दु ।

च्वमि भाजु महर्जनजु थ्व स्वयां न्हाया हे नं नेपालभाषाय् खोंमोह (उपन्यास, ११०१), च्वसा (वर्णविन्यास, ११०६) सफू च्वयादीधुंकुगु दु । वय्कलं मन थक्याः नेपालभाषाया थीथी भाषिक ज्याइवः छुनादीगु नं दु । थुगुसी झीगु ल्हातय् तयाबिदादीगु थ्व सफू स्वयंखनाः साप लय्ताय्वः, छायाःसा थ्व न्हियान्हिधं माल माल धकाः झीसं ताय्कावया च्वनागु अनुभूतिया मूर्त रूप खः ।

भाजु महर्जनं थ्वहे पलाखय् अझ क्वसिक ब्वनेज्या याताः नेपालभाषाय् मालाच्वंगु च्वज्याय् न्ह्यज्यानादी धौगु आशा याये । निन्तुना !

काशीनाथ तमोट

ने. सं. १११० बछेलागा ८

ख १/२३६ न्हूगु वानेश्वर

देवः थाःह्य- लसता प्रेस, कवाःबहाः, थँहिति, येँ ।